

D E
DOGMATIBVS
E T R I T I B V S
VETERIS ECCLESIAE,

ADVERSVS HVIVS TEMPORIS
H A E R E T I C O S

EX IPSORVM FERE TESTIMONIIS
Obferuationum

P A R S A L T E R A
STVDIO PAGANINI GAUDENTII
S. TH. DOCTORIS.



ROMAE, Apud Franciscum Corbelletum.
M D C X X V I.

SUPERIORVM PERMISSV.

THE NEW YORK

LIBRARY

OF THE

ASTOR LENOX

TILDEN FOUNDATION

1215 AVENUE OF THE AMERICAS


NEW YORK, N. Y. 10020

FORMERLY

THE ASTOR LENOX

AND TILDEN LIBRARY

NEW YORK, N. Y.



ILLVSTRISS. ET REV.^{MO}


PRINCIPI,

A C D O M I N O

D. FRANCISCO

S. R. E. CARD.

BARBERINO.



PAGANINVS GAVDENTIVS.



OMMODE accidit, vt sub tuum
ex Hispania redi-
tum in lucem pro-
diret hic libellus.

Cùm namque om-
nes ingenti lætitia perfusi, Deo age-

† 2

rent

rent gratias ; qui te incolumem stitisset Italiæ ; me nihil ab re facturum putavi , si in humillimo accessu veri affectus qualequale monumentum offerrem . Ea es sacrarum rerum notitia , ita hæc studia amplecteris , vt si quid suis numeris absolutum à me posset proficisci , Tibi , etsi priuatus esses , meritò commendandum foret : Nunc cum vndique in Republica Christiana tua auctoritas se conspiciendam præbeat , & in duplici Legatione , datis tot insignium virtutum argumentis , nominis fama Europam repleueris , audeo tamen te per insignem humanitatem , qua vel infimos deuincis , submissè rogare , ne suscipere digneris hoc munusculum , in quo vt reliqua omnia exilia sint , spero tamen

men in eam partem ab æquis Lectoribus acceptum iri, ut primum hinc agnoscant desiderium bene de Veritate merendi meum; intelligant deinde, conari me ea præstare, quibus aliquas saltem vices rependam benignæ propensioni, quam per magnam vicissitudinem erga res meas semper seruasti. Sunt flumina, quæ transeunt lacus non commixta: Tua voluntas eadem est nulla turbarum vicinia immutata. Eo nomine me ita tuo obsequio adstrinxisti, ut prius à meipso diuelli me posse existimem, quàm ut te perpetuo parendi studio prosequi desinam. Dignissimus es, Cardinalis Amplissime, qui tranquillitate fruaris, ut de Pace celeberrimos triumphos ducere, & ramis oleæ
possis

possis decorus incedere; hinc Deum
toto pectore supplex veneror, ut
præclaris animi tui institutis faueat,
& feliciter diuq. superstite Summo
Pontifice, Tibi largiatur Ecclesiæ
Catholicæ Maiestatem quammaxi-
mè augere. Dabam Romæ Idibus
Octobris Anno MDCXXVI.



*Imprimatur, si videbitur Reuerendiss. P. Magistro
Sac. Pal. Apost.*

A. Episc. Hierac. Vicesg.

**Attentè, & libenter legi partem istam egregiarum
obseruationum notissimi, & sapientis viri, cuius
solicitudinem pro S. D. E. & insignem cum pie-
tate eruditionem, non suspicere & commendare
non possum. Voueo, vt quàmprimum quæ super-
sunt in lucem veniant, magnum vtique Christia-
næ Reipublicæ commodum allatura. Ita censui,
mandante vt relegerem, Reuerendissimo S. P. A.
Magistro. In S. Mariæ super Mineruam. I. Id. Iun.
MDCXXVI.**

Fr. Nicolaus Riccardius.

Imprimatur.

*Fr. Antoninus Phœbeus Magist. & Reuerendiss.
P. F. Nicolai Rodulfi Sacri Palatij Apostolici
Magistri Socius, Ord. Præd.*

Errata corrigenda.

Pag.	Lin.	Error.	Correctio.
4	20	Patri	Fratri.
6	8	quam	quem
13	10	Hos	Hoc
14	2	Isidorum	Isidorus
ead.	14	assentiunt	assentiuntur
18	4	væsauiam	uzsaniam
ead.	15	inuentarij antiqui	antiquus inueniatur
22	6	VitaK per.	VVitaKer
ead.	9	veram	veterum
ead.	11	item in casu	tunc in usu
57	17	confectorum	confictorum
75	3	ebsonum.	absonum
83	9	decimūsexum	decimūquintum
91	15	domanda	domandam
94	19	lucrifugis	lucifugis
107	25	principium	principum
110	7	contractum	contractuum
114	12	extructum	extructæ
116	25	putabatque	putabat
126	22	appellant	appellans
127	18	nulli	nonnulli
ead.	24	perciperunt	perceperunt
136	18	actionem	vnctionem
151	2	seu	sed
151	2	omittendum illud : se	
32	6	omittenda hac tria verba ; Homines detinere, conluenerunt.	

Sunt nonnulla alia, quæ Lector ipse emendabit.

PAGANINI GAVDENTII

S. THEOL. DOCT.

ADVERSUS HVIVS TEMPORIS

HAERETICOS

Ex ipsorum ferè testimonijs obseruationum

PARS ALTERA.

De S. Scripturæ autoritate, vnde
nobis de ea constet.


Caput I.

A NIMADVERTVNT probè
Aduersarij, se si dixerint authori-
ritatem S. Scripturæ diuinam, &
cuiusuis eius libri ex testimonio
Ecclesiæ tantum, vel præcipuè
innotescere, eò se adactum iri, vt fateantur Ec-
clesiæ autoritatem infallibilem esse, & hac in-

A re

re tanquam certam veritatis indicem susceptam, in alijs non posse reijci, & iudicio nostro subijci; ideo fingerunt, sed imprudenter, afflatu quodam Spiritus sancti, & manifestatione secreta suggeri Scripturam habere Deum authorem, huncq. vel illum librum eius, hocq. testimonium Spiritus sancti priuatum, & arcanum veluti suæ religionis præcipuum, imò vnicum, & solum solidum fundamentum magnificè ostendant, populo vt placeant quas fecerunt, fabulæ. Cùm verò nullus sit Nouatorum cōtraria è diametro contra seinuicem docentium, qui non iactet se habere Spiritum sanctum, & ab illo secretò de rebus fidei instrui, ideo antiquo Christianorum more si hæc lis sit finienda, cum Catholicis recurrendum fuerit ad Ecclesiæ, in qua sine dubio habitat Spiritus sanctus, propositionem, tanquam ad medium, sine quo fieri non possit, vt nouerimus, quid distent veri libri à supposititijs, quinam Spiritus sit ex Deo, qui non, vbinam Spiritus Dei, & veritatis spiret, vbi verò spiritus mendacij, vbinam Christus pascat in meridie. De more verò antiquo Christianorum in dignoscendis Scripturæ libris Canonicis ab Apocryphis, hæretici ipsi nobis ex S. Patribus suppeditant. Calvinus Instit. lib. 1. c. 8. sect. 9. in fine: *Certo certius est omnium Prophetarum, & Apostolorum scripta*

scripta non aliter peruenisse ad posteros, quàm de manu in manum, ut ita loquar, perpetua annorum serie à Patribus tradita. Vides Lector, ut Calvinus fatetur non aliter quàm per traditionem Ecclesiasticam, tanquam diuinam suscepisse nos S. Scripturam. In Colloquio Ratifponensi, quod notatu dignissimum est, Patribus Societatis Iesu concessum fuit à Protestantibus, (Testatur Pareus disp. 1. de auth. Scrip. thes. 117.) *dogma de Canonicis Scripturis, vel tantùm, vel præcipuè ex testificatione Ecclesiæ haberi.* Hoc est quod volebant PP. Gretserus, & Tannerus, hoc est quod volumus nos. Dicent Calviniani, à Lutheranis hoc fuisse concessum, sibi cum Lutheranis nihil rei esse. Respondeo. Cùm Calviniani in hac controuersia idem sentiant aduersus Catholicos cum Lutheranis, quos etiam fratres, & membra eiusdem Ecclesiæ vocant, & in fundamento fidei non errare existimant, non possunt iure ipsorum testimonium rei jecere.



Defenditur tanquam germanus Canon Africanus de Sacrae Scripturae libris .

Caput II.

NOs Catholici ad asserendam authoritatem diuinam & Canonicam quorundam librorum Sacrae Scripturae, adducimus Canonem Concilij Carthaginensis, qui in Codice Canonum Ecclesiae Africanae est 24. *item*, inquit Patres illi, *placuit, ut praeter Scripturas Canonicas nihil in Ecclesia legatur sub nomine diuinarum Scripturarum. Sunt autem Canonicae Scripturae &c. Salomonis libri quinque Tobias, Iudith, Esther, Esdrae libri duo, Machabaeorum libri duo &c.* Ad hunc Canonem Africanorum Patrum respondet Iohannes Rainoldus in suis thesibus de S. Scripturae, & Ecclesiae authoritate, & earum Apologia, aitq. Canonem illum esse supposititium. Hoc probare satagit ex verbis, quae subiunguntur statim Canonem iam dicto: dicunt namque Patres: *Hoc etiam Patri, & consacerdoti nostro Bonifacio, vel alijs earum partium Episcopis pro confirmando isto Canone innotescat, quia a Patribus ista accepimus in Ecclesia legenda.*

Nam

Nam Concilium Carthaginense Tertium, cui attribuitur iste Canon, fuit celebratum Cæsario, & Attico Coss. sed Bonifacius Pontifex Romanus 22. post annis vixit, anno scilicet Domini 419. videtur igitur esse fallum fuisse conditum. eiusmodi Canonem tempore Bonifacij Papæ. Huic verò argumento aduersus authoritatem Canonis facile fuerit satisfacere ex ijs, quæ notat Christ. Iustellus in præfatione ad Codicem Canonum Ecclesiæ Africane. vbi p. 34. obseruat erratum fuisse in chronologia istorum Conciliorum Africanorum ab illorum Collectoribus. *Atque hæc, inquit, sunt Ecclesiæ Africane Concilia, quæ intra 419. annorum terminos leguntur habita: de quibus multa traduntur, & falsò, & præposterè, & confusè à Conciliorum collectoribus, qui imperitè & sine ordine miscent, quæ discernenda sunt, neque quicquam distinguunt, & credulum Lectorem saepe fallunt. Qua de re viri docti iam olim questi sunt. post nonnulla hæc scribit: quod (Collectores) adijciunt Cæsario & Attico Coss. Concilium Carthaginense aliquod fuisse, quod tertium vocant minus repudio, quia Zonaras & Balsamo Græci Canonum Collectores id testantur, ipsaque quam nunc restituiamus, Africana collectio indicat. Sed, inquit, falluntur, cum illi Concilio adscribunt quinquaginta Cano-*

A 3

res,

nes, quorum *xxi.* tantum ad illud pertinere reperiuntur: reliqui verò ferè omnes adscribendi sunt Concilio Carthaginiensi, quod *xxij.* post annis *A.D. CCCCXIX.* tempore Bonifacij P. R. habitum fuisse verba Canonis *47.* euidenter arguunt, ipsaq. acta Synodalia testantur. Bonifacius enim, Casario & Attico Coss. nondum erat Episcopus, quam sub Consulatu Honorij XII. & Theodosij VIII. *A. D. CCCCXVIII. Calend. Ianuarij ordinatum fuisse constat.* His animaduersis euaneſcit obiectioncula Rainoldi. Certum est Canonem illum de scripturis esse alicuius Concilij Africani, nam legitur in Codice Canonum Ecclesie Africane, atque adeo fuit approbatus ab Afris Episcopis, quocunque demum tempore conditus fuerit. Largimur Rainoldo Canonem non esse Tertij Carthagenensis, sed hinc non propterea sequitur esse supposititium, sed tantum esse alterius Concilij, (quod verissimum est, & ratio probat) eius nempe quod habitum est anno *419.* cum Bonifacius esset Pontifex Romanus, & hoc ipsum colligitur ex adiectione verborum illorum ad Canonem, quam superius recitauimus.

Dilui-

Diluitur obiectio hæreticorum ad- uersus auctoritatem quorum- dam librorum veteris Te- stamenti. Cap. III.

PRæcipuum argumentum, quo mouentur No-
uatores ad excludendos libros Machabeo-
rum duos priores, librum Ecclesiastici, & non-
nullos alios, qui hebraicè non habentur, est quia
nonnulli ex Veteribus Scriptoris Ecclesiasti-
cis non recensuerunt inter libros Canonicos Sa-
cræ Scripturæ, imò de ipsorū auctoritate diuina
visi sunt dubitare, in eamq. inclinare sententiam,
vt cum Hebræis eos solos velut à Deo profectos
susciperent, qui primum hebraicè conscripti
etiamnum in illa lingua legerentur. Sed hanc
rationem nullius esse ponderis ad euerendam
Canonicam auctoritatem supra enumeratorum
librorum, animaduertent faciliè Aduersarij, si
meminerint eorum, quæ solent adferre ipsi ad
adstruendam auctoritatem diuinam nonnullo-
rum librorum Noui Testamenti, vt putà Apo-
calypsis, duarum Epistolarum posteriorum
Sancti Iohannis, Epistolæ S. Iacobi, de qui-
bus non ita etiam liquebat apud nonnullos Ve-

terum Canonici essent necne . Sufficere namque aiunt Nouatores , quod tandem totius Ecclesiæ consensu recepti fuerint . Hoc certè obseruant illi Geneuenses , qui Harmoniam confessionum ediderunt . Verba ipsorū sunt: *Quamuis in Catalogo librorum Noui Testamenti nonnulli reperiantur, de quibus aliquando , apud quosdam Ecclesiæ Doctores antiquos dubitatum fuit, tamen tandem totius Ecclesiæ autoritate Catholica consensu illi quoque pro Canonicis sunt habiti & recepti . Itaque immeritò hodie reijcerentur propter quorundā dubitationem .* Si itaque ad excludendos libros , e.g. Epistolam S. Iacobi , Apocalypsim ex Canone non sufficit docentibus quidem ipsis Geneuensibus, quod aliqui olim de ipsis nonnihil hæsitauerint , iure meritò reprehendendi veniunt Aduersarij , quod huiusmodi potissimum argumento moti ex Catalogo librorum Canonico-
rum expunxerint libros Machabeorum , Iudith, aliosq. nonnullos , contra quos hunc syllogismum conficiunt: Illi soli libri sunt Canonici , de quorum autoritate diuina nullum fuit apud Veteres dubium .

Subsumunt : At de libris Machabeorum fuit dubitatum .

Inferunt libri Machabeorum non sunt Canonici .

Vicif-

Vicissim subsumam ego: de libro Apocalypsis fuit olim dubitatum.

Vnde videretur inferendum: Liber igitur Apocalypsis non est Canonicus. Quam verò Geneuenses adhibent responsionem ad diluendum posterius argumentum contra authoritatem Apocalypsis, eam ipsam opponimus oppugnantoribus authoritatis diuinę librorum Machabeicorum, & aliquot aliorum. Si cupiunt admitti responsionem pro libro Apocalypsis, non dedignentur pati, vt nos illa ipsa vtamur pro defensione aliquot librorum Veteris Testamenti, qui tandem totius Ecclesię consensu recepti fuerunt, vtvt olim de ipsis ab aliquibus fuerit dubitatum.

Examinatur sententia Nouatorum,
qua statuunt S. litteras in solo
textu originali esse authenticas. Cap. IV.

IN ea sunt sententia Aduersarij, vt doceant nullam translationem esse omninò authenticam, ita vt quis illa tutò possit niti, reuocandam verò esse sub examen, & conferendam cum

800

textu

textu originali, exque isto de illa iudicium fe-
 rendum; hunc enim solum esse indubitatae fidei.
 Sed reijcula hæc sunt tum ob multas causas, cum
 præcipuè ob illam quod cum sensu Veterum Ec-
 clesiæ Antistitum pugnet, quod discere est, vel
 ex Saluiani Massiliensis, sui temporis Jeremiæ
 verbis, quæ recitat ipse Ritterschus. qui ita scri-
 bit in Nouell. part. 1. c. 1. n. 27. *Obfignabimus hoc*
caput verbis Saluiani Massiliensis l. 5. de Guber-
natione Dei c. 141. Nos tantum Scripturas Sa-
cras plenas, inuiolatas, integras habemus, qui eas
vel in fonte suo bibimus, vel certè de purissimo
fonte haustas per ministerium puræ translatio-
nis haurimus. Nos tantummodo benè legimus,
atque utinam quod benè legimus tam benè adim-
pleremus. Hic videre possunt, si volunt Aduer-
 sarij duplici modo haberi, & legi S. litteras tan-
 quam plenas, inuiolatas, integras, nempe, vel
 in fonte, vel de purissimo fonte per ministerium
 puræ translationis Saluianus certè nonnisi se-
 cundo modo poterat habere S. librorum codi-
 cem, cum ab ipso Græca & Hebræa linguæ
 ignorarentur, quantum quidem coniectura asse-
 qui possumus. Ut verò ad refellendum idem
 Aduersariorum paradoxum ab initio huius capi-
 tis relatum & hoc adijciam: Si Sacræ litteræ in
 solo textu originali essent authenticæ, hinc aliud
 non

non minus absurdum paradoxum sequeretur ,
 nempe Ecclesiam Veterem, in qua sunt celebra-
 ta tot celeberrima Concilia non legisse diuinum
 instrumentum S. Scripturę , certum & non suspe-
 ctę fidei, atque adeo non potuisse quicquam soli-
 dę, & plena animi sententia de rebus sacris , &
 controuerſijs , quę tunc agitabantur, statuere.
 Hoc verò dicere , quàm ab omni ratione sit ab-
 ſonum, ſi non deprehendunt aduerſarij, indi-
 gniſſimi proſecti ſunt rerum ſacrarum tractato-
 res. Id autem ex illo Aduerſariorum effato con-
 ſequi quilibet deprehendere poteſt. Quotus
 quiſque enim Veterum tan Gręcorum, quàm
 Latinorum hebraicę fuit doctus, ſi Origenem,
 Epiphanium, Hieronymum excipias? Ac quicue-
 runt verò in translatione Septuaginta Interpre-
 tum ante Hieronymianam, qua etiam ſubſecu-
 tis temporibus Latini fuerunt contenti. At quo-
 modo Eccleſia, quę eſt columna, & firmamentum
 veritatis perſiſtiſſet in fide Chriſti certa conſtan-
 tia, ſi Sacris litteris veris, & integris caruiſſet, &
 incertis tanquam liquidiffima veritate nixa fuiſ-
 ſet.



Refu-

Refutantur Nouatores, qui existimant textum Græcum Noui Testamenti esse omnino purum, & integrum: Cap. V.

Nouatores heretici ut detrahant versioni vulgatę Latinę, eamque pro lubitu suo emendent, versent nunc addendo, nunc adimendo, textum Græcum Noui Testamenti omnis erroris expertem, & omnino emendatissimum dicunt esse, adeo ut omnia omnino alia exemplaria ad illum debeant exigi, expendi, & ubi opus fuerit, corrigi. Hoc ut sepiissime dicant Adpersarij, mox tamen sui obliti in ipsum textum Græcum, propria crisi etiam absque ope & collatione variorum exemplarium audent incurrere, & non pauca corrigere. At si supradictus emendatissimus est, si omnis erroris exsors, quomodo non verentur illi imponere manus, non minus quàm Plauto, Ciceroni, alijsq; exoticis authoribus, & adhibita Critica aliqua refingere, & mutare? de more verò Criticorum ita scribit Casaubonus, ut eum defendat. Exercit. 1. sect. 28. num. 80. in *Matthæi* 16. vers. 17. & *Iohan.* 21. vers. 15. *Vtrum sit legendum*

Bar-

Bar-Iona, an Bar-Ioanna, vetustissimi librorum
 Sacrorum Interpretes dubitarunt: nec dubitavit
 magnus Hieronymus scribere sic: Volunt Scripto-
 rum vitio deprauatum, ut pro Bar-Iohanna,
 hoc est, filius Ioannis, Bar-Iona scriptum sit, una
 detracta syllaba. Idem scribit & Isidorus Origi-
 num libro septimo. Idem Hieronymus Matth. 3.
 vers. 3. vocem *νότις* adulterinam pronunciat,
 & similes deprauationes se alibi obseruasse scri-
 bit. Hos, ait, nomen Esaie quæramus additum,
 scriptorum vitio, quod & in alijs locis probare
 possumus. In 16. c. Marci, quidam è veteribus
 integrum versum nonnū induxerunt, ut refert Gre-
 gorius Nyssenus, in libro de resurrectione Christi
 altero. Idem Nyssenus versic. 2. illius capitis, vo-
 cem *ἐν* præponit, quam è suis libris iam tum qui-
 dam sustulerant, neque extat hodie in nostris Co-
 dicibus. In posteriore ad Timoth. 4. vers. 10. le-
 ctionem quæ hodie obtinet, *γαλατίας* Epiphanius
 reprehendit contra Anoetos, ut errore quorundam
 introductam: ipse corrigit *γαλλίας*. Matth. 27.
 vers. 52. Glycas historicus *αὐτῶν* emendat pro
αὐτῆς: quam emendationem sequitur Arabs inter-
 pres Luca 19. vers. 41. propter verbum *ἐκλαυσεν* fle-
 uit de Christo, versum illum totum sustulerunt
 olim orthodoxi quidam, inquit Epiphanius in
 Arcyroto p. 482. Tim. 4. vers. 3. pro *ἀπέχεσθαι* ab-
 stinere

stinere, ἀντίχρεια; quod contrarium significas scribendum esse, Isidorum Pelusiota contendit probare, Epistola 112. libri quarti. Et est tota illa Epistola cum sequente, similium observationum, atque emendationum plena. Actorum 7. vers. 16. ut Stephani Prothomartyris orationem, cum historia Moysis conciliarent viri docti Eugubinus, Lippomanus, Masius, Exscriptorum fidem sibi esse suspectam indicarunt. In voce Rempham eiusdem capituli vers. 43. mendam subesse pro Cheuam viri graues coniecturam faciunt. Actorum 13. vers. 20. & 1. Cor. 10. vers. 8. inextricabilium difficultatum causam in librariorum negligentiam reijcit Caietanus, cui viri doctissimi assentiunt. Matth. 1. undecimum versum refingit totum Maldonatus, ut nascentia dubia è vulgata lectione soluat. Iohan. 18. vers. 1. scribitur à multis sæculis ἀντιχρὲς ἔστι τὸν κεδρὸν. fere tamen consentiunt eruditi, illud τὸν, pro τῷ, esse à mala manu. Marc. 16. vers. 36. vulgatam editionem, græcam esse corrigendam censet Lansenius.

Græci Codices Noui Testamenti non
omninò sunt incorrupti. Possunt
aliquando corrigi ex versione
vulgata Latina Cap. VI.

HAeretici idem dicunt de Græcis, quod de
Hebraicis Codicibus, eos scilicet omnis
mendæ esse expertes, & nunquam ex Latinis
Codicibus, alijsq. corrigi posse. Hoc certè Ve-
terum testimonijs faciliè refutari potest, addu-
ctis ipsorum Nouatorũ obseruationibus 1. Cor.
15. Legendum est: primus homo de terra terre-
nus, secundus de cœlo coelestis, vt Calvinus ip-
se probat ex vulgata editione Inst. l. . . c. 7. §. 12.
at Græci habent: ὁ δεύτερος ἀνθρώπος κύριος ἐξ οὐρανό.
audiamus in eum locum Erasmi verba: *Græci le-
ctionem habent à nostra diuersam, idque constan-
ter. Quanquam, vt ingenuè dicam, mihi magis
probatur, quod in nostris Codicibus scriptum est:
præsertim cum ita legant Hieronymus, & Am-
brosius, & magis respondeat ad id, quod præcessit
de terra terrestres, proinde arbitror ὁ κύριος ad-
scriptum à studioso quodam qui voluerit reddere
orationem explanatiorem.* Rom. 12. vbi vulgata habet: *Domino seruien-*

tes, Græci non habent *κυσίω*, sed *καίςω*. Beza tamen vertit *Domino seruientes*; additque in annotationibus: *Ita in probatissimis quibusque Codicibus vetustis, Græcisq. Scholijs. Sic legunt Chrys. & Theophyl. & ita citatur hic locus à Basilio in Ethicis definit. 68. & à Clemente. Erasmus tamen interpretatus est, tempori seruientes καίςω δ' ἐκείνους, omnino legendum esse putò καίςω, & ab ijs corruptum esse locum, qui compendium illud scribendi καίω putarunt καίςω declarare; idque eò verisimilius est, quod etiamnum hodie apud Basilium eo loco quem antea citavi, scriptum inuenitur. Hunnius tamen existimat in primigenio textu legi καίςω, non *κυσίω*. Quomodo vero omnis mendæ expertem possunt dicere eum textum, de cuius primigenia lectione contendunt. Hunnius in primigenio putat fuisse scriptum καίςω, Beza *κυσίω*. plus vna vera esse nequit lectio. In plurimis Græcis Codicibus desunt integre S. Scripture partes, vt historia adulterę Ioh. 8. vltimum caput Marci, testimonium 1. Ioh. 5. Tres sunt, &c. Beza in Ioh. 8. notat ex 17. Roberti Stephani Codicibus vnum tantum habuisse historiam illam. idem ait testimonium 1. Ioh. 5. in multis Codicibus Græcis deesse.*

Nonnulla etiam irreplerunt absque ratione in Græcos Codices, vt illud: *Quia tuum est regnum*

gnum &c. in quam Erasmus: *Hanc coronidem in omnibus Græcorū exemplaribus adiectam comperio, quoniam tuum est regnū, verum quando nec in ullis Latinorum exemplaribus adscriptum visitur, nec exponitur à Hieronymo, aut ullo prorsus Interpretum, præter Chrysostomum, & huius abbreviatorem recentem Theophylactum, apparet ex solemnī consuetudine sic additum, ut angelicæ salutationi, quædam adiecerunt, nec ab Angelo dicta, nec à quopiam alio. Nam benedicta tu in mulieribus, Elisabethæ verba sunt. Et; Quia peperisti seruatorem animarum nostrarum à nemine dictum est. Consimili studio adiectum est in fine Psalmorum; Gloria Patri, proinde non est, cur Laurentius Valla stomachetur bonam precationis Dominicæ partem fuisse decurtatam. Magis taxanda fuerat illorum temeritas, qui non veriti sunt, tam diuinæ precationi suas nugæ assuere. Nugas enim iure dixerim ad diuinā doctrinam, quicquid ab hominibus profectum fuerit: præsertim si quod ab hominibus annexum sit, ad Christum auctorem conferatur.*

Etsi vero tantum Græcis codicibus tribuere se dicant Nouatores, adeo tamen aliquando illos paruifaciunt, ut eos corrigere audeant non ex alijs editionibus Syriaca e.g. aut Latina, sed ex profanis Authoribus Ita Beza corrigit S. Lu-

cæ Euangelium ex Iosepho Hebræo, qua de re iure cōqueritur Card. Baronius his verbis. tom. r. p. 39. *mirum in modum obstupuimus ad Nouatorum uasauiam, dum Iosepho Iudæo plus tribuunt quam Euangelio à Luca composito: quippe quæ adeò irrefragabilem esse dicant illius historiæ, ut potius quam uelint Iosephum errasse, dicere non erubescant, textum Euangelij alteratū, vel potius adulteratum, eaq. uerba quibus dicitur. Hæc descriptio facta est à præside Syriæ Cy-rino, non esse Euangelistæ, sed ociosi hæc scribentis in margine, eademq. inde irrepissse in textum, quos refutat Veterum autoritate. Sed doceant, inquit, quando sine ijsdem uerbis à patribus idē textus alicubi citatus reperiatur, vel si quis Græcus, aut Latinus codex inuentarij antiqui in quo prædicta uerba desiderentur. At cum, ut & nunc habet textus semper à temporibus Apostolorum, atque in omnibus Christiani orbis Ecclesiis ea uerba in Euangelio sint lecta, quæ tanta temeritas, & impudentia, ut ea uerbis expungi?*

De

De Vulgata versione Latina sacrae
Scripturae, per annos ferè mille
sola in usu à S. Patribus om-
nibus praelata. Cap. VII.

A Pud Hæreticos quidem huius temporis
adhuc sub iudice lis est, & incertum quæ
nam potissimum versio sacrae Scripturae Latinae
sit omnibus præferenda, & in tractandis rebus
Ecclesiasticis adhibenda: Vnusquisque suam,
quàm vult obtrudere laudat; omnibus tamen
constitutum est versionem Latinam veterem,
Vulgatam dictam, authenticam esse negare,
eiusque Authorem plurimorum errorum postu-
lare. Illustrissimus, & nunquam satis laudatus
Card. Bellarm. *l. 2. de V. D. cap. 10.* ad asseren-
dam illius auctoritatem duas insignes rationes
affert, quibus dum respondere nituntur. Ad-
uersarij, non possunt non fateri, & antiquam
esse, & per plurima sæcula in summo pretio fuis-
se apud omnes, vt hinc nobis colligere optimo
iure liceat, non esse, quod illa posthabita nobis
infelici labore, alias paremus. Adhæremus igitur
etiam hac in re piæ Antiquitati, Nouatori-
busq. varias relinquimus, & trium dierum ver-

fiones. *Primum itaque argumentum*, inquit Bel-
 larminus, l. 2. de V. D. c. 10. *pro authentica Ver-*
sionis Vulgatæ editione est Concilij Tridentini;
ait enim eam à se probari Sacrorum librorum
latinam editionem, quæ longo tot sæculorum usu
in ipsa Ecclesia probata est. Nec enim temerè per
annos ferè mille h. e. à tempore B. Gregorij omnis
Ecclesia Latina hac una editione usa est, omnes
Concionatores hanc explanarunt, & populis pro-
posuerunt, omnia Concilia ex hac editione testi-
monia protulerunt ad confirmanda dogmata fi-
dei. Hunnius Lutheranus, qui disputationes do-
 ctissimas vellicandas sibi sumpsit, respondet: *Ra-*
tio à tot sæculorum usu petita, hoc tantum euin-
cit Ecclesiam Dei utiliter ea editione esse usam,
cùm non extaret melior. Fatetur itaque per tot
sæcula, annos nempe mille (hoc enim dixerat
Cardinalis) omnem Ecclesiã Latinam eam usum
esse melioremq. non extitisse. Quomodo verò
summæ imprudentiæ, immò temeritatis notam
effugiet is, qui spreto tot sæculorum usu, no-
torum Interpretum eorumq. contrarijs fronti-
bus inter se pugnantium sectetur versiones? Se-
cundum argumentum, inquit Cardinalis, *sumo*
ex testimonijs veterum, nam vel hæc nostra ver-
sio est Hieronymi, vel certè illa antiqua commu-
nis, quam Augustinus vocat Italam: si est illa
antiqua,

antiqua, magnum testimonium habet ab August. lib. 2. de Doctr. Christiana, c. 15. ubi dicit eam omnibus esse præferendam: si autem est Hieronymi, habet testimonia omnium veterum, qui eam videre potuerunt Augustinus lib. 18. de C. D. cap. 43. Non defuit temporibus nostris Presbyter Hieronymus, homo doctissimus; & trium linguarum peritissimus, qui ex Hebræo, in Latinum diuinas Scripturas vertit, cuius tantum litterarum laborẽ fatentur Hebræi esse veracem. Et epist. 10. ad Hieron. versionem, seu potius emendationem Testamenti Noui, omnibus probari. Item B. Gregorius l. 2. cap. 24. Moral. Quia, inquit, hæc noua translatio ex Hebræo nobis eloquio cuncta nobis verius transtulisse perhibetur, credendum est, quicquid in ea dicitur, & oportet ut verba illius nostra expositio subtilius rimetur S. Isidorus l. 6. Etym. c. 5. Presbyter Hieronymus trium linguarum peritissimus, ex Hebræo in Latinum eloquiũ diuinas Scripturas conuertit, eloquenterq; transfudit, cuius interpretatio meritò cæteris antepauitur, & l. 4. de Diuin. offic. c. 12. Cui subscribit Rabanus. l. 2. de Instit. Cleric. c. 54. Porro qui deinceps secuti sunt Diuus Anselmus, Bernardus, Rupertus, Haymo, Hugo, Richardus, & omnes alij satis ostendunt, se hanc editionem præ cæteris probasse, cum eam solùm explanandam susceperint.

B

3

Adde

Adde etiam quod non solum Latini hanc versionem probarunt, sed etiam Græci, quorum quidam diuina volumina à Hieronymo ex Hebræo in Latinum conuersa ipsi ex Latino in Græcum transfuderunt, ut D. Hieronymus testatur in l. de vir. Illustr. in Sophron. & l. 2. contra Ruff. Vitak per Calvinista fatetur Patres versionem illam laudare; Fr. Iunius affirmat vera esse quæ Cardinalis in hoc argumento sumit. Addit Hunnius: testimonia verum hoc tantum volunt, quod Latina translatio vulgata sit ceteris anteferenda, quæ scilicet item in casu erant. An hoc tantum voluerint nolo iam disquirere, hoc accipio. ex verbis Hunnij, Illustris. Cardinalem fideliter adduxisse Veterum testimonia, ex quibus licet colligere eos Doctores tanti eam fecisse, ut illam omnibus alijs prætulerint, quæ tunc extabant. Quod verò hoc tempore indocti Nouatores meliorem confecerint credat Vltembergensis aliquis Saxo, nobis certè id nunquam persuadebit Hunnius, præsertim cum inter Nouatores non pauci, qui alioqui alto supercilio omnia vetera despiciunt, id honoris adhuc deferant Vulgatæ, ut nulli litæ esse mouendâ censeant, quia hac sola vtatur, nec necessarium esse putant aliam, præter istam in disputationibus, concionibus, lectionibus adhibere. Audi Lector verba Tigurinorum in præfat.

Biblio-

Bibliorum suorum : *Quibus hac nostra displicet, ijs manet integra, & intacta Vetus vulgaris, & recepta illa sua, quam nos hac nostra minime damnamus.* Sub finem : *Repetimus manere Veterem vulgatamque editionem admiratoribus integram atque intactam, legatur sane in scholis; canatur, citetur sola, nullus obstat.*

Ob aliqua errata per incuriam librorum non desinere esse authenticam aliquam editionem sacre Scripturę. Cap.VIII.

HAereticorum alij corruptissimam esse vulgatam versionem Latinam contendunt, alij multum quidem ei deferunt, sed tamen existimant inesse illi suos naves, ac proinde negant authenticam esse posse. Illam enim editionem solam authenticam debere dici putant, quę omnibus omnino etiam minimis partibus sit integra, omniq. sphalmate careat. Ego hic de maxima integritate vulgatę versionis Latinę nolo disputare, hoc tantum dico etiam si adhuc haberet aliquas mendas ineptissimę inde inferri eam authenticam non esse.

Existimo namque mendas aliquas quę obre-
 pferint incuria Scriptorum, Librariorum, Typo-
 graphorū in Editionem aliquam Scripturę non
 tollere quò minus sit authentica. Illę enim
 mēdę leuiore non tollunt quò minus Scripturā
 illa sit verbum Dei. Etsi enim sphalmata ipsa
 non sint verbum Dei, non adimunt tamen Le-
 ctōri summā veritatis alicuius Catholicę, neque
 ipsum præcipitem dabunt in errorem aliquem
 in dogmatibus fidei. At inquires, quilibet apex
 in scriptura, quælibet etiam minima scripturę
 particula est diuinitus inspirata, & immediatè
 à Spiritu sancto suggesta Scriptoribus sacris, si
 igitur irrepat in Scripturā vel minimus error, &
 neque corrumpet verbum Dei, & reuelationem
 diuinam; at quomodo authentica erit illa edi-
 tio, in qua aliquid continetur supposititium lo-
 co diuinę reuelationis? lectōr namque legens
 dictum aliquod scripturę, in quod mendum ir-
 repfit decipitur: fertur enim fide Catholica, &
 diuina in apicem illum tanquam verum obiectū
 suę fidei, tanquam diuinitus reuelatum, quod
 tamen est inuentum alicuius ignari librarij. Re-
 spondeo; primarium obiectum fidei sunt propo-
 sitiones de articulis fidei, quę habentur in tra-
 ditione Ecclesiastica breuissimè, & clarissimè ita
 vt nullus possit decipi; in scripturis habentur
 obscu-

obscurius, & dispersæ, magnæ varietati, tricis, & ambagibus prophetis, historicis, allegoricis inuolutæ, quas quidem Lector prudens tractat, ut nimirum ad primarium scopum semper collimet, ad capita scilicet traditionis Ecclesiasticæ, neque se adstringat, ut necessario credat quemlibet apicem esse verbû Dei positivè, ut sic loquar, sufficit nãq. quod statuat esse verbum Dei negativè id est, quod in illo nihil contineatur, quod primario illi obiecto sit contrarium, cum Spiritus sanctus ita temperauerit scripturas, ut constet quidem certò nobis *Alas* esse verbum Dei in quadam latitudine constitutû, non tamen Lectores fideles adstrinxerit ad uniuscuiusque etiam minimi apicis particulam sensumque; ideò ubicûque aliquid occurrerit, cuius lectio, quod minus videatur rectè habere, aut repugnare ijs, quæ iam ex certissima, & indubitata revelatione nota sunt recurrendum erit ad piam, & sacram Crisin qua non iniuriam faciemus revelationi diuinæ; parati namque sumus suscipere in illa particula quicquid Spiritus sanctus per illam nos voluit docere: cum verò ipse indubitata, & clarissima certitudine non voluerit constare, quid re uera ipse per illam particulam voluerit significare, sed tantum probabiliter, & diuersimode, ideò in genere suscipiam

scipiam dictum illud tanquam profectum à Spiritu sancto, absolute; & summa cum certitudine, in specie verò si alicuius dicti sint variantes lectiones, & omnes probabiles, aut saltem non omnino absurdæ, neque contrariæ dogmatibus fidei, alijsq; quæ iam nota sunt ex alijs locis absque vlla dubitatione; si etiam sunt varij sensus itidem verisimiles, aliquem suscipiam cum conditione si scilicet Spiritus sanctus illum intenderit. Neque necessarium fuit, vt ita temperaret Scripturas, vt nulla planè occurrente ambiguitate omnia clarissimè, & indubitata certitudine occurrerent fidei nostræ. Hæc est prima ratio, qua videor mihi probare, quod probandum susceperam nimirum; Editionem Scripturæ sacræ esse authenticam etiamsi habeat aliquas mendas. Addo secundam rationem. Si ob aliquos nãuos editio aliqua scripturæ desineret esse authentica, nullã habuisset editionem authenticã Ecclesia antiquissimis temporibus, quod dictu absurdissimum est. Hoc verò ex illo supposito colligi facilè euincam. Antiquissima Ecclesia habebat editionem Hebræam, Græcam septuaginta Interpretum, Latinas versiones ex vtraque; nouum testamentum Græcum. At in his omnibus erant nãui aliqui. Respondebis, & dices Hebræum textum fuisse omnino

omnino incorruptum. Respondeo primò, editio Hebræa non erat in usu in Ecclesia nisi per ministerium translationis, at idem est apud me hac quidem re non esse, & non esse in usu. Quid enim proderat Ecclesiæ, si textus Hebræus esset incorruptus, sed non intelligeretur neque adhiberetur nisi forte ab vno atque altero. Dices, Ecclesia potuisset vti opera illius periti, & ita corrigere ex Hebræo versiones. Respondeo, quid si ille peritus linguæ Hebrææ fuisset prauis dogmatibus imbutus, voluissetq. Ecclesiam in aliqua lectione decipere, quid agendum fuisset? Certe ante S. Epiphanium & S. Hieronymum nullum potissimum legimus fuisse gnarum linguæ hebrææ præter Origenem, at is Arrianorum pater existimatus fuit, & blasphema non pauca docuisse. Deinde eiusmodi interpretes linguæ Hebrææ peritus potuisset decipi ipse in alterutra linguarum, ita redit illud, quod dixi. Secundo inter editionem 70. Interpretum, & Hebræam sunt nonnulla quæ sibi inuicem sunt contraria. At incertum poterat esse, quænam potissimum lectio esset suscipienda. Dices, Græca ad Hebræam erat examinanda, & ex ea corrigenda. Respondeo. Hoc bene diceretur si certum fuisset textum Hebræum habere, prout ab initio à sua origine confectus fuerat. At vnde hoc poterat esse certum?

11111111

Nam

Nam potuisset quis dicere textum Hebræum post factam versionem in linguam Græcam passum aliquam mutationem, atque adeo illi præferendum Græcum, qui per doctissimos viros accuratissimè confectus fuerat ad exemplaria integerrima, & primigeniæ, & certissimæ veritatis & lectionis. Vicissim Sanctus Hieronymus existimavit 70. Interpretes nihil præter humanâ scientiâ, & diligentiam attulisse ad cõficiendam versionem ex Hebræo, atque adeò in aliquibus labi potuisse & lapsos fuisse, omnes etiam hodie fatentur versionem Septuaginta passam mutationem aliquam etiam ante D. Hieronymi tempora; & tamen notissimum est nullam aliam editionem scripturæ fuisse in usu; dicemusne tunc defuisse Ecclesiæ Catholicæ authenticam editionem? Minimè. Præterea quancumque editionem mihi dederis Hebræam, Græcam, exhibebo tibi illius varias lectiones in plurimis locis. Varias lectiones in veteri testamento annotant plurimas ipsi Nouatores, & alij etiam orthodoxi, & Catholici Interpretes. At plus vna vera esse nequit, certum enim est vno tantum modo non multiplici scripsisse diuinos Authores. In Græco textu Noui testamenti itidem variè leguntur plurima loca. Sunt egregij viri qui loca illa propria crisi corrigunt, quibus scilicet

putant

putant irrepsisse mendas. S. Isidorus in eruditissima Epistola l. 4. Ep. 112. corrigit septem loca in Nouo testamento. Id facit Baronius. Id alij viri doctissimi; neque tamen negabunt ante correctionem illam, editionem fuisse authenticam.

Refertur, & refellitur absurda opinio nonnullorum ex Aduersarijs qui docent S. litteras nullo modo esse explicandas.

Cap. IX.

Nonnulli ex Calvinianis eò dementiæ sunt progressi, vt dicant Scripturam non esse interpretandam, sufficere si quis eam legat, profiteaturq. se omnia certa fide suscipere, quæ de verbo ad verbum ibi extant, nunquam verò esse eousque progrediendum, vt vilo modo Scripturam explicemus, aut de illius explicatione cum quoquam contendamus. Sic putant posse finem imponi controuersijs, quæ hoc tempore cum maxima contentione agitantur inter eos, qui ab Ecclesia Romana schismate sunt separati. Hanc sententiam ex Calvinianis prolixius proposuit,

posuim; conatusq. est probare in sua Declarat. Adolphus Venator. Et hunc modum agendi secutus Rex Britanniae in Ep. ad Cardinalem Peronium non vult teneri ad credendum panem in SS. Eucharistia transmutari, & transsubstantiari in corpus Domini, quia nempe S. Scriptura dicit: *Hoc est corpus meum* non verò: Hic panis transsubstantiatur in corpus, & sanguinem Domini. Nec tamen omninò rejicit dogma Romanae Ecclesiae de Transsubstantiatione; sed putat non esse necesse deuenire ad vllum sensum verborum Christi. Quam verò sit absurda hæc opinio dicere nihil hic attinet. Hoc dico abhorere eam à sensu Ecclesiasticorum scriptorum veterum, qui docent sapissimè, & disertè scripturas præcipuè consistere in recto sensu, & explicatione, non autem in nudis verbis, medullâ, inquam, quodammodo S. Codicis esse verum sensum, verba corticis instar se habere. Ita verò docuisse Veteres testis est Contr. Ritterschusius p. 1. c. 1. n. 15. in Nouell. Iustiniani. *De modo, inquit, legendi S. litteras præcipit, & optat Imperator c. 2. ut non solis attendatur litteris; sed res etiam ipsæ degustentur, & sacratiores omninò, sensus percipiantur. Nam, ut D. Hieronymus scribit Comment. in Ep. ad Galat. cap. 1. Ne putemus in verbis scripturarum esse Euangelium, sed in sen-*

in sensu, non in superficie, sed in medulla, non in sermonum folijs, sed in radice rationis.

Hæretici calumniantes, errorē Origenis impingunt Catholicis in interpretandis Scripturis. Cap. X.

Quia nos Catholici præter sensum litteralem dicimus admittendū etiam allegoricum, & tropologicum, eumq; non rarò adhibemus data occasione, hinc ansam calumniandi arripiunt Hæretici, aiuntq. nos in vanos sensus transformare Scripturas exemplo Origenis, qui ob huiusmodi aereas (vt sic dicā) scripturę explicationes explosus fuit, & reiectus tanquam ridiculus somniator à veteri Ecclesia. Sed profectò eiusmodi calumniatores aut nesciunt, aut nescire volunt cur Origenes à Veteribus hæc etiam ex causa reiectus fuerit non simpliciter, & absolutè, eò quod in exponendis Scripturis aliquando eas explicaret allegoricè, alijsq. modis: sed quod ita vrgeret, & proponeret eiusmodi allegoricos sensus, vt negaret,

garet, & destrueret sensum Historicum, & litteralem, qui tñ est, & esse debet basis, & fundamentum, cui debent reliqui sensus superstrui, & quo destructo necesse est ruere omnem veritatem sacrarum litterarum, easque haberi instar nugarum homines detinere consueverunt. Hæc igitur de causa displicuit veteribus Origenes, quod historiam e. g. Creationis. Adam negaret esse veram, illamque traheret ad nescio quæ somnia de productione animarum antequam quicquā aliud produceretur, earumque in corpora detrusione ob peccatum commissum ante coniunctionem cum ipsis. Ad quem quidem modum explicandi scripturas abutabatur Origenes dicto illo S. Pauli *littera occidit, spiritus autem vivificat*; per litteram enim intelligebat sensum litteralem scripturæ, per spiritum autem, allegoricum. Ceterum locum illum nihil ad rem Origenis facere ostendunt interpretes, qui in illum commentantur. Quod autem Veteres dum exploserunt Origenem, non propterea reiecerint nostros modos interpretandi Scripturas vel ex eo etiam liquet, quod S. patres ipsi multis in locis laudant eiusmodi sensus præter litteralem, & frequenter admodum tum in Commentarijs in divinas litteras, quàm in homilijs quas habuerunt ad populum Allegorias,

rias, Anagogias, & Tropologias, ita tamen
 ut non vnicuique Scripturæ loco eas adhibe-
 rent, supponerentque semper prius sensum lit-
 teralem tanquam fundamentum, cui inniteren-
 tur reliqui. His igitur observatis in tenues au-
 ras evanescit calumniæ Nouatorum, qua nos
 socios Origenis in transformandis scripturis
 facere conantur.

Expenditur pro traditionibus Apo-
 stolicis locus ex l. S. Basilij
 de Spiritu Sancto.

Cap. XI.

Hæretici, qui nullum ritum in Ecclesia
 volunt admittere, nisi de illo S. litteræ
 testentur, fatentur tamen verisimile esse, ali-
 quid huiusmodi ab Apostolis sine scripto tradi-
 tum fuisse. Verba Chemnitij sunt ad sess. 4.
 Concil. Trident. *Verisimile*, inquit, *est ritus*
quosdam etiam alios externos, qui in Scriptura
non sunt annotati, ab Apostolis traditos. De
 ijs ait locutos S. Patres Molinæus part. 1. Scuti
 fidei, & tanquam traditiones Apostolicas com-

C

men-

mendasse, remittitque lectorem ad l. de Spiritu sancto Basilij c. 27. Utinam verò serio inspicere, legerentq. caput illud Nouatores, discerent sanè quanti sint faciendæ res Ecclesiasticæ, etiam si de ijs nihil sit in Scripturis cautum. *Dogmata*, inquit Magnus vir, *quæ in Ecclesia prædicantur quædam habemus è doctrina Scriptorum prodita, quædam rursus ex Apostolorum traditione in mysterio, id est in occulto tradita recepimus. Quorum utraque parem vim habent ad pietatem, nec his quisquam contradicit, quisquis sanè, vel tenuiter expertus est, quæ sint iura Ecclesiastica.* Quibus verbis etiam SS. Concilium Tridentinum commendauit S. Traditionum authoritatem, quæ dum hæretici tam furiosè impugnât, non tam patres Concilij, quàm Magnum Basilium impietatis postulant. Sed redeo ad caput illud 27. l. de Spiritu sancto. *Nam si*, inquit Basilius, *consuetudines, quæ scripto proditæ non sunt, tamquam haud multum habentes momenti reijcere conemur, imprudentes & ea damnabimus quæ in Euangelio necessaria ad salutem habentur, imò potius ipsam fidei prædicationem ad nudum nomen contrahemus.* En ad quas angustias se redigant, teste S. Basilio, Aduersarij dogmatum non scriptorum, vt nempe vniuersam Religio-

ligionem prodant. Enumerat deinde S. ille
 Doctor tam multa, quæ in Scripturis non continetur,
 quæ in vniuersa Ecclesia in vſu erant,
 quæ reijcere fuerit hominis omnino infanſ.
 Meminit ſigni Crucis, verborum conſecrationis
 in Euchariftia, benedictionis aquæ Baptif-
 matis, Olei vnctionis, aliaq. plura recenſet,
 additque; *Deſciet me dies ſi Eccleſiæ myſteria*
citra ſcriptum tradita pergam recenſere, &c. ipſam,
inquit, fidei profeſſionem, qua credimus
in Patrem, & Filium, & Spiritum ſanctum, &
quibus habemus ſcriptis? Hæc volui annotare
 ex libro de Spiritu ſancto, quia Miniſter hære-
 ticus nos ad illum remiſit: At, dicit hæreti-
 cus, S. Baſilius meminit etiam orationis ad
 orientem, & trinæ immerſionis in Baptifmate,
 tamquam traditionum Apoſtolicarum, quæ ta-
 men in Eccleſia Romana non ſunt amplius in
 vſu: poterunt igitur & reliqua, quæ ibi referun-
 tur tamquam non neceſſaria non adhiberi. Ad
 hoc reſpondeo S. Baſilium eo loco tantum
 contendere, non poſſe aliquid reijci in Eccleſia,
 ex eo quod non contineatur in Scripturis: hoc
 optimè probat inductione earum rerum, quæ
 tunc in vſu erant extra Scripturam. An autem
 omnia illa nō ſcripta ſint neceſſaria necne, non
 quærit. Vt igitur largiamur aduerſarijs non

omnes traditiones Apostolicas esse semper obseruatu necessarias, non tamen inferre licebit esse omnes non necessarias, aut si necessariae non sint posse vel contemni tamquam superfluas, vel impugnari tamquam superstitiosas, quod fit ab Aduersarijs.

Defenditur authoritas Canonum Apostolicorum. Cap. XII.

Non pauca argumenta adferunt Nouatores, vt impugnent authoritatem Canonum, qui dicuntur Apostolorum. Vnum ex ijs hoc est. *Intelligi potest, inquit Magdeburgenses, non ab Apostolis, sed ab alijs, & quidam seculis inferioribus, istos plerosque Canones compositos esse, quod plerique in Concilijs, quae longè posthabita sunt, nempe Antiocheno, Nicæno, & Chalcedonensi conditi dicuntur, tum à patribus constituti, allegantur.* Hæc Magdeburgenses Cent. i. Accipimus, quod faterentur istos Canones in Concilijs allegari tamquam constitutos à Patribus; Ex hoc namque colligitur eos vriles valde esse ad disciplinam Ecclesiasticam conseruandam, & sacram politionem dirigendam, eum approbentur à Concilijs

lijs tam Generalibus, quàm Prouincialibus, sed Aduersarij non ea de causa potissimum eos impugnant, quod non adeò sit certum eos Canones ab Apostolis per scripturam, & verbotenus esse compositos, sed quia in ijs tam multa, præscribuntur de Hierarchia Ecclesiastica, alijsque, quæ Nouatores omninò sustulerunt, ac perinde ad eorū mentionem nauseant. Quod verò ex eo colligunt Canones istos non esse ab Apostolis compositos, quia iidem vel videntur constitui, vel adduci in Concilijs posterioribus tempore Apostolorum, imperitè admodum faciunt, iidem namque Canones repetuntur in varijs Concilijs, & inculcantur, quia peruersitas morum id requirebat, in quem finem etiam Canonum codex saltem semel singulis annis prælegebatur in Ecclesijs, vt auditores, & præsertim Clerici eos recenti memoria tenerent, & vitam secundum eos instituerent. Imò ipsa Concilia dum præscribunt aliqua ad *ὑποτάξιν* facientia indicant se id facere secundum Canones iam conditos. Sic Concilium Nicænum primo Canone 20. *Talis*, inquit, *admittit ὁ κανὼν*. & Can. 2. *Multa*, inquit, *fiabant præter Canonem Ecclesiæ*. Ephesina synodus in actis: *παρὰ τῆς ἐκκλησιαστικῆς θεσμῆς, καὶ τῶν κανόνων τῶν Αποστόλων*. Ecce Concilia adducunt

tamquam basim suarum constitutionum, & regularum Canonum Ecclesiæ, & simul clarè indicant non tunc condi Canonem, & regulam illam, sed iamdiu fuisse conditam, & usum ipsius vrgent. Dices forsan, Canonem Ecclesiæ, nihil aliud esse, quàm ius Ecclesiasticæ consuetudinis, legem non scriptam, & veterem morem. Respondeo, sit ita sanè non repugno, modò vicissim fatearis ius istud originem suam habere ab Apostolis, quod significat clarissimè Concilium Ephesinum dum *θεσμίς ἐκκλησιαστικὴς* consuetudines Ecclesiæ explicat per *κανόνας τῶν ἀποστόλων*. & hinc dicimus collectionem illam, quæ inscribitur Canones Apostolorum, vt non esset immediate, & totidem verbis confecta ab Apostolis, continere tamen egregium compendium disciplinæ Apostolicæ, secundum quam primi illi sanctissimi Viri Ecclesias dirigeabant ad communem omnium fidelium edificationem.



Ad-

Aduersus contemptores S. Patrum obseruatio ex Nouatoribus ipsis. Cap. XII.

Non possunt de Nobis Catholicis con-
queri heretici, si ea ratione cum illis
agamus, qua ipsi inter se. Inuehuntur illi ma-
gnopere in eos, qui scripta Sanctorum Patrum
contemnunt, quæ etiam aduersus quoscunque
Nouatores dicta volumus. Eumeniorius No-
uator edidit Proclum, ut scilicet refutaret Ar-
rianos, Socinianos, aliosque, qui in Septen-
trionalibus partibus grassantur. Sic verò in
Præfatione scribit aduersus contemptores SS.
Patrum: Hæc, inquit, sunt magna magnorum
deliramenta hæreticorum, multis multorumque
seculorum veneratione comprobatis anathematis-
mis prostrata fortiter, & feliciter oppugnata,
quæ hodie profana manu ventitant, & recidua
opinionem diffamant homines extreme abiecti, lit-
terarum rudes, studiosum profani, experti ar-
tium nisi fœdidarum, & quos adhibent fundata
Superiorum instituta violanda, scita Patrum
conuellenda, definita manuum rescindenda, in-
corrupta vetustatis castissimos limites profa-
nandos sola inscitia, typhus, improbitas, & no-

uella curiositatis libido instigat, qui se paucorum
 vesania, uniuersorum anteposuisse sanitatem,
 intra sacraria fidei Catholica salui esse
 potuissent, qui nunc perdit oberrant, & alios
 in solatium perditionis suae perdere non cessant,
 id unum studentes, ut ab antiqua fide ad nouellam
 perfidiam, ab antiqua sanitate ad nouitatis
 vesaniam, ab antiqua luce ad nouitatis
 tæcitatem animos hominum auocent, & paulò
 post. Quis satis dignè paterit reserans, & impudentiam
 deprædicare, qua falsitatis patroni, ueritatis
 propugnatores erroris, & dementie infimulant,
 religionem veterem tamquam ludam nugarum
 aspernantur, diuinæ legis oracula nouo,
 & inusitato more interpretantur, patrum
 scripta contemnunt, ipsi soli scilicet sapientes,
 & ultima hac ætate. è cælo delapsi, qui cuncta
 corrigant, & erranti mundo comiter viam
 salutis monstrent. Nunc Proctum, do debellatorem
 acerrimum. Mopsuestena improbitatis.
 Hæc Elmenhorstius aduersus Nouatores, quos
 Vocinianos, quæ eadem ratione aduersus
 Lutheranos, Caluiniæque multis
 nos, aliosque accommo-
 dari possint, aduersus
 De

De Sancto Dionysio Areopagita.
Qualis author Librorum de Hie-
rarchia Cœlesti, Ecclesiast. &
Diuinis nominibus.

Cap. XIV.

Nouatores huius temporis tam contem-
ptim sentiunt, & loquuntur de Sancto
Dionysio Areopagita, vt non solum opus de
Ecclesiastica hierarchia, aliaque eius esse ne-
gent, qui docente Sancto Paulo Christianam
Religionem Athenis est amplexus, sed etiam
scriptum illud velut delirantis, & superstitio-
si hominis commentum, & non valde an-
tiqui authoris explodant. Magis autem hono-
rificè cœpit de eo scribere Isaacus Casaubo-
nus; quamuis enim neget illius operis esse au-
thorem Dionysium Areopagitam illum S. Pau-
li Apostoli discipulum, asserit tamen præcla-
rum, eruditissimum, & antiquissimum esse
scriptorem eum, qui confecit librum de hie-
rarchia Cœlesti, & Ecclesiastica, & de Diui-
nis nominibus, vt propterea opus illud iure-
merito possit adduci aduersus Nouatores tam-
quam antiquissima dogmata, & vetustissimos

ordini

ritus

ritus continens p. 761. Exercit. 16. num. 209. vocat eum scriptorem eximium, *Mysterium*, inquit, unitatis in declarandis ritibus Ecclesiae toties attingit scriptor ille eximius. Eadem exercit. p. 565. laudat eum tamquam antiquissimum, & elegantissimum, Omnino, inquit, haec ratio est, cur nonnulli Patrum, eximie verò præ ceteris Dionysius, quem Areopagitam vocant, scriptor sane antiquissimus, & elegantissimus. p. 535. Apud Dionysium, inquit, quæ Areopagitam vocant, vetustissimum sane scriptorem. Cum igitur Dionysius auctor librorum de hierarchia sit antiquissimus, profectò antiquissimi erunt ritus, quos tam sublimi stylo, tam magnifico apparatu, tam accurata diligentia describit. Mos ille orandi pro defunctis, offerendi ad altare diuinum sacrificium vitæ monasticæ imitandi, conficiendi diuinum vnguentum, consecrandi Ecclesiasticos, atque peragendi, quæ ad sacrosanctam liturgiam spectant.

Librum de Spiritu sancto ad Am-
philochium esse conscriptum
à Sancto Basilio Magno.

Cap. XV.

S Basilius Magnus scripsit librum de Spi-
ritu sancto contra Pneumatomachos ad
Amphilochium; In eius cap. 27. quia magnus
vir enumerat multos ritus in Scripturis non
contentos, sed traditione ab Apostolis acce-
ptos, cupiunt Calumniani nobis eum suspectum
reddere, & negare esse S. Basilij germanum
partum, ne scilicet cogantur admittere plu-
rima Catholica instituta, quæ recensentur iam
supradicto capite vigesimo septimo illius libri.
Isaacus verò Casaubonus ingenuè fatetur li-
brum illum verè profectum à S. Basilio, nec ul-
lam esse causam propter quam id eamus nega-
tum. Verba ipsius sunt Exercit. 16. n. 33. p. 520.
aduersus Annales Baronianos: *Locus, inquit,
Basilij est in capite vicesimo septimo libri ad Am-
philochium de Spiritu sancto. Nam vt obiter hoc
dicam, magna Erasmo non assentior, qui par-
tem postremam eius libri suspectam habuit: pa-
rum memor Iohannem Damascenus bis eius me-
minisse, & tsikounta negatorem librum nominas-
se;*

se; quia in capita diuisus esset triginta, ut hodieque diuiditur. Omitto nunc graues alias causas, quæ me mouent. hæc ibi Casaubonus, ubi aduerte animum lector ad authoritatem S. Damasceni, qui bis eum librum, tamquam S. Basilij adducit. Idem Casaubonus eadem exercit. 16. n. 43. p. 556. refutat objectionem quandam Erasmi, & aliorum aduersus authoritatem illius libri. Sic igitur loquitur: *Basilius de Spiritu sancto capite 27. doctrine Christianæ duas partes facit τὰ κρυψύματα præconia, & τὰ δόγματα dogmata eo loco appellans, quæ alij vocant τὰ ἀπόρρητα arcana non euulganda; dogmata, inquit, silentio premuntur: præconia publicantur. Atque ibi vir Sanctus de silentio mysteriorum multa disputat. Qui propterea illam eius libri partem habent suspectam, & negant esse Basilij, quod Erasmo ante omnes, ut opinor uenit in mentem; falluntur plenissimè, nam in hac re consentiunt ad unum omnes veteris Ecclesiæ Doctores, Græci pariter, & Latini. adducitque ibidem plurima loca in eam rem SS. Chrysostomi, Gregorij Nazianzeni, Theodoreti, Augustini, Dionysij Arcopagita, & aliorum plurimorum, ut omninò friuola sit ratiuncula hæreticorum contra authoritatem illius libri, qui habet authorem magnum illum Basilium.*

Myſta

Myſtagogica, & Catecheſes Cyrilli
Hierofolymitani eſſe germa-
num ipſius opus.

Cap. XVI.

L Ectio Myſtagogicorum, & Catecheſeon
Sancti Cyrilli Hierofolymitani magnam
moleſtiam creat aduerſarijs Nouatoribus. Oc-
currunt namque in illo elegantiffimo opere
præclara multa de ſacris inſtitutis Eccleſiæ Ca-
tholicæ, quæ cum Nouatores euerterint, eiuf-
modi etiam ſcriptum è medio ſublato cupiūt.
Sed audiamus quid obtendant. Iuuenis, in-
quiūt, id opus ſcripſit. Præclara ſanè ratio. Qua-
ſi verò iuuentus authoris obſtet, quominus poſ-
ſit res ſui temporis deſcribere, & memoriæ
mandare ea, quæ viderit paſſim eſſe in vſu. At,
inquiunt, Cyrillus de ligno Crucis pronunciat
id, quod omnem fidem videtur ſuperare, ligno
nempe Crucis totum terrarum orbem per par-
tes eſſe impletum: Verba ipſius ſunt: τῷ ξύλῳ
τῆς αὐτοῦ πάσα λατὸν, ἢ οἰκὺ μὲν κατὰ μέρος ἐπληρώθη. *Ligno
Crucis iā orbis terrarū per partes eſt impletus.*
At hoc nequaquam fieri potuit, cum lignum
illud ſit certæ & exiguæ quidem molis. Sed ea-
dem

dē ratione posset impugnari, & reiici S. Iohannis Euangelium, propterea quia in fine, Si omnia, inquit, Christi facta scriberentur, mundum ipsum libros de ijs confectos non capturum. per hyperbolem igitur hæc dicuntur. Sed audiamus ipsum Casaubonum diluentem objectionem suorum symnistarum. is Exercit. 16. sect. 103. Fateor, inquit, scribere Cyrillum in Catechesi 4. Ligno Crucis totus iam orbis terrarum per partes est impletus, & similia his in Catechesi 10. quæ à Baronio proferuntur. Sed in ijs verbis, quis non animaduertit imitationem eius quod dicit Iohannes in fine Euangelij? Si omnia, inquit, Christi facta scriberentur mundum ipsum libros de ijs confectos non capturum: quæ est elegans hyperbole, figura sacris scriptoribus familiaris. Sic & Cyrillus utroque loco, mundum iam plenum esse ligno Crucis: quia frustula quædam parua, & minuta eius ligni; per omnes totius orbis prouincias iam tum fuerant delata, &c. Scio viros graues (Caluinistas scilicet) propter huiusmodi quædam loca cum in mystagogicis, tum in cæteris Catechesibus negare opus id ynicuius Cyrilli. Hæc Casaubonus. Qui post dilutam friuolam illam objectionem suorum Collegarum, quos immeritò viros graues vocat, hæc subiungit ad probandum, & asseren-

ferendum opus Cyrilli. Nos, inquit, præter testimonia vetustissimorum auctorum, qui eius operis Cynilli meminerunt, aut quadam etiam ex illo descripserunt, Hieronymi, Theodoreti, Damasceni, Photij Patriarchæ, aliorum, rationes plurimæ, & validissimæ, ut aliter sentiamus impellunt. Eant nunc Adversarij, & refutent si possunt Casaubonum.

Quantum sit deferendum Iudæis
Rabbinis in expositione san-
ctarum Scripturarum.

Cap. XVII.

E Coetu Calviniano Interpretes, qui in diuinas Scripturas commentantur, SS. Patrum, & Ecclesiasticorum Scriptorum expositiones aut ignorant, aut carpunt, exploduntq, alto supercilio; Rabbinorum vero, maximo odio erga Ecclesiam Catholicam, & Rempublicam Christianam flagrantium cogitationes Grammaticas, & inanes fabulas, poeticis quamvisimillimas subinde adducunt, testimonijs Veteris Testamenti, & præsertim Prophetarum ad perniciosos sensus de tortis. Non
mira-

mirabitur verò quis hunc Calvinianorū agendi modum, qui secum expenderit summum ipsorum studium oppugnandi quomodocunque, Catholicæ Ecclesiæ instituta, & sacras Scripturas torquendi ad eos sensus, qui maximè videntur Romanæ Sedi incommodare. Quanti vero sint faciendi in exponendis S. litteris Rabbinis, quantum ipsorum authoritati sit deferendum, docet ipse Isaacus Casaubonus, à quo posunt discere quam inaniter terant tempus, dum tam diligenter glossemata eiusmodi Commentatorum conquirunt. Sic itaque illè Exercitatione prima ad Apparatum Annalium Baronianorum num. 111. p. 9. *Sed, inquit, Rabbini in historia etiam Sacra (nam in omni alia talpis, ut plurimum ceciores sunt) quàm parum fidei sit tribuendum, ignorat eruditorum nemo.* Exercitatione verò decimasexta num. 15. p. 455. magis explicat suam de Rabbini sententiam. *Ad prius, inquit, respondemus: Rabbini ubi de lingua Hebraica agitur, & vocis alicuius proprietate, vel aliquo Thalmudico instituto, merito à Christianis tribui non parum: ubi verò à verbis venit ad res, aut ad historiam, vel rerum antiquarum veteris populi explicationem; nisi falli, & decipi volumus, nihil admodum esse illis fidei habendum.* Sexcentis hoc argumen-
tis

tis facile probarem, si id nunc agerem. hæc ibi
 Casaubonus. Viderint igitur Caluiniani quid
 sit dicendum de commentarijs, & annotationi-
 bus in vetus Testamentum, quæ prodierunt
 præeuntibus Rabbinis à Munstero, Iunio,
 alijsque. Certè dum vestigia sequuntur Rab-
 binorum, necesse est, vt quam longissimè re-
 cedant à germano sanctarum Scripturarum
 sensu.

De Iudice controuersiarum, quæ in
 rebus Ecclesiæ oriuntur.

Cap. XVII.

Grauiissima ferè omnium controuersiarum,
 quæ hodie inter nos, & hæreticos, ea
 est, qua disceptatur de Iudice veri sensus Scri-
 pturæ, in qua si tandem conueniret inter par-
 tes, facile possent omnia componi, & pax Ec-
 clesiæ reddi. Hæretici existimant vnumquem-
 que iudicem esse debere in rebus fidei, neque
 teneri vlli mortalium adhærere in interpreta-
 tione Scripturæ; Nos contrà sentimus Iudicem
 veri sensus Scripturæ, & omnium Controuer-
 siarum esse Ecclesiam, id est Pontificem cum
 Concilio. Nititur autem nostra sententia per-

D

petuo

petuo sensu & usu antiquorum Christianorum , quod probabo ipsorum Aduersariorum testificatione , qui sæpe aliud agentes remittunt studiosum veritatis non ad priuatum iudicium , non ad proprium sensum , sed ad synodorum explicationes , & decreta , ad totius Ecclesiæ consensum , & acriter inuehuntur in Arrianos , Anabaptistas , aliosq. eò quod soli sibi videantur sapere , alto autem supercilio despiciant Concilia , patres , Ecclesiam denique totam . Calvinus in libro contra Anabaptistas , vt infanos homines refutet , ait dogma quo illi perturbant Ecclesiam esse ab vniuersa Ecclesia reiectum , & cum anathemate damnatum . Verba Caluini sunt p. 500. *Operæpretium est moneri primum authorem huiusce opinionis , qua hodie perturbantur homines non à certis solùm hominibus , sed ab vniuersa Ecclesia reiectum , & cum anathemate damnatum .* Si Scripturæ sunt intelligendæ , prout vnicuique visum fuerit , neque decidendæ controuersiæ fidei publica Ecclesiæ autoritate , frustra disputat Calvinus contra Anabaptistas , qui quicquid contra claudit ipse , regerent perpetuò suam sententiam contineri in sacris litteris . si dicat Calvinus à Spiritu sancto sibi suggeri Scripturam non eo modo esse explicandam quo eam intelligunt

Ana-

Anabaptistæ, respondebunt ipsi vicissim aliter intelligendam quam faciat Calvinus. Hic animaduertet Calvinus iudicium priuatum de sensu Scripturæ, esse controuersum, atque adeò aliò recurrendum; & quonamquæso? ad vniuersam Ecclesiam; & nisi sibi velit contradicere cogetur fateri illademùm dogmata certò posse reijci tamquam contraria Scripturæ, *quæ ab vniuersa Ecclesia sunt reiecta, & cum anathemate damnata*. Petimus autem à Calvinistis, vt liceat nobis cum ipsis agere, vt ipsi consueuerunt cum Anabaptistis. Reijciunt ipsi Anabaptistarum dogma de repetitione Baptismi, *eò quod ab vniuersa Ecclesia sit reiectum, & cum anathemate damnatū*; explodimus & nos Calvinistarum hæreses, eò quòd ab eadem vniuersa Ecclesia, quæ damnauit Anabaptistas, fuerint cum anathemate reiectæ. Beza epist. 41. refutat quemdam, cui placebat traducis animæ dogma his verbis: *Ais probari tibi traducis animæ dogma auctoribus Veteribus Theologis non paucis. Ego illud prorsus repudio, & Ecclesia Christiana iam pridem communi sensu explosit*. Reijcit Beza dogma Aduersarij; qua de causa? *quia Ecclesia Christiana communi sensu illud explosit*. Vides qualem iudicem controuersiarum assignet nobis

bis Beza, Ecclesiam nempe Christianam. Ut
 itaq; constet de veritate recurrendum ad com-
 mune iudicium Ecclesiæ.

Casaubonus detorsit dictum S. Iudæ
 Apostoli, & aliquot Patrum
 testimonia contra tradi-
 tiones Apostolicas.

Cap. XIX.

INsigni fraude abutitur Casaubonus dicto
 S. Iudæ Apostoli in epistola dedicatoria
 ad Regem Britannia, ut etiam detorquet ali-
 quot testimonia SS. Patrum ad oppugnandas
 traditiones Apostolicas, ut scilicet conficiat ni-
 hil omnino esse credendum, nihil faciendum
 in Ecclesia, nisi illud tantummodo, quod in
 sacris litteris legitur. Quod Apostolus, quod
 sancti Doctores monent nihil esse docendum,
 præter id, quod semel à Christo, ab Apostolis
 est traditum, id malitiosè restringit ad ea, quæ
 in sacris litteris descripta sunt. Sed audiamus
 ipsum Casaubonum, ut manifestius deprehen-
 datur ipsius impostura, & detorsio. *Volumus,*
inquit, scire, quæ sit vera fides? Ea est auctore
Iudæ

Iuda Apostolo: Quæ semel fuit tradita volumus fidei regulam tenere, quæ ut olim dicebat Tertullianus, una omnino est, sola immobilis, & irreformabilis? sequamur Iudam, & illo docente, discamus, illam demum esse veram regulam fidei, quæ semel fuit tradita. In eam rem etiam adducit Tertullianum l. de veland. virginibus, qui ait: Veritati nemo præscribere potest, non spatium temporum, non patrocinia personarum, non priuilegia regionum. & de præscriptionibus: Principalitas veritati, posteritas mendacitati deputanda: id enim esse dominicum, & verum, quod sit prius traditum: id autem extraneum, & falsum, quod sit posterius immixtum. Adfert idem Casaubonus dictum S. Cypriani, qui in Epistola ad Cæcilium errantes in Religione, ad radicem, atq; originem traditionis Dominicæ omnibus novellis, & humanis traditionibus valere iussis iubebat reuerti: Hoc, inquit Casaub. volebant patres, qui de rebus fidei aliunde suaderere neminem posse dicunt, nisi ex litteris fidei, ut loquitur Tertullianus, qui ne minimum quidem, quod ad fidem pertineat, aliunde peti debere, nisi ex Scripturis præcisè definiunt, ut Cynillus Hierosolymorum Episcopus in quarta Catechesi, qui fidei euersionem esse confirmat, aut prætermittere, & quasi irritum facere aliquid

quod sit scriptum, aut aliquid non scriptum inducere, ut Basiliius M. l. de fide. Et Cyprianus ait: Nobis nihil ex nostro arbitrio inducere licet. & alij Græci Patres admonent nihil hodie post fidem traditam à Christo posse quemquam παραφέρειν, noui aliquid inducere sine peccato. & S. Greg. Nazianz. Athanasii fidem vocauit ἑγγραφοῦ ἐνστέβην, hæresim uerò Arrianam ἀγγραφοῦ καὶ νοτομίαν. Hæc Casaubonus aduersus Traditiones Ecclesiasticas. At S. Iudas non meminit scripturarum. tantum dicit eam esse veram fidem, quæ semel tradita est Sanctis. Quod verissimum est. Nihil enim docendum in Ecclesia, nisi quod ab Apostolis traditum est Ecclesiæ. At Iudas non ait fidem hanc, omniaque ipsius dogmata esse tradita per Scripturam. Quod ait Tertullianus posteritatem mendacitati principalitatem veritati esse deputandam id ferit hæreticos Nouatores, qui inaudita dogmata, & Ecclesiæ Apostolicæ ignota, aut explosa obtrudere audent. Per litteras fidei non intelligit simpliciter scripturas Tertullianus, sed omne illud quod legitimè testatur de dogmatibus fidei. Reliqui volunt nihil debere induci ex nostro arbitrio, sed solum ea tradi, quæ ab Apostolis accepimus. Damnantur hæretici, Arriani in primis non tam quod doce-

docerent aliquid, quod non contineretur in
Scripturis, quam quod esset contrarium Scri-
pturis, cum namque Scripturę tradant *ὁμοσίαν*
filij, illam negare, erat & *ἡγ. παρ. & ὑπ. ἡγ.*
γ. παρ.

Cuius fidei sint narrationes, quæ
Sacris litteris non continentur
de Sacris personis Veteris
& Noui Testamenti.

Cap. XX.

TRaditionem Ecclesiasticam adeo con-
temnunt Nouatores, vt non solum non
reijciant multa instituta Apostolica, sed etiam
historicas narrationes de multis rebus, quę ac-
ciderunt aut Apostolis, aut viris Apostolicis in
dubium reuocent, & velut fabulosas explodant
non alia de causa, quam quia in Scripturis sa-
cris non continentur. Nihil profunt hic plu-
rium & grauissimorum authorum testimonia, vt
fides eiusmodi historijs concilietur. Vt verò id
non sine ratione videantur facere, adferunt ar-
gumentum ex D. Augustini verbis contra Fau-
stum Manichæum, vbi S. Doctor impium ho-

minem reprehendens, qui negabat B. Virginem natam fuisse è cognatione David, refellitque ea ratione, quod libris vteretur ad sententię suę demonstrationem, quibus nullum esset pondus contra librorum Canonicorum authoritatem. Vnde etiam his verbis infert Casaubonus Exercit. 1. sect. 19. num. 46. *Quare, inquit, quicquid de sacris personis Veteris, aut Novi Testamenti narratur præter verbum Dei (id est Scripturas) id cum libris Canonicis & Θεογραφῶν suis comparatum, habetur Apocryphum. & quia non Canonicum est, non astringit, ut ait verè, & piè Augustinus. Hæc Casaubonus. Sed detorquet verba Augustini, qui quando ait, Quia non Canonicum est, non astringit, non vult significare posse in dubium reuocari omnes narrationes, quę sacris litteris non comprehenduntur. Manichęi affirmabant B. Virginem non fuisse è cognatione David, hoc ut probarent, suo more adferebant in mediũ nescio quę fabulosa scripta, à se confecta tamquã diuinitus tradita. Contra quę S. Augustinus munit veram sententiam de B. Virgine testimonio certo S. litterarum. Ad scriptum verò confectum à Manichæis, quo continebatur contrarium, respondet, quia non Canonicum est, non adstringit. Qui versati sunt in patrum lectione*

sciunt,

sciunt; appellationem Apocryphorum, & Canonorum modò laxius, modò angustius sumi. Ita non Canonica scripta sunt aliquando, quæ non habent diuinam authoritatem, quæ sunt prædita omnia scripta voluminum Veteris, & Noui Fœderis, Sacrorum Bibliorum. Aliquando sic dicuntur illa, quæ conficta sunt, & fabulosa, qualia sunt illa omnia, quæ continent aliquid, quod sacræ Scripturæ aduersatur; & ex isto numero erat liber Manichæorum, qui pugnabat cum ijs, quæ recitant Euangelistæ, is igitur quia non Canonicus erat, sed cerebri Manichæi comentum, non adstringebat D. Augustinum. Huiusmodi verò collectio non debet accommodari contra narrationes eas Scriptorum historicorum non diuinorum quidem, sed nec confectorum, & fabulorum, quæ quidem narrationes licet nō legātur in diuinis literis, cum tamen nō ijs repugnent, nec ratio vlla solida eas falsi conuincat, non debent velut confictæ reijci. Certamen S. Petri cum Simone Mago, & de ipso Apostoli gloriosus triumphus non quidem refertur à S. Luca, aut alio historico diuino, tamen quia habet authores scriptores Ecclesiasticos, & graues, nec quicquam eam historiam falsi conuincit, non debet profecto ex obseruatione Casauboni de-
tor.

torquente verba Augustini, vt commentitia explodi.

Quod Filius Dei sit verus Deus, asseritur ex authoritate Veterum Conciliorum, & Doctorum aduersus huius temporis Samosatianos. Cap. XXI.

Patrem esse verum Deum, nullus hæreticorum huius temporis negat, & patet ex illo Iohan. 17. vt cognoscant te solum verum Deum; Filium autem Dei, esse verum Deum, & proinde vnum numero Deum cum Patre, negant obstinatissimi hæretici Arriani, Samosatiani, Socianiani, qui hodieque in multis locis Septentrionis dispersi veritatem oppugnare non desinunt. Refutantur autem plurimis argumentorum generibus, ex quibus illud insigne est, quod ducitur ex testimonijs Veterum Conciliorum, & SS. Doctorum, à quorum sententia discessionem fieri per eiusmodi dogma contra diuinitatem Filij, ne ipsi quidem Nouatores inficiari possunt. Beza Epist. Theolog. 6. *Summi illi Patres, qui Nicano Synodo, reliquisq.*

vna-

vnanimi totius Ecclesie orthodoxæ receptis Synodis præfuerunt, à quibus tamen omnibus vos defecisse, ne ipsi quidem inficiamini. Hic Beza Arrianos alloquitur, aitq. eos dum oppugnant diuinitatem Filij Dei defecisse à Summis Patribus Nicænæ Synodi, & ab alijs Concilijs totius orthodoxæ Ecclesiæ consensu receptis. Habent igitur huius temporis Arriani suæ opinioni contra Diuinitatem Filij Dei aduersantes omnes veteres Synodos, & SS. Patres. Idem Beza Epistola 81. ait Blasphemias Arrianorum tum ex Dei verbo, tum ex perpetuo Catholicæ Ecclesiæ consensu, & Synodis refelli. Nostri, inquit, blasphemias (Arrianorum) tum ex Dei verbo, tum ex perpetuo Catholicæ Ecclesiæ consensu, & certæ apud nos fidei Synodis refellant.

Andreas Dudithius non negat dogma suum contra diuinitatem Filij Dei aduersari vnanimi consensui SS. patrum in Epistola ad Bezam.



Refu-

Refutantur Lutherani vbiquitarij ,
 qui duas naturas in Christo vel
 diuidunt, vel confundunt,
 vel vtrumque faciunt .

Cap. XXII.

H Vius temporis hæretici Lutherani no-
 lunt videri sentire cum Nestorio, aut
 Eutychete, duo tamen docent, ex quibus se-
 quitur eos, vel esse Eutychianos, vel Nesto-
 rianos, vel monstrum ex vtraque hæresi tem-
 peratum. docent namque Christi carnem ha-
 bere attributa diuinitatis, ac præcipuè omni
 præsentiam. Secundo docent vnionem hypo-
 staticam consistere in ista communicatione
 attributorum diuinorum ipsi carni, & humani-
 tati. Quare eorum doctrinam Eutychanismi,
 & Nestorianismi accusamus meritò, ac abhor-
 remus ab eiusmodi dogmatibus tanquam ex-
 plosis ab orthodoxa Antiquitate, quam repu-
 gnare Lutheranis ipsi Nouatores fatentur. Sy-
 nodus Dresdensis habita à Lutheranis anno
 1571. Sic loquitur: *Quod, inquit, præcipuum
 fidei nostræ, & Ecclesiæ caput est, videlicet ar-
 ticulus de duabus naturis in Christo, id commen-
 titia*

titia idiomatum reali , & physica in ipsis naturis communicatione deprauari horribiliter , atque è contrario hæreses iam olim dānatas Marcionitarum , Valentinianorum , Manichæorum , Samosatensium , Sabellianorum , Arrianorum , Nestorianorum , Eutychianorum , & Monothelitarum induci , atque innouari satis demonstratum est . Et infra : Commentitia ista communicatio physica , quæ nostro primū tempore cum ubiquitate corporis Christi introduci cæpta est , uniuersæ orthodoxæ Ecclesiæ , & toti orbi Christiano inde usque ab initio incognita fuit .

Proprietates diuinæ naturæ in Christo non communicantur realiter humanæ contra hæresin Lutheranorum .

Cap. XXIII.

Lutherani docent ex vnione hypostatica sequi communicationem realem attributorum diuinorum , ac præcipuè immensitatis , siue ubiquitatis , vt scilicet hac ratione possint probare contra Calvinistas corpus Christi esse realiter præsens in S. Eucharistia . Refellitur
verò

verò iste error à Sanctis Patribus, vt prolixè ostendunt Lutheranorum hostes Calviniani. Citant Conciliū Chalcedonenſe, in quo actione 5. ſic legimus: *Salua vtriuſque nature proprietate, & in vnā concurrente perſonā, &c.* & toties inculcant vnionem factam ἀσυγχύτως, ἀδιάκρητος, καὶ ἀτρέπτως inconfuſè, indiuiſè, & abſque conuerſione. & ideò damnant Lutheranos Eutychianiſmi, Neſtorianiſmi, & Monotheliſmi. Hoc ſæpiſſimè inculcatur in libris Eriſticis Calvinianorum, in primis verò aduerſus vbique præſentiam corporis Chriſti adducunt ſequentia Patrum teſtimonia. Auguſtinus Epist. 57. ad Dardanum, vbi dicit in fine Epistolæ, Chriſtum eſſe vbique, vt Deus, & in aliqua parte cœli propter veri corporis modū. S. Ambroſius l. 2. de fide c. 4. *Neque enim, inquit, Deus de loco ad locum tranſit, qui vbique ſemper eſt, vt homo eſt, qui vadit ipſe eſt, qui venit, denique & alibi dicit, Surgite, eamus. In eo ergo vadit & venit, quod eſt commune nobiſcum.* Rurſus Auguſtinus tract. 78. in Iohannem: *Sed à quibus homo abſcedebat, Deus non recedebat, &c. Ergo ibat per id quod homo erat, manebat per id quod Deus erat.* Et Epist. ad Dardanum: *Non eſt autem conſequens, inquit, vt quod in loco eſt, ita ſit vbique, vt Deus,*
nam

nam & de nobis veracissima scriptura dicit , quod in illo viuimus , mouemur , & sumus, nec tamen sicut ille ubique sumus , sed aliter homo ille in Deo , quoniam aliter & Deus ille in homine , proprio quodam ac singulari modo . Vna enim persona Deus & homo est , & utrumque vnus Christus Iesus , ubique per id quod Deus est , in cælo autem per id quod homo . Hæc & alia sæpissimè citant Calvinistæ aduersus Lutheranos .

Beatissima Mater Dei, virgo ante partum, in partu, & post partum, in quo multa extra ordinem contigerunt .

Cap. XXIV.

CAluinistæ de partu Beatissimæ Virginis ita sentiunt , vt dicant fuisse eam Virginem, concepisseq. Christum Dominum absque opera & semine virili, virtute Spiritus sancti, Virginem verò peperisse , mansisseque integram, & incorruptam negent, imò asserant fieri non potuisse, vt integra virginitate, non reueratis claustris proderet infantem . Ec-
clesia

clesia verò Catholica semper docuit Beatissimam Dei Matrem in partu, & post partum virginitatem illęsam retinuisse, vt etiam obseruat Elmenhorstius Lutheranus in orat. Procli de Natali Saluatoris. *In partu, & post partum virginitatem illęsam retinuit: Eleganter, vt solet, Zeno Veronensis serm. 11. de Natali Christi p. 225. Etenim Deus, Dei Filius tempore constituto dissimulata interim maiestate ab æthereâ sede profectus in prædestinata Virginis templo sibimet castra metatur, quibus latenter infunditur, hominem gigniturus, idemque saluo quod erat meditatur esse quod non erat. Rursus itaque humanæ carni se fingit infantem. Mariæ superbus emicat venter non munere coniugali, sed fide: verborum semine decem mensium fastidia nescit: vtpote quæ in se Creatorem mundi concepit, parturit non dolore, sed gaudio. Mira res exultans exponit infantem totius naturæ antiquitate maiorem. Intercæ rudis non genuit foeta mundum, non vt assolet, infans fusus ingrediens sponte vitæ reptantis præmijs lacrymis auspicatur. Non mater eius tanti partus pondere exhausta totis pallens iacuit resoluta visceribus, non filius, aut suis est ullis sordibus delibutus: neque enim reuera aliquid circa se habere posset immundum,*
qui

*qui humani generis peccata, sordes, & maculas
 venerat mundaturus. Denique purgationes, quæ
 sunt tarditate periculosa, nulla puerum mater-
 norum viscerum profecuta sunt damna. Nulla
 adhibita rudi fœtu sueto more fomenta, neque
 enim his poterat indigere, quæ accipere in ute-
 rum meruerat filium omnium Salvatorem. O
 magnum Sacramentum. Maria Virgo incorru-
 pta concepit post conceptum virgo peperit: post
 partum Virgo permansit, ita Christus in homi-
 nem se fecit nasci, quemadmodum non potest im-
 purus nasci. Non igitur, inquit Elmenh. audien-
 di Eluudius, Iovinianus, & lubrici nostri No-
 uatores, qui audacia artis Dialecticæ inflati, &
 supercilio luminis tumidi illorum somnia reco-
 quunt. Nam si per nascentem corrupta esset in-
 tegeritas Mariæ (ut ipsi volunt) non de virgine
 Christus natus esset, eumq. falsò, quod absit de
 Virgine Maria natum tota confiteretur Eccle-
 sia, quæ imitans eius matrem quotidie parit
 membra eius, & Virgo est, ut ait B. Au-
 gustinus in Enchiridio ad Lauren-
 tium tom. 3. cap. 34. fol. 116.*

*Hæc Elmenhor-
 stius.*

Probatur etiam Primatus Romani
Pontificis ex iure appellatio-
num ex totius orbis Ec-
clesijs. Cap. XXV.

EX eo etiam probamus Romani Pontifi-
cis primatum, quod ex quavis parte orbis
Christiani ad Romanum Pontificem legitimè
prouocatur, ab eius verò sententia nulla con-
ceditur appellatio. Id quod est certum argu-
mentum primatus quod non negant Aduersa-
rij. At vnde probabimus eiusmodi appellatio-
nes fuisse in vſu apud Veteres? Respondeo; Ex
multis, sed in primis ex Concilio Sardicensi,
quod totum tamquam legitimum descripserunt
Centuriatores centur. 4. c. 9. Huius Concilij Ca-
non quartus sic habet: *Cùm aliquis Episcopus
depositus fuerit, eorum Episcoporum iudicio, qui
in vicinis locis commorantur, & proclamauerit
agendum sibi negotium in vrbe Roma, alter Epi-
scopus in eius Cathedra post appellationem eius,
qui videtur esse depositus omninò non ordinetur,
nisi causa fuerit in iudicio Episcopi Romani de-
terminata. Canon autem septimus: placuit, vt
ſi Episcopus accusatus fuerit, & iudicauerint*
Epi-

Episcopi regionis ipsius, & de gradu suo eum deiecerint, si appellauerit, qui deiectus est, & confugerit ad Episcopum Romanæ Ecclesiæ, & voluerit se audiri, si iustum putauerit, ut renouetur iudicium scribere hoc Episcopis dignetur, qui in finitima & propinqua prouincia sunt, ut ipsi diligenter omninò inquirant, & iuxta fidem veritatis definiant.

Ex Vicarijs Sedis Apostolicæ colligitur primatus Pontificis Romani. Cap. XXVI.

Illustrissimus Cardinalis Bellarminus lib. 2. cap. 20. de Pontifice, vt probet Romanum Pontificem habere iurisdictionem in totam Ecclesiam sic scribit: *Quemadmodum ex eo quod Rex mittit Proreges ad Prouincias, intelligimus Regi eas Prouincias subiectas, & similiter ex eo, quod Rex iniungit iudicia Præsilibus Prouinciarum, cum reservatione causarum, intelligimus Regem esse summum Iudicem: Ita quoque ex eo quod Apostolicæ Sedis Vicarios habebat in omnibus ferè longinquis Regionibus, vel vices suas ad tempus alicui committebat, & tamen ad se grauiora negotia referri volebat, rectè colligimus ad*

Apostolicam Sedem iudicium totius Ecclesie pertinere. Quæ dum oppugnat M. Antonius de Dominis lib. 2. cap. 4. de Republ. Eccl. fatetur Papam antiquitus habuisse in omnibus penè Regnis Legatos. *Papa, inquit, tenebat in omnibus penè Regnis Legatos suos; legatione alicui ex præcipuis illorum Regnorum Episcopis commissa*. Itaque quod Bellarminus ait; Apostolicam Sedem habuisse Vicarios in omnibus ferè longinquis Regionibus hoc admittit Spalatensis.

Non prohiberi appellationes Episcoporum ex Africa ad Romanum Pontificem.

Cap. XXVII.

ADuersus auctoritatem Summi Pontificis Romani adducunt Calviniani appellationes ex Africa ad ipsum prohibitas fuisse, unde colligunt eam in illas Ecclesias nullam habuisse iurisdictionem. Canones, quibus videntur prohiberi eiusmodi appellationes duo sunt, primus in Codice Canonum Ecclesiæ Africanæ edito à Christophoro Iustello est 28. Item placuit, ut presbyteri, diaconi, vel cæte-

ri

ri inferiores Clerici , in causis, quas habuerint, si de iudicijs Episcoporum suorum questi fuerint, vicini Episcopi eos cum consensu sui Episcopi audiant, & inter eos definiant adhibiti ab eis Episcopi: quòd si & ab eis prouocandum putauerint, non prouocent ad transmarina iudicia, sed ad primates suarum prouinciarum, aut ad vniuersale Concilium: sicut & de Episcopis sæpe constitutum est. Ad transmarina autem, qui putauerit appellandum à nullo intra Africam ad communionem suscipiatur Can. Secundus est in ordine 125. de presbyteris, & Clericis, vt non appellent, nisi ad Africana Concilia. Respòdeo, isti Canones sunt constituti autoritate Pontificis Romani, interfuerunt namque Legati Sedis Apostolicæ, tantum igitur abest, vt detrahant illius iurisdictioni, vt potius eam confirment. Secundo agitur tantum de appellationibus presbyterorum, & aliorum Clericorum, non autem Episcoporum, quinimò istorum tacitè conceduntur dum non prohibentur. At, inquires, idem constitutum est de Episcopis, vt testantur verba Canonis: *Sicut & de Episcopis sæpe constitutum est.* Respondeo. ex his non colligitur ita esse Episcopis interdictas appellationes ad transmarina iudicia sicut presbyteris. Sed licere vt Episcopis ita etiam

presbyteris à primate & Synodo Prouinciæ ad vniuersale Concilium (non totius Ecclesiæ Catholicæ) sed diœceseos prouocare . Quod etiam ad primum illum Canonem obseruauit Iustellus . De Episcopis igitur nihil statuit Canon ; sed ab ipsorum prouocationibus ad primatem & generale Concilium totius Africæ assumit exemplum ad confirmandas appellationes presbyterorum . Malè verò quis collegerit hoc modo ; Episcopis licet appellare ad primatem , & Concilium diœceseos ; ergo ipsis interdicitur prouocare extra Africam . At inquit Iustellus p. 45. in Notis ad Cod. Africanum : *Appellationum Episcoporum ex veteri iure Ecclesiæ vniuersæ nullus extra Diœcesim usus fuit* . Citat locum Sozomeni l. 3. c. 7. vbi refert Episcopos orientales scripsisse Iulio, fas ei non esse quod ab ipsis actum fuerat irritum facere . At hoc ipsum caput Sozomeni , quod citat refutat Calvinianos . Nam ibi inquit Sozom. *Cum propter Sedis dignitatem cum omnium ad ipsum spectaret , singulis suam Ecclesiam restituit : & infra : Athanasius , & Paulus ad suas Sedes reuertuntur , litterasq. Iulij Episcopis Orientis mittunt .* Quod verò hostes Athanasij Iulium accusabant , illius ratio nulla debet haberi , cum fautores essent Arrij , & contra ius perse-

persequentem Athanasium, & qui cum eo erant. Res verò ipsa tandem docuit iure ab Athanasio, & cum ipso sentientibus ab iniquo iudicio prouocatum fuisse ad Iulium, cuius auctoritate factum vt Athanasius ad suam Sedem reuerteretur, vt iam docuit nos Sozomenus. Causæ Aduersariorum incommodat, non prodest locus Sozomeni adductus à Iustello. At porrò obijcit Iustellus, & ait, *etiam Canones Conciliorum œcumenicorum non admittere eiusmodi appellationes Episcoporum.* Respondeo legat Iustellus duos Canones Synodi Sardicensis Generalis, & aliter sentiet. Quartus sic habet: *Cum aliquis Episcopus depositus fuerit, eorum Episcoporum iudicio, qui in vicinis locis commorantur, & proclamauerit agendum sibi negorium in Vrbe Roma alter Episcopus in eius Cathedra post appellationem eius, qui videtur esse depositus, omninò non ordinetur, nisi causa fuerit in iudicio Episcopi Romani determinata. si illam nolit admittere vt legitimam, norit Magdeburgenses eam vt talem totam describere centur. 4. cap. 9.*



Refellitur obiectio hæreticorum
aduersus Conciliorum autho-
ritatem. Cap. XXVIII.

SVnt ex hæreticis, qui Conciliorum salu-
berrimam authoritatem ita explodunt, vt
dicant tantum abesse, vt Concilia ad sedandas
turbas in Ecclesia conuocanda sint, vt potius
ea debeant omitti tanquam maiorum malorum
incentiua. Hoc vt comprobent, adducunt quod-
dam dictum S. Gregorij Nazianzeni in epist.
42. ad Procopium, vbi negat *se vniquam ali-*
cuius Concilij bonum exitum vidisse, qua etiam
ratione motus ait, nolle se interesse ei Synodo,
ad quam vocabatur. Addit etiam malum
non tam remedia, quàm incrementa ex illis
prouenisse: Ad hanc tamen obiectionem re-
spondet ipse Iustellus præfat. in Codicem
Canonum Ecclesiæ Africanæ. vbi post addu-
ctum dictum illud S. Gregorij sic scribit: *Non-*
nullas tamen Synodos, etiam ante Nazianzeni
tempora, atque illius atate, ipse exitus longè
optatissimus comprobauit, Nicenam nempe pri-
mam, & Constantinopolitanam primam, qua-
rum prior Christi Diuinitatem contra hæresim
Arrij vindicauit: altera, cui & ipse Nazian-
zenus

zenus interfuit, *Macedonium*, qui *Spiritui*
sancto diuinitatis equalitatem denegabat, quam
Arius filio detraxerat, impietatis condem-
 nauit. Nec minus feliciter, post ipsius *Gregorij*
 ætatem, celebrata sunt œcumenicæ Synodi, *Ephe-*
sina contra *Nestorium*, qui *Christum* in duas
 personas diuidebat, & *Chalcedonensis* contra
Eutychem, qui unam tantum in *Christo* natu-
 ram asserere ausus est. De earum etiam autho-
 ritate adducit verba *Iustiniani* nouella 131.
Sanctarum quatuor Synodorum dogmata perin-
 de ac diuinas scripturas accipimus, & canones
 sicut leges obseruamus. paulò post: Tamen du-
 bium non est, post *Nicanam* Synodum, *Arrij* hæ-
 resim auctam, & corroboratam fuisse: unde &
 maiora incommoda nata sunt. De quibus *Hila-*
rius aduersus *Constantium* Imperatorem scri-
 bens, *Conscij* nobis, inquit, sumus inuicem post
Niceni Concilij conuentus Synodum, nihil aliud
 quam fidem scribi: dum in verbis pugna est,
 dum de nouitatibus quæstio est, dum de ambiguis
 occasio est, dum de authoribus querela est, dum
 de studijs certamen est, dum in consensu difficul-
 tas est, dum alter alteri anathema esse cœpit,
 propè iam nemo *Christi* est. & contra *Arrianos*:
 Miserari licet nostræ ætatis laborem, & præsen-
 tium temporum stultas opiniones congemiscere,
 quibus

quibus patrocinari Deo humana creduntur, & ad tuendam Christi Ecclesiam ambitione seculari laboratur. Id verò non Concilio tribuendum est, sed hominum improborum φιλονικία, & φασχία: nihilque aliud Nazianzenus, qui pessimis hisce, ac turbulentissimis Ecclesie temporibus vixit, quàm de summa suæ ætatis nequitia queritur, Synodosque refugit, ne maiorum inde malorum occasio nasceretur. Pertinaces enim, ait, contentiones, & dominandi cupiditates ne ullis quidem verbis explicari queant, citiusque aliquis improbitatis arcessetur, dum alijs iudicem se præbet, quam ut aliorum peruersitatem comprimat. Propterea memet ipse collegi, animæq. securitatem in sola quiete, solitudineque mihi positam iudicaui. Hæc ibi Iustellus.

Soli Episcopi tamquam Iudices rata habent quæ in Concilijs definiuntur. Cap. XXIX.

AD decidendas quæstiones fidei, ferendaq. suffragia cum autoritate iudicum instar non solum Episcopos, sed etiam Presbyteros, Diaconos, imò quoscunque Doctores, non

non Doctores laicos, admittendos esse putant hæretici : quod sanè nouum est in ecclesia, & à veteribus, perpetuisq. Institutis Ebsonum, quod facilè cuius innotescere potest, si vel obiter inspiciat acta Conciliorum, in quibus illud millies repeti animaduertet: Ego NN. Episcopus definiens, *επισκοπῶ* subscripsi. subscribunt quidem & Presbyteri & Diaconi, sed non ex propria authoritate, sed tantum si vices Episcoporum gerant. Hæc consuetudo cùm nota esset M. Antonio de Dominis scripsit l. 4. c. 5. de Republ. Ecclesiast. *Episcopi*, inquit, *omnes, & singuli sunt Ecclesiæ Consiliarij in Concilijs. vniuersalibus cum suffragio, ut ostendat l. 7. decisuo., non modò consultiuo.* Ibidem paulò post: *In Synodis*, inquit, *ubi suffragijs negotium esset decidendum, soli Episcopi suffragium ferebāt, ut ostendam libro septimo.* Lubenter verò nossem ex Calvinistis Anglis, cur cum anno 1618. haberetur Synodus Euangelicorum Dordraci, miserint eò non Episcopos ex suis, sed tantum Doctores Theologiæ, cum doceant Episcopum iure diuino superiorem esse Presbytero, cur per Ministros, & Doctores solos voluerint definire res suæ Religionis non interueniente vllò Episcopo? Certè eiusmodi negligentia fuit magni præiudicij instar aduersus Anglorum Pseudo-

Epi-

Episcoporum authoritatem , quam tantopere cuperent subuersam Puritani .

Refutatur confessio Caluini ex ijs , quæ Casaubonus obseruat ad- uersus Nouitates hæretico- rum. Cap. XXX.

Caluinus suis Geneuensibus tradidit quādam formulam confessionis fidei , & pauculos quosdam ritus , quos Agendam vocant, quales in tota antiquitate reperire non licet : Quod est euidens signum falsitatis , & deprauatæ inuentionis , & superinductionis . Certissimum namque est ea quæ credere de rebus diuinis , & facere ad colendum Deum nos oportebat perfectè tradita fuisse à Christo Domino Apostolis , & ab his vicissim illis , qui subsecuti sunt in regimine Ecclesiæ Catholicæ . Quia verò Casaubonus Nouator licet sit , tamen profitetur odisse se Nouitates in Ecclesia , ideò adfert nonnulla , quæ funditus euertunt Nouellitates Calvinianas : *Ea*, inquit in epist. dedic. ad Regem, *est fides, ad quam aliter Apostolus S. Iudas omnes omnium Ecclesiarum fideles*

*lex reuocabat , cum pullulantibus inter ipsos
 iam tum hæresibus hortatur suos , ut fortiter de-
 certent pro fide quæ semel tradita fuit Sanctis :
 quæ , ut Tertullianus ait , una omninò est , sola
 immobilis , & irreformabilis . idem de uelendis
 virginibus : Veritati nemo præscribere potest . &
 libro de præscriptionibus ; principalitas verita-
 ti , posteritas mendacitati deputanda ; id enim
 esse dominicum , & verum , quod sit prius tra-
 ditum ; id autem extraneum , & falsum , quod
 sit posterius immisſũ : rectissimèq. (inquit Casau-
 bonus) idem docet , parabolam Christi seminan-
 tis , & diaboli postea sterilis fœni adulterium su-
 perinducens , doctrinarum distinctionem figu-
 rasse , id est veram antiquitatem asseruisse ad-
 uersus posteriores quasque hæreses . Hoc & Bea-
 tus Martyr Cyprianus volebat , cum in Episto-
 la ad Cæcilium errantes in Religione , ad radi-
 cem , adque originem traditionis dominicæ , om-
 nibus nouellis , & humanis traditionibus valere
 iussis iuebat reuerti . Tertull. in præscriptioni-
 bus : Nobis nihil ex nostro arbitrio inducere li-
 cet , sed nec eligere , quod aliquis de suo arbitrio
 elegerit , Apostolos Domini habemus authores ,
 qui nec ipsi quicquam ex suo arbitrio , quod in-
 ducerent , elegerunt , sed acceptam à Christo di-
 sciplinam fideliter nationibus assignauerunt . hæc*

Ter-

Tertullianus . E tribus Regulis Vincentij Lirienfis, quæ in omnium ore sunt , prima est ; quod fuit à principio . At quis quælo vel mediocriter peritus Scripturarum , & antiquitatis ecclesiasticæ dixerit Confessionem fidei Calvinianam esse fidem illam semel traditam à Christo? Calvinus eam sibi finxit è scripturis utcumque suo arbitrio , intellectis , eamque superinduxit , proposuitq. quasi à Christo traditam .

Respondetur Casaubono excusanti
Anglos à schismate. Cur & quomodo
Ecclesia Catholica dicatur per totum orbem diffusa. Cap. XXXI.

Isaacus Casaubonus in epistola ad Cardinalem Perronium excusare conatur Anglos à schismate ratione quam hic expendo . Dixerat Cardinalis Regem Iacobum , & Britannos non posse dici Catholicos , eò quod Catholicæ Ecclesiæ non communicent. Catholicum namque dici & esse eum qui non solum orthodoxè sentiat , sed etiam unionem cum Ecclesia vniuersali , & toto orbe diffusa colat. Hanc ratiocinationem

tionem suam probat adductis multis locis S. Augustini ex opusculis exaratis contra Donatistas. Casaubonus fatetur S. Augustinum tunc temporis ita disputasse aduersus Donatistas, & ex communione cum Ecclesia Catholica, quæ demonstrabatur per Formatas rectè collegisse penes Donatistas non esse Ecclesiam Christi, penes autem cæteros Afros esse. Sed ait hunc modum colligendi non valere iani, neque accommodari posse ad nostra tempora. Iam enim non posse fieri, vt quis communicet Ecclesiæ Catholicæ toto orbe diffusæ, cum defierit esse in toto orbe, & valde sit restricta per defectionem Orientalium, aut saltem esse diuisam per dissensiones inter Latinos & Græcos, quorum vtraque pars contendit penes se esse Ecclesiam.

• Facta igitur Ecclesiæ Catholicæ diuisione non, esse exigendam ab Anglis communicationem cum Ecclesia Catholica. Respondeo. Bene habet quod Casaubonus fatetur S. Augustinum censuisse, vt quis dicatur Catholicus necesse esse communionem colere cum Ecclesia Catholica, siue toto orbe diffusa. Quæ ratione mouebatur tunc D. Augustinus ad exigendam istam communicationem cum Ecclesia Catholica ab eo, qui vellet esse, & dici Catholicus, illa adhuc viget, semperque vigebit. Est autem

tem ratio hæc; quia in Scripturis Ecclesia nobis describitur toto orbe diffusa. Ita de ea præ-nunciarunt Prophetæ, ita de diffusionem ipsius in totum orbem locuti sunt Apostoli. Audiamus S. Augustinum ep. 152. *Confessi sunt enim (Donatistæ) contra Ecclesiam Catholicam, quæ toto terrarum orbe diffunditur, nihil se habere quod dicerent, quia diuinis sanctarum Scripturarum testimonijs oppressi sunt, quibus Ecclesia designatur incipiens à Ierusalem creuisse per loca, in quibus Apostoli prædicauerunt, & nomina eorundem locorum in suis Epistolis, & actis conscripserunt, & inde diffundi per cæteras gentes.* hæc S. Augustinus. mitto alia plurima loca. Vt autem Ecclesia numquam desinit esse Catholica, ita semper rectè dicitur toto orbe diffusa. Dicitur enim Catholica non solum ob tempora, & personas, sed etiam loca. At, inquit Casaubonus, *Ecclesia non est iam diffusa, toto orbe quamcunque intelligas etiam Romanam, eosque qui cum Romana communicat.* Respondeo, ut dicatur Catholica non est necesse, ut in omnibus, & singulis mundi prouincijs, nulla excepta, sint Ecclesiæ quæ cum illa communicent. Nā Catholica dicebatur tempore Apostolorum, tempore S. Augustini ob diffusionem ipsius, & tamen excludebatur ex vastis-

vastissimis regionibus , in quibus ne fando quidem auditum fuerat nomen Christi , Christianæque Religionis , vt res ipsa manifestè docuit superiori sæculo , quando America est detecta . Nihilominus , vt fatetur Casaubonus , necessaria erat communio cum illa omnibus , qui Catholici esse , & censeri vellent . Itaque separatio Græcorum non obstat , quominus Ecclesia Romana , & illæ quæ ei adhærent sint Ecclesia Catholica . Quod si rectè calculū ponas , etsi forte non sint iam tot numero Catholici in mundo , quot erant tempore S. Augustini , sine dubio tamen latius patent iam Romani Catholici Christiani , quam tempore S. Augustini .

Protestantium cœtus longissimè
absunt à veræ Ecclesiæ , & Re-
ligionis constitutione .

Cap. XXXII.

DE S. Gregorio Magno ita scribit Casaubonus Exercit. 16. num. 144. *Fuit Gregorius non solum cognomine , sed rebus ipsis magnus & Sanctus , ac verè sui sæculi , prope iam ferrei , phœnix .* At de ipso referunt Centuria-

F

tores

tores Magdeburgenses centuria sexta, quod miserit Augustinum Romanum Ordinis Benedicti Monachum anno 582. in Angliam &c. quod Augustinus Edelbertum regem cum uxore sua Religione Romana imbuerit. Quod idem in Dorobernensem Archiepiscopum electus fuerit, ab Etherio Arelatensi consecratus. Quod conuocata Synodo Romanos ritus & consuetudines obtruserit (non obtrusit, sed Apostolicè induxit.) nimirum Altaria, vestes, imagines, Missas, Calices, Cruces, Candelabra, Thuribula, vexilla, vasa sacra, lustrales aquas, Romanarum cœremoniæ codices, oblationes, processiones, pompas, decimas, & similia, & postulauerit, ut eodem tempore pascha celebrarent, & baptismum ritibus Romanorum administrarent, &c. quod à Gregorio Pallium, reliquias Sanctorum ex Roma acceperit. Ecclesiam Saluatoris Cantuariæ instaurauerit, & monasterium in honorem Petri extruxerit. centuria 7. ex tertio capite secundi libri Bedæ referunt: Hic requiescit Diuus Augustinus Dorouernensis Episcopus primus, qui olim hic à Gregorio Romano Pontifice directus, & à Deo miraculorum operatione suffultus, Edelbertum Regem, & Gentem illius ab Idolorum cultu ad fidem Christi perduxit. Confer nunc lector modum propagandæ, & consti-

tuen-

tuendæ Religionis Christianæ eum quo utitur Romanus Pontifex cum illo, quem adhibent protestantes. Vides docentibus Centuriatoribus mitti Monachum, eligi Archiepiscopum, consecrari ab alio, inducere altaria, imagines, missas, calices, cruces, candelabra, thuribula, vexilla, vasa sacra, lustrales aquas, aliaque. Factum id sæculo sexto. Protestantes demum post decimum sextum sæculum incitati à Monacho apostata à nullo misso, nullis miraculis nixo, altaria destruunt, reliquias proijciunt, imagines comburunt, Episcoporum ordinem tollunt. Nostra Romana & Catholica peraguntur à Pontifice Magno sancto vel ex confessione aduersariorum, per Monachum miraculorum gloria suffultum. Contra tantos viros quomodo consistent coetus protestantium, rerum sacrarum iam supradictarum expertes?

Vides lector nullam esse similitudinem professionis Lutheranae, &

Calvinianæ cum constitutione Religionis Catholice.

ca.

Scriptoribus Ecclesiasticis quid sit chirotonia . Cap. XXXIII.

VT plebi afferant ius eligendi Ministros Ecclesiasticos , grammatico quodam argumento se iactant Nouatores , petito nempe ex significatione , vt ipsi putant , propria verbi chirotonein , quod cum significet manum eleuare , aut extendere , si originariam ipsius significationem respiciamus , electionesque Episcoporum , aliorumque Ecclesiasticorum legantur factæ coram plebe , colligunt ex plebe vnumquemque extensa manu solitum antiquitus significare , quem ex Candidatis muneris Ecclesiastici electum cuperet. Sed non est quod vim faciant in verbo Chirotonein , cum sit de illorum genere , quæ Ciuitate Ecclesiastica donata , Ecclesiasticam etiam accipiunt significationem , de qua Grammaticos puros , rerum Theologicarum ignaros iudicium ferre ineptissimum fuerit . Non est verò nouum , vt nonnulla nomina , quæ ex sua origine generalem habebant significationem vsu ecclesiastico restringantur , & vni cuidam rei singulari significandæ accommodentur . Exempla passim occurrunt apud Scriptores Ecclesiasticos . Ecclesiæ

clesiæ nomen latè acceptum quemuis cœtum hominum significat , at ecclesiastico significatu solum significat Congregationem Christianorum ; ita quidem vt ipsa etiam Synagoga Veteris testamenti Ecclesiæ nomine venire nequeat. Ita Idola non quascumque imagines significât ; sed tâtum fictos deos gentiliû , eorumq. statuas , quibus sacrificabant Idololatræ. Idem testatur S. Augustinus de significatione nominum Dulix, & Latriæ. Cæterum quam sit inane argumentum hæreticorum, ad adstruendum ius eligendi Ecclesiasticos Plebi , ex Antiquitate Ecclesiastica commonstrat M. Antonius de Dominis, cui se submittere ne quæso dedignentur Noui litteratores . Sic verò ille c. 2. de Republ. Ecclesiast. n. 59. *Ex Christi, inquit, instituto potestas ministerium propagandi data est solis Apostolis , & Apostolorum successoribus , non plebi fidelium , vt est ostensum , neque confugium grammaticale ex verbo chirotonia quicquam prodest , quasi significet , vt quidam asserunt , populi suffragia per elationem manuum . Ecclesiastici enim Scriptores vtuntur eo verbo pro ipsa manuum ordinantiû impositione, vt constat ex tot locis , in quibus fit chirotonia nemine ex populo presente. Hieronymus in Esaiam c. 58. huius vocis interpretationem etiam pro ipsa ordina-*

dinatione, & manus impositione ponit, & admittit. Imò verò etiam si populus esset præsens, & suo suffragio concurreret interdum in personam ordinandam, adhuc tamen solus ordinator, siue ordinatores, nimirum Apostoli & Episcopi dicebantur Chirotonein, &c. quod verò Apostoli interdum etiam cum totius Ecclesiae præsentis præsentia, & consensu ordinarunt Ministros, hoc tamen neque in omnibus, & semper factum est, neque necessarium absolute erat, ut minister sufficientissime diceretur ordinatus. Haftenus M. Antonius.

Quid sint *ἐπίσκοποι* in Can. 25. Codicis Canonum Africanorum, an hi fuerint græcè ab initio conscripti. Cap. XXXIV.

Plessæus Mornæus in libro de Eucharistia scribit Episcopos, presbyteros, & diaconos in Ecclesia antiqua Africanos habuisse Episcopos, presbyteros, & diaconos uxores, ab illis verò abstinuisse solum tempore ministerij, quod exercebant, hoc putat posse se deducere ex can. 25. Codicis Can. Eccles. Afric. ubi græcè

græcè legitur, eos debere se continere ab vxoribus *κατ' ἰδίους ὄφους*, hoc est, vt ipse explicat secundum proprios terminos scilicet temporis proprii ministerij. At per *ἰδίους ὄφους* debent intelligi canones proprii de ipsorum sacerdotum continentia, qui iam erant editi, sed tunc confirmabantur, & repetebantur. Ideo textus Latinus sic habet: *Placuit quod in diuersis Concilijs firmatum est, vt subdiaconi, qui sacra mysteria contrectant, & diaconi, & presbyteri, sed & Episcopi secundum priora statuta etiam ab vxoribus se contineant*. Afri latinè dixerunt priora statuta; qui Canones græcè transtulit dixit: *ἰδίους ὄφους*. Plessæus imperitè argutatur Canones Africanos primum fuisse græcè conceptos, postea latinè versos. Sed refellitur à Iustello præfat. in Codicem Canonum Ecclesiæ Africanæ: *Falluntur*, inquit, *qui existimant Africana Concilia græcè potius, quàm latinè scripta primum fuisse*: Natiuus enim sermo Africanorum Conciliorum, vt & Sardicensis, quum in Occidente celebrata sint, latinus est non græcus, vt tradit Dionysius exiguus in Epistola, quam suæ collectioni præfixit. Dionys. Alexandrinus apud Eusebium de Nouato loquens, & Concilijs contra illum in Occidente celebratis, synodicam Epistolam Concilij Carthagenensis

A. D. CCLIV. sub Cypriano habiti Latino sermone scriptam fuisse testatur his verbis : Epistolæ quando Corneliy Episcopi Romani scriptum ad Fabium Episcopum Ecclesiæ Antiochenæ ad nos peruenerunt , quæ tum auctoritas Conciliy Romæ habiti , tum quæ ab omnibus in Italia , in Africa , neque alijs locis de eo errore decreta erant , euidenter declarant . Aliæ item extant Epistolæ latino sermone à Cypriano , & alijs , qui cum illo erant in Africa composita . Nec verisimile est Africanos Patres in suis Concilijs græcè locutos . Augustinus enim , qui omnibus ferè interfuit , quæ sua ætate celebrata sunt , puer græcas litteras oderat , ut fatetur l. 1. confess. c. 13. & 14. Ad has iam senex redijt , non magno tamen progressu , nec illarum tam peritus , ut græcè dicere , vel scribere tam facillè posset . l. 2. contra Petilianum c. 38. Ego quidem græcæ linguæ parum affecutus sum , & propè nihil . Possidonius in vita Augustini c. 5. Valerium , qui ante Augustinum Episcopus Hipponensis fuerat , quod homo græcus esset , & latinè parum intelligeret , ad populum docendum , munusque suum exequendum minimè aptum , habilemque fuisse scribit . & Augustinus in Epistolam tract. 2. ait Donatistas duas solùm linguas probasse , latinam & punicam , idest Africam . Istæ duæ linguæ solæ sunt

in

in parte Donati , plus non habent . Hæc ibi Iustellus , ex quibus refutatur Plessæi opinio de lingua græca , in qua fuerint confecti Canones Africani .

De pallio , de Ascetis , quales fuerint tempore Tertulliani .

Cap. XXXV .

Claudius Salmasius in pallium Tertulliani significat , sed obscure quid sentiat de vita monastica . Ait pallium solitum suscipi non ab omnibus , aut Clericis , aut laicis , sed ab Ascetis solis . per Ascetas intelligit eos , qui κατ' ἀντίθετον solebant ἡσίστασθαι . Ita ait etiam vocatos apud Gentiles eos , qui rigide obseruarent præcepta philosophiæ . pallium ait non indutum fuisse ab omnibus Clericis , sed à nonnullis tantum , ijs scilicet , qui magis obseruabant præcepta Christi . Itaque inter Clericos , & laicos fuisse Ascetas , non tamen habuisse societates cum certis legibus , & regulis , ut subsequitis temporibus habuerunt . solitos illos emittere votum continentię , castrare se propter regnum coelorum , abstinere à multis cibis , à vino , à carnibus , alijsq. magis nutrien-
tibus ,

tibus, & calidioribus cibis . Erant itaque multi Clerici regulares , hoc est ἀνδρες Χριστιανίζοντες , erant etiam multi ex plebe , erant etiam foeminae , quae obseruabant istum rigorem . Hinc licet colligere discrimen inter Ecclesiam antiquam etiam tempore Tertulliani , & inter coetus Calvinianos . Nam tunc temporis multi habitu , incessu , hirsuto , & rudi vestitu superabant communem viuendi modum . Cur igitur Calviniani irrident Catholicos, quorum aliqui incedunt colore albo, alij nigro, alij alio, Ascetę nempe , quos nos Religiosos vocamus . Certę dum eiusmodi vestitum irrident , imitantur Gentiles , aduersus quos asserit ruditatem pallij tanquam vtilem Tertullianus . At inquires , etiam philosophi induebantur pallio . Quid tum vero , si nonnulli ita induerentur vt viderentur philosophi , licet reuera procul abessent à vera philosophia , an propterea exhibilandi , & subfannandi sunt , qui Christum imitantur , & Apostolos rudi habitu ? præterea obseruabant isti virginitatem , & perpetuam continentiam . At Calviniani putant seruatu esse impossibilem . Alunt vota esse propria veteris Testamenti . Nō minus esse acceptos Deo coniugatos , quàm sint Virgines , & eunuchi , qui se castrant propter regnum cœlorum . Ad hæc Calviniani clamant

non

non debere haberi vllum delectum ciborum, in ieiunijs, sed promiscuè omnia comedenda. At Tertullianus fatente Salmasio, ait Alce-
tas suo tempore abstinuisse à carnibus, à vino, alijsque. Absunt itaque cum suo Reformato, scilicet coetu Calviniani à forma Veteris & primiti-
uiæ Ecclesiæ, ad cuius tamen hypotyposin volunt videri vulgò omnia sua conformare.

De vestitu rudi, & hirsuto Monachorum, assertus is aduersus Nouatores. Cap. XXXVI.

HAeretici, quibus omnis austeritas certæ animi sententia suscepta, displicet, quiq; nihil extra ordinem sibi faciendum putant ad domanda carnis recalcitrantis contra rectam rationem vim, fatuos & stolidè simplices iudicant eos esse, qui rudi, & hirsuta veste induuntur, vt Capuccinos, aliosq; rigidioris instituti religiosos viros. At mos iste non communi, & delicato vestitu vtendi descendit ab vlu antiquissimo Ecclesiæ Christianæ, apud quam tam Clerici, quàm laici, qui seuerè, & rigidè volebant *Χριστιανίζειν* dimissa toga, suscipiebant pallium tamquam veri philosophi, ob eamque rem

rem subsannabantur à Gentilibus . Quod ex Tertulliano obseruant ipsi Nouatores, & explicat Claudius Salmasius notis ad librū Tertulliani de pallio pag.9. & seqq. *Hi sunt philosophi Christiani, qui pallium habitabant. Ambrosius Epist. 37. & quum ipsi (Aegyptij) capita, & supercilia radant, si quando Isidis suscipiunt sacra, si fortè Christianus vir attentior sacrosanctae Religioni vestem mutauerit, indignum facinus appellant. Non de quolibet Christiano ita loquitur Ambrosius, sed de eo, qui sacrosanctae disciplinae attentior esset: per quae verba omninò τὴν ἀσκητικὴν designat, hoc est, τὸν ἀκροβῶς χριστιανίζοντα, ut loquitur Socrates l.7. c.37. hist. eccl. de Siluano. Ex quo colligitur omnes Ascetas καὶ ἀκροβῶς χριστιανίζοντας, & attentiores sacrosanctae disciplinae, vestem mutare olim solitos fuisse, & palliam philosophi sumere. quod minimè tamen fecisse Siluanum obseruat Socrates, & hoc tamquam nouum in illo notat. pallium igitur, de quo hic agitur, & qui titulus & materia est huiusce Tertulliani operis, non commune omnium graecorum erat gestamen, ut nec omnium olim Christianorum, sed propriè τὸ τῶν φιλοσόφων χῆμα, propter eaque hunc etiam habitum sibi vindicarunt, è Christianis qui φιλοσοφώτερον in una Religione versarentur. Hieronymus in Epist. ad*
Mar-

Marcellam. : Nos quia serica veste non utimur, monachi iudicamur : quia ebrj non sumus, nec cachinno ora dissoluimus, continentes vocamur ; & tristes, si tunica non canduerit, statim illud è triuio, Impositor & græcus est. Hi nimirum erant, qui hoc scommate taxabantur, & ὑσαῖνός ἐσθίοντες, quique digito ostendebantur, philosophi nempe Christiani, hoc est Ascetici viri, qui pari cum Græcis philosophis amictu, male quoque propter illos audiebant. ibid. Nec pallio porrò tantum, sed etiam sordibus & squallore insignes tam philosophi, quàm Ascetæ Christiani. Hinc illud Hieronymi : Si tunica non canduerit, statim illud è triuio, impositor & græcus est, quod de philosophis, & præcipuè Cynicis accipi debet. & paulò post : olim Monachi quam semel tunicam induissent, numquam exuebant, priusquam penitus tota usu detrita & scissa esset, ac de altera habenda cogitandum foret. Hieronymus in vita Hilarionis : Saccum quo semel fuerat indutus numquam lauans, & superfluum esse dicens mundicias in cilicio querere : nec alteram tunicam mutauit, nisi prior penitus scissa esset. Hæc Salmasius.

Noua-

Nouatores dum Monachos contem-
nunt, imitantur non veteres
Christianos, sed Gentiles.
Cap. XXXVII.

QUod hæretici Monachos ob squallorem
vestium insectantur, & alia sancto insti-
tuto annexa, quæ procul absunt à de-
licatorum hominum viuendi ratione, & scom-
matibus diuexant, faciunt non sine exemplo,
sed Gentilium, sed iuratorum Christi hostium,
sed remotissimorum ab Euangelica politia.
Quod verò in eiusmodi contemptu Monacho-
rum non imitentur veteres Christianos, sed
Gentiles id ipsi hæretici non diffitentur mani-
festis testimonijs edocti, vt obseruat Cl. Salma-
sius in notis ad Tertulliani librum de pallio.
p. 11. *Rutilius*, inquit, *Gallus in Itinerario il-
luuiem & squalorem Monachorum non semel
exagitat: de Capraria ita scribit:*

Squallet lucrifugis insula plena viris.

Hi sese Graio monachos cognomine dicunt:

& alio loco de Solitario:

Infelix putat illuuiæ cœlestia pasci,

Seq. premit sauis sauior ipse deis.

Et

Et hæc, inquit Salmasius, causa est, quamobrem Eunapium putem Christiani nominis insensissimum hostem in libro de vitis philosophorum, de Monachis sui temporis dixisse videri eos vivere, quod illud animal munditiem, & sordes in amoribus, ac delitijs habeat, lutoque & olentiscetis præcipuè gaudeat.

Versiculum illum Rutilij adducunt vitæ Monasticæ hostes, ut institutum vituperent. At meminisse deberent versiculum esse Rutilij Gentilis non Christiani, unde dum vtuntur eiusmodi testimonijs aduersus vitam Monasticam produnt se imitatores veterum non Christianorum, sed Gentilium. Veteres namque Christianos solitos vti squallida, modesta, & simplici veste, aut si non vterentur consueuisse approbare in ijs, qui rigidiores erant, liquet ex alia mea obseruatione, ad quam addo alia ex eodem Claudio Salmasio p. 12. ad pallium Tertulliani. *Qui seculo, sæculiq. negotijs renuntiabant, quique sanctiore vita in secessu frui præoptabant, ut Clerici olim ferè omnes & Monachi, eorum hominum habitum adamasse, & adpetisse iure meritoq. videntur, qui & ipsi de populo secesserant, sibiq. viuebant, quales fuerunt philosophi. præterea cum ex omni vestimentorum genere, quod in usu promiscuo tunc fuit,*
mode-

modestissimum & simplicissimum pallium philosophorum esset, illud præcipuè sibi habendum, delegisse modestiæ, & simplicitatis sectatores egregios maximè verisimile est. Adde quod & Apostolorum emulatione, quorum vitam imitabantur, hunc habitum eos usurpasse non longius à vero sit, nisi sit etiam fortasse verius. Apostolos autem non togatos, non chlamydatos, non lacernatos, aut penulatos, sed palliatos fuisse constat. Hæc ibi Salmasius.

De quibusdam exercitijs Monachorum. Cap. XXXVIII.

A Scetæ Christiani semper consueverunt exercere corpus suum, affligere, & varijs modis vexare ad domandas carnis cupiditates, vacandumque attentius cultui diuino, & in primis precibus, & rerum sacrarum meditationi. Eiusmodi exercitia Catholicorum tamquam inutilia, superstitiosa, imò impia audent Nouatores explodere, & reiicere. Non possunt verò negare morem huiusmodi esse valdè antiquum, & frequentissimum apud Christianæ pietatis cultores. Audiamus verba Casauboni p. 61. ad Apparatum Annalium Cardinalis Baronij:

ronij. Sed longe, inquit, ingeniosiora sunt, quæ de Ascetis tam Iudæis, quam Christianis apud Veteres legimus. Isti enim sicut Canonicam refectionis horam habuerunt, sic & Canonicum somni tempus, & mensuram, ut loquitur Cassianus. Igitur partim ad vexandum corpus, & eam quæ patribus dicitur *σκηναγωγία* partim ad vincendum somnum fuerunt Ascetis in usu *χαμνυταί*, humicubationes, & *σιράδες* *χοστὸς* *στροβή* herba aut fœnum loco culcitæ, mattæ, storeæ, psiathia, & mafortes, & melotæ, ac similia his ad incubandum, itē apud Cassianum *embrimia*, collatione prima, capite ultimo, cuius vocis etymum nescit se scire Scaliger suspicabamur tamen nos *ἐμβσιμα* dicta τὰς ἀπὸ βσιζεν, quod dormire & somnum leuem capere significat, propriè est *μετὰ τὴν βόσιν* *ζεν* post sumptum cibū residere, &c. Ascetæ sua *embrimia* fasciculis stipulæ facta, vel papyro (ut apud Philonem de Essenis) aut duro tomento, vel simili materia sibi parabant ad somnum nocturnum, &c. Igitur ad hoc institutum, quod narrat Epiphanius de phariseis Ascetis tabulæ dodranti, siue palmi unius maioris, incubare solitis: quorum exemplum transisse ad primos Christianorum Monachos non dubito: simillimum enim est, quod de sua, & Basilij Magni matre, sanctissima & admirandi

G

exem-

exempli fœmina B. Macrina refert. Gregorius Nyffenus in Epistola lectu dignissima ad Olympium Ascetam, nondum edita inter illius patris opera, nobis aliquando magna cum voluptate, lecta in Regis Christianissimi bibliotheca: Hæc ibi Casaubonus.

De Priuilegijs, & exemptionibus Monachorum. Cap. XXXIX.

QUOD Summi Pontifices Romani consue-
scunt largiri priuilegia Monasterijs
nonnullis, eaq. immediatè sibi subij-
cere, id etiam impugnant Nouatores, aiuntque
nuperum id esse inuentum ad amplificandam
potentiam Romanę Ecclesię. Sed eiusmodi
mos est antiquus, illis temporibus rece-
ptus, & vsu comprobatus, in quę non au-
dent manifestis conuicijs, & maledictis irruere
sexto nempe sæculo, quando S. Gregorius præ-
sidebat Ecclesię; Is enim largitus est priuile-
gium Sueffionensi Monasterio; quod nulli vo-
luit esse subiectum, præterquam Sedi Apostoli-
cę. Obseruant hoc ipsi Magdeburgenses Centu-
riatores, recitantque illud priuilegium in com-
pendium redactum centuria sexta: *Exemplum,*
inquiunt,

inquirunt, priuilegiolorum Monasterij in Sueſſo-
rum Ciuitate, quod Gregorius dedit, extat in
libro eius duodeſimo capite 32. Capita ſunt. I.
Ne donata ei Monasterio cuiquam fas ſit abalie-
nare. II. tot Monachi habeant poteſtatem eli-
gendi Abbatem, & ordinandi. III. Fontium
conſecrationes, & ſcrutiny myſteria in ipſo Mo-
naſterio celebrent. IV. Chriſmatis, Olei, Altaris,
Calicis, Corporalis benediſtionem, à quocunque
Pontifice expetant. V. ſit Caput Monasteriorum
Gallie, nulliusq. ditioni ſubſit. VI. Tantum
Pontificibus Romanis pareat. VII. Reſtor Mo-
naſterij fiat, & altarium Praſul. VIII. ſi Ab-
bas ob cauſam capitalem deponendus ſit, non
prius id fiat, niſi Pontifex Romanus ratum id
fecerit. Et in eo iudicio ſint tres Metropolitani
cum ſuffraganeis, & Abbates quamplurimi.
Accuſatores cum duodecim teſtibus adſint. Ha-
ctenus Centuriatores. Si Nouatores hic per-
gant eſſe moleſti, & aliquid obijcere aduerſus
factum Gregorij Pontificis, regeram fuiſſe Gre-
gorium virum ſanctum, ab iniuſtitia, à faſtu re-
motiſſimum, humilliſimum, quod vel inuiti Ad-
uerſarij Sedis Romanæ fatentur. Audiamus Ca-
ſaubonum exercit. 16. ſect. 144. Fuit, inquit,
non ſolum cognomine, ſed rebus ipſis magnus, &
ſanctus, ac verè ſui ſaeculi, prope iam ferrei, phœ-

nix. Nos quidem ita censemus, & cur ita censemus, causas parati sumus reddere. Hæc Isaacus Casaubonus de S. Gregorio.

Quod non sit Ecclesiasticum regimen penes Principes Sæculares.

Cap. XL.

Hæretici huius temporis præsertim Angli Protestantes adscribunt Principibus sæcularibus summam authoritatem disponendi de rebus Religionis, & hominibus, qui eam exercent, adeò ut cura & Regimen Ecclesiæ præcipuè ad eos pertineat. Hic error refutatur sensu & praxi veteris Ecclesiæ, de qua adducam ipsorum hæreticorum testimonia, qui non possunt negare Veteres agnouisse regimen Ecclesiæ non esse penes principes sæculares. Ieremias Patriarcha Constantinopolitanus schismaticus sic scribit in censura sua ad Confessionem Augustanam Lutheranorum c. 13. *ordinationes apud nos non alio modo fiunt, quam eo, quem sacri præscripserunt Canones. Et de Episcoporum quidem ordinatione primus Apostolorum Canon hæc docet: Episcopus ordinetur à duobus vel tribus Episcopis. presbyter verò ab uno,*

uno, Diaconus ita, & alij eodem modo, &c. Non licere autem secularibus principibus de Episcopis, aut sententiam ferre, aut illis deprauato veteri more, qui à S. Concilijs abrogatus est, manus imponere, & Canon Apostolicus docet: Si quis Episcopus secularibus potestatibus usus Ecclesiam per ipsas obtineat, deponatur, & à communione separetur, & omnes qui illi communicarunt.

Episcopi, imò & Monachi ex data sibi authoritate possunt ciuilia munera obire.

Cap. XLI.

Viris Ecclesiasticis res temporales curare non licere existimant Nouatores, sed falluntur. grauitèr, constat enim non rarò solitos Episcopos ciuilia munera obire, lites finire, rem ipsam publicam administrare, vt & ipsi hostes Ecclesię Romanę fateri coguntur Theodorus Balsamon, quẽ edidit Christ. Iustellus in Can. 4. Concil. Chalcedon. Iam, verò Ciuitatis Episcopum oportet, inquit, Canon Monasteriorum curam gerere. Nota ergo quod

Monachi illic perseverare, & permanere debent, ubi nuntium seculo remiserunt, seu tonsi fuerunt: & quod ex permissione Episcopi possunt Monachi, non solum Ecclesiastica negotia administrare, sed ea etiam, quæ ad vitam pertinent, hoc est, ciuilia. Si autem hoc potest facere Episcopalis permissio, id multò magis faciet potestas Imperialis, quæ etiam Episcopos promouet. propterea enim, ut est consentaneum, ille etiam Metropolitanus absque ullo impedimento Imperij negotia administrabat in personam Imperatoris Domini Michael Ducæ. Quin & ille Neocæsareæ Metropolitanus, maritimæ ciuitatis iura conscripsit: Et alij etiam Antistites, & Monachi Imp. & publica munera similiter exercuerunt.

De Iure patronatus Ecclesiastico quam sit antiquum.

Cap. XLII.

Nihil profectò in Ecclesia, nihil in Republica ambitione est perniciosius. Illa, motus Caluinus, & Caluini de grege politici, nomen reformationis prætexentes molitionibus,

bus, quibus satagebant, euerfis omnibns antiquis iuribus sibi imperium parare, vbi pedem fixerunt non solum Clericis fuerunt infesti, verum etiam laicis plurima eripuerunt, interque illa ius patronatus ijs concessum initio, qui suis impensis extruxissent templa, eisq. assignassent redditus, quibus commodè alerentur illi, qui sacris operarentur. Vt verò facilius in iure isto tollendo imponant ignaris populis, aiunt, ius huiusmodi nuperum esse, valdeque recens inuentum Pontificum Romanorum. Eos verò hac etiam in re splendide mentiri, docet ipse, Hugo Grotius in suo Apologetico pro ijs, qui Hollandiæ præfuerunt, cuius verba adscribam, vt nouerint Aduersarij quam sit antiquum ius patronatus. sic itaque ille p. 147. *Veniamus, inquit, ad ius quod patronatus dici solet ijs concessum initio, qui ære suo edificaßent sacras domos. Pastorum quidam aduersus hoc ius libros scripsere, præcipue apud Frisios Translaucanos, vbi ius hoc vsu viget. Sed vbi venit ad probationem &c. subsidunt argumenta, vt ab Episcopo V Ventoniensi latè probatum est, vbi & hoc quarit quæ ratio, quæ authoritas nos cogat talem potestatem senioribus, qui vocantur deferre potius quam viris eminentibus, quales esse solent, quibus competit ius patronatus. Neque*

verò in Anglia tantum, sed & in Palatinatu id ius in usu est &c. Sed neque nouitium hoc commentum est, nec ut quidam contra historiae fidem prodiderunt à Pontificibus Romanis inuentum. Nam circa annum I D X L I. Iustinianus, circa annum I D L V. Synodus Toletana, ac post Carolus Magnus ius hoc suis constitutionibus confirmarunt. Quanti autem apud nos hoc ius aestimatum antiquitus fuerit multis documentis apparet. In legibus concessis Lugduno Batauorum ita loquitur Vuillhelmus Hainaius Comes Hollandiae: præterea cum ius patronatus Ecclesiae de Leiden ad me pertineat pleno iure, atque consanguineus noster Comes Florentius, cuius animam Deus habeat, bona fide pollicitus sit, & promiserit quod cedente, vel decedente Magistro Gerardo iam dictae Ecclesiae Rectore duos presbyteros idoneos successiue, & perpetuò ad dictam Ecclesiam presentaret. & quae sequuntur. In pace facta cum Vestfrisijs anno C I D C C X C I X. extat hoc caput: Collationes omnium Ecclesiarum in Vestfrisia ad nos, & successores nostros perpetuò pertinebunt; nisi quatenus Episcopus Traiectinus, & Abbas Egmondanus probare poterunt sibi id ius deberi. Eiusdem cui, aut antiquiora etiam sunt documenta, quae ostendunt idē ius in Zelādia valuisse, ut Middelburgi, Zierikzæ

rizeæ, Goese. Inter cætera an. MCCCXXVIII.
 Comes ita loquitur : Cum Collatio Ecclesiæ Vest-
 monasteriensis in oppido Middelburgo nostra sit,
 ubi ea Ecclesiæ vacabit, nostrumq. oppidum, &
 oppidani Middelburgenses precibus suis nobis
 commendabunt virum probum, & placidum, si
 nobis videbitur, eum Ecclesiæ & oppidanis uti-
 lem fore, ita ut animi nostri religioni in eo pro-
 mouendo satis possimus facere, libenter amore
 Dei, & ad preces oppidanorum Ecclesiæ ei conse-
 remus. VVilhelmus Baioariæ Dux in accusatio-
 ne sua aduersus Abbatem Middelburgensem hoc
 etiam ponit. Quamuis multæ Ecclesiæ sitæ sint
 intra officium multorum officiatorum, quapro-
 pter collatio dictarum Ecclesiarum ad eos officia-
 tos spectat, quod ipsum conferendi ius Abbas Oli-
 uerus, & alij ante eum Abbates non attentatum
 officiatis reliquerunt, acceptantes eos qui præ-
 sentabantur, cum præsentarentur, hic tamen
 Abbas id recusauit, & ei iuri contradixit, unde
 lites & controuersie multæ ortæ sunt, quin etiam
 homicidium, quæ res ad nostri, & officiatorum
 fraudem pertinent. Verba Philippi de Leidis, qui
 in Hollandia natus iurisprudentiam in Gallia
 professus est, quò tempore VVilhelmus, & Adel-
 bertus Baioarij Hollandiam regebant antehac
 in alio opere à nobis producta sunt. Inter iura

Comi-

Comitatensia in rerum fiscalium inuentario inuenitur notitia Ecclesiarum, in quas Comes haberet ius patronatus.

Libri Hæreticorum abolendi, Christianorum Imperatorum de hac re edicta laudata.

Cap. XLIII.

Hæretici non solum sermone, qui serpit, ut cancer, sed etiam libris propagandæ suæ sententiæ sedulam nauant operam, hinc magnopere cuperent Catholicos permittere, ut ubique scripta, quantumuis impia, possent imprimi, diuendi, & ab omnibus promiscuè legi, ex quo cum maximum damnum secuturum esset (nullum namque, ut quidam ait, venenum præsentius malo libro) Ecclesia Romana quantum fieri potest in id incumbit, ut nusquam huiusmodi pestiferi foetus in lucem prodiant, aut si prodierint, quamprimum aboleantur. Facit hoc pia & prudens mater, mota etiam exemplo veteris Ecclesiæ, cum qua illam conspirare, ut in cæteris, ita etiam hac in re volentes nolentes fatentur Aduersarij. Schlus-
selburg

selburg in Theol. Caluin. art. 1. Ex Nouo Testa-
 miento, & primitiua Ecclesiae historia, & eorum
 successorum, certum est, non tantum malorum,
 librorum lectione suis auditoribus interdixisse,
 verum etiam huiusmodi libros comportatos co-
 ram omnibus exussisse. Ibid. Falsissimum est er-
 go, quod Lauaterus affirmat librorum suspecto-
 rum, & impiorum prohibitionem esse contra
 manifestam Apostolorum doctrinam, & mo-
 rem Veteris Ecclesiae &c. hunc morem combu-
 rendi libros semper in Ecclesia Dei obstinatissime
 usurpatum, & retentum fuisse à SS. Patribus,
 id quod apparet, quod multorum Haeticorum
 nomina, & errores recensentur, quorum tamen
 scripta non extant. Ibid. Tempore Marciani
 Imperatoris in Concilio Chalcedonensi decretum
 est ut comburerentur libri Manichaeorum, Ne-
 storianorum, & Eutychianorum. Idem in
 refutatione orthodoxi consensus: Iam quod
 conqueruntur aliquibus libris Zuinglij, & Cal-
 uini loco datum non esse, vel Theodosii, Valen-
 tiniani, Marciani Imperatorum exempla, qui
 ne quis Nestorianorum, Eutychianorum, &
 Apollinistarum libros describi, aut legi edixe-
 runt, nostrum principium mandata excusant.
 Andr. Libavius: Qui veterum fuit in pietate
 feruor eiusmodi libros cum auctore exussissent.

Luthe-

Lutherus de Iure Canonico abolendo : *semper receptum fuit , ut libri perniciosi flammis abolerentur .*

Hæretici non eodem iure vti debent
in Republica , quo gaudent Ca-
tholici Ciues. Cap. XLIV.

Volunt hæretici fas vnicuique debere esse in Republica, quamcunque demum Religionem profiteatur, eodem iure gaudere, quo vtuntur quilibet è ciuibus, in emptionibus, venditionibus, hæreditatibus capiendis, instituendis hæredibus. At veteres Christiani non tantum iuris in Republica tribuerunt hæreticis, vt liquet ex ijs, quæ obseruat Christophorus Iustellus ad commonitorium, quod acceperunt Legati Episcoporum Catholicorum Africæ contra Donatistas, quod inter alia etiam hoc continebat : *Petendum etiam, vt lex, quæ hæreticis, vel ex donationibus, vel ex testamentis aliquid capiendi, vel relinquendi denegat facultatem, ab eorum (scil. Imperatorum) pietate hætenus repetatur, vt eis relinquendi, vel sumendi ius adimat, qui pertinaciæ furore cecati, in Donatistarum errore perseuerare*

rare voluerint. Ad quod Commonitorium hæc annotat Iustellus : Duæ, inquit, de ea re extant Theodosii leges, prima ad Eutropium P. P. Eucharior, & Diagrio Coss. hoc est ann. CCCXXCI. contra Manichæos lata l. 7. C. Th. de hæret. Si quis Manichæus Manichæaue ex die latæ dudum legis, ac primitus à nostris parentibus inquamlibet personam condito testamento, vel cuiuslibet titulo liberalitatis, atque specie donationis transmisit proprias facultates, vel quicumque ex his aditæ per quamlibet successionis formam cum latione ditatus est, quoniam ipsæ sub perpetua iustæ infamiæ nota testandi, ac viuendi iurè Romano omnem protinus eripimus facultatem, neque eos relinquendæ, aut capiendæ alicuius hereditatis habere sinimus potestatem totum fisci nostri iuribus imminentis indagatione societur. Altera ad Flavianum P. Titiano, & Symmacho Coss. hoc est A. D. CCCXXCI. C. de Apost. Hi qui sanctam fidem prodiderunt, & sanctum baptisma hæretica superstitione profanarunt: à consortio omnium segregati sint, à testimonijs alieni testamenti (ut iam ante sanciuimus) non habeant factionem, nulli in hereditate succedant, à nemine scribantur hæredes. Rursus ad petitionem Ecclesiæ Africanæ hæ Theodosij sanctiones ab Honorio expetitam, & con-

& confirmata sunt l. 4. C. Th. de sanct. baptism. iter. sciant ij, qui iterare baptismum non timuerint, aut qui consentiendo hoc facinus propria societatis permixtione non damnauerint, non solum testandi sibi, verum adipiscendi aliquid sub specie donationis, vel agitandorum contractuum in perpetuum copiam denegatam. Dat. pridie Idus. Februar. Stilicone II. & Anthemio Coss. hoc est A. D. CCCC V. Hac ibi annotat Iustellus.

SS. Cœlites res nostras norunt, & quibus modis. Cap. XLV.

VT Sanctissimum, vtilissimumq. Christianorum institutum, Inuocationis nempe Sanctorum cum Deo in cœlis gloriôsè regnantium euertant hæretici, omnes admovent machinas. Principiò aiunt Sanctos Cœlites nostras preces non audire, imò nihil eorum, quæ hic apud nos geruntur nosse, ludi proinde operam nostram in fundendis ad eos precibus. Consulamus in hac quæstione eos, qui antequam vlla super eiusmodi precibus moueretur lis inter partes, scripserunt. Petrus Molinaus Minister hæreticus in Scuto fidei p. 244. part. I.

D. Au-

D. Augustinum tanquam secum sentientem aduocat, sed ille ipse ibi loci eum iugulat. Verba Molinæ, & cum ijs D. Augustini c. 29. de spiritu & anima p. 419. Il dit, che peut estre : *Quod possit fieri, vt Sancti sciant aliquid eorum quæ hic fiunt ex relatione eorum, qui hinc transeunt ad eos : vel quod Angeli aliquid ipsis dicant, vel quod Deus aliquid ipsis reuelet : non quidem omnia, sed ea quæ decet ipsos scire.* Locus integer D. Augustini sic se habet : *Nesciunt quidem mortui quid hic agatur : sed dum hic agitur postea audire possunt ab eis, qui hinc moriendo ad eos pergunt : non quidem omnino, sed quantum finitur eis indicare, & eos oportet audire. Scire etiam possunt ab Angelis, qui hic nobis præsto sunt, & animas nostras ad illos deferunt. Spiritu etiam reuelante cognoscere possunt, quæ hic aguntur quæ necessarium est eos cognoscere.* Non sufficit Molinæo negare Sanctos quicquam eorum quæ in terris fiunt, scire, sed eò progreditur, vt detorto loco D. Hier. asserat eos omnium eorum, quorum hic cognitionem adepti fuerant, obliuiscantur. At D. Hier. in Esaiam 65. apud Molin. in Scuto fidei par. 1. pag. 244. in contrarium statuit : *Licet, inquit, possit dici, quòd in cælo nquo, & in terra noua omnis conuersationis pristina memoria deleatur, ne*
hoc

hoc ipsum pars malorum sit, prioris angustiae recordari. Sed ibidem hoc habet: Obliviscuntur, inquit, pristina mala, non oblivione memoriae, sed bonorum successione, iuxta illud quod scriptum est: In die bona oblivio malorum.

De Memorijs SS. Martyrum extruendis, detegitur impostura

Caluinianorum.

Cap. XLVI.

Semper fuit in more Ecclesiae Catholicae sacras domos non solum Deo, sed etiam Sanctis edificare, & dedicare. Manifestum est id ex Concilijs & Veterum Testimonijs, ut videre est apud Illustrissimum Cardinalem Belarminum lib. 3. de cultu Sanctorum cap. 4. ubi citat Concilia Gangrense, Cabilonense, Carthaginense, & patres Cyrillum, Basilium, Nazianzenum, Nyssenum, Theodoretum, Ambrosium, Augustinum, & alios. Calviniani, ut simplicioribus fucum faciant aliqua dicunt de discrimine templi, & memoriae, postulantque Catholicos Idololatrie eò quod templa Sanctis edificent, & dedificent Amandus Polanus in
sua

sua symphonia Catholica adducit aduersus Catholicos locum D. Augustini de Ciuit. Dei lib. 22. c. 10. vbi sic ait: *Nos autem Martyribus nostris non templa sicut dijs, sed memorias sicut hominibus mortuis, quorum apud Deum viuunt spiritus, fabricamus.* Sed hoc testimonium nihil facit contra nos, neque fauet Calvinianis, qui non patiuntur vllas domos sacras erigi Martyribus. Augustinus namque eo loco significat templi erectionem esse cultum patriæ soli Deo debitum, vt videre est etiam lib. 1. contra Maximinum argum. 11. de Spiritu sancto, & libro contra sermonem Arrianorum cap. 20. & idem coniungit templum cum altari, & sacrificio lib. 8. de Ciuit. Dei capit. vlt. docens cui conuenit vnum eorum, & alia conuenire, & contra: & tamen in iisdem locis Augustinus fatetur, memorias rectè Martyribus ædificari, quæ etiam sunt ædes sacræ ædificatæ, & dedicatæ Sanctis. Calviniani autem, & in primis Polanus fallunt simpliciores, & aliò torquent verba S. Augustini, quasi velit dicere domos sacras tantum Deo dedicari, in quibus memorarentur etiam gesta Martyrum, vnde dicantur memoriæ Martyrum fieri. At D. Augustinus opponit inter se templa, & Memorias, tanquam duas species domuum sacrarum. Cum

H

itaque

itaque fabricatur domus eiusmodi ad cultum
 latriæ deferendum sine dubio nonnisi Deo po-
 test dedicari . Cum verò fabricatur creaturæ, vt
 Martyri respicit cultum duliæ, & ita rectissimè
 ponitur Martyribus, vt disertè affirmat Augu-
 stinus : *Nos, inquit, Martyribus nostris memo-
 rias, sicut hominibus mortuis, quorum apud
 Deum viuunt spiritus, fabricamus.* Memoriae
 autem huiusmodi Sacrae domus erant, in qui-
 bus asseruabantur reliquiae Martyrum in hono-
 rem, & memoriam Sanctorum Athletarum ex-
 tructum, vt etiam fatentur ex Nouatoribus Io-
 seph. Scalig. in l. de Emend. tempor. Kirknerus
 de funere, & Gaspar Barthius in suis Aduer-
 sarijs ferè sub initium. Quæ etiam passim basi-
 licæ vocantur in scriptis Sanctorum Patrum
 Latinorum. S. Ambros. lib. 1. ep. 5. ad Felicem
 Episcopum : *Ortus est sermo de basilica, quam
 condidit, Apostolorum nomine dedicanda.*
 Hieronym. l. contr. Vigilant. *Ingredere Basilicas
 Martyrum.* Augustinus lib. de Cura pro mor-
 tuis c. 1. *in beatissimi Felicis basilica poneretur.*
 Omitto alia loca. Græci autem Patres promif-
 cùè vocarunt templa domos sacras, siue in
 Dei, siue sanctorum honorem extructas. Sic Ba-
 silius in Psal. 114. vocat *ἱερόν τῶν μαρτύρων.* Ex
 quibus testimonijs SS. Patrum damnatur im-
 pietas

pietas Calvinianorum, qui basilicas SS. Martyrum euerfas cupiunt, aut omninò derelictas, non amplius à nominibus Sanctorum appellandas.

Discutiuntur duæ cautiones, quas ait Ritterschufius adhibendas in veneratione reliquiarum.

Cap. XLVII.

Conradus Ritterschufius postquam annotauit nonnulla ex SS. Patribus de veneratione reliquiarum addit in illa veneratione adhibendam duplicem cautionem: primo, *ut sciamus præcipuum honorem Martyrum non tam in contactu, ac veneratione reliquiarum ipsorum, quam in imitatione fidei, sanctitatisque consistere, teste ipso Isid. ep. 189. lib. 1. Secundo, Ne pro Sanctorum lipsanis habeamus quæ verè non sunt, sed fraudem atque imposturam hic diligenter caueamus. Exemplum memorabile vide in historia B. Martini apud Sulpitium Seuerum. hæc ibi Conradus. Vtraque cautio, si rectè intelligatur, admittenda est. Sed latet aliquid. quod hæresin huius temporis in con-*

temptu reliquiarum redolet . Ideo enim oppo-
 nit Ritterschufius cultum Sanctorum per con-
 tactum reliquiarum , & imitationem virtutum,
 hancque illi præfert , vt scilicet tacitè approbet
 hæreticorum huius temporis profanam nouita-
 tem,qua fit vt dum verbis profitentur se colere
 Sanctos regnantes in cœlo , imitando fidem ,
 reipsa explodant omnem religiosam pietatem ,
 qua olim cum essent adhuc in his terris colue-
 runt Deum viri sanctissimi , reliquiasque ipso-
 rum conculcent , abijciant , indignissimisque
 modis habeant . Quod itaque attinet ad pri-
 mam cautionem eam reijcimus sensu quidem
 nouatorum intellectam ; ex sententia verò Ca-
 tholica , quam explicat S.Isidorus in Epistola
 citata à Ritterschufio ambabus manibus am-
 plectimur . Sic verò scribit S.Isidor.ep.189.l.1.
*Pulchrum quidem est pietatis Martyres votiuis
 donis ornare , quemadmodum facis , pulchrius
 autem , ac præstantius fuerit , eos per ea quæ cum
 virtute ac laude gesserunt . Quamobrem quibus
 ornatum obtulisti , fac iisdem quoque mores offe-
 ras .* Monet S.Isidorus quemdam , qui quidem
 exornabat sepulchra Martyrum , sed interim
 impiè vivebat , vitijsque immerfus , putabat-
 que se egregiè functum suo munere si exorna-
 ret reliquias Martyrum , licet quam longissimè
 ab

ab ijs distarent mores . . . Quem etiam laudat ob honorem quo per dona votiua afficiebat Martyres, dum ait : *Pulchrum quidem est pietatis Martyres votiuis donis ornare* . Qua quidem sententia damnatur impietas hæreticorum huius temporis , qui venerationem reliquiarum nedum ignorant , & omittunt ipsi , sed etiam Catholicos religiosè honorâtes thecas illas SS. Martyrum irrident, damnantque idololatriæ, & superstitionis . Si verò pulchrum est à Ritterschusi pietatis Martyres votiuis donis ornare , cur Protestantes ex quorum numero & ipse es , eiusmodi dona sustulerunt , diripuerunt , abiecerunt , exusserunt ? Licet autem docente S. Isidoro sit pulchrum ornare votiuis donis SS. Martyres , pulchrius tamen est , eos per ea , quæ cum virtute ac laude gesserunt colere. Hoc nemo nostrum negat . Quis enim non videat satius esse ista coniungere , dum honoramus Sanctos, vt nimirum eis offeramus votiua dona , imitemur sanctis operibus , quam omisso posteriori , prius tantum illud adhibere ? Hoc namque fine extruimus memorias Martyribus , vt incitemur ex virtutum ipsorum consideratione, ad præclara pro gloria Dei certamina . Hæretici verò huius temporis vtrumque honoris genus omittunt , dum reliquias San-

etorum spernunt, & more suo ignoto veteribus Sanctis vitam instituunt. Si verò S. Isidorus meritò succenset illi, qui omiſſa ſanctitate vitæ ſolum honorabat Sanctos extruſione martyriorum, & oblatione donorum, quid diceret ſi videret Proteſtantes vtrumque tam profanè omittentes? Hæc lubuit annotare ad primam cautionem. Ad ſecundam quod attinet nos lubenter illam adhibemus propterea tam exactè in Eccleſia Catholica diſcutiuntur mores, vita, mors eorum, qui referendi veniūt in numerum Sanctorum, & Martyrum, & tam diligenter aſſervantur vetera monumenta, vt inde conſtet de veritate reliquiarum. Cautio verò iſta ſecunda apud Hereticos otioſa eſt, cum nullo habito diſcrimine nullas omninò recipiant reliquias.

An & quatenus aliquæ cœremoniæ
Christianorum aſſumptæ fuerint
ex moribus Gentilium.

Cap. XLVIII.

VT Religionem Catholicam plebi exoſam reddant Nouatores, frequentiffimè incul-

culcant omnes penè coëremonias , piosq. ritus, quibus ab antiquissimis temporibus , & ab ipso exordio utitur Ecclesia in colendo Deo , in celebratione in primis Sacramentorum , à Gentilium superstitionis sacris translata, ad rem Christianam . Gallus quidam integrum librum de hac re scripsit quem Ethnicum papatum impiè inscripsit . Hinc traducunt Romanam , & Catholicam pietatem tanquam centonem ex vanis rebus Ethnorum consutum . sed facile est eiusmodi calumniæ occurrere . Dicemus igitur præcipua , & primaria instituta Religionis Christianæ à Christo Domino initium sumpsisse , quæ autem secundaria sunt , & accedere solent in eorum celebratione sæpe accommodata fuisse habito delectu ad aliqua , quæ moribus gentium , quæ nondum Christum agnouerant , obtinebant . Rem exemplo illustrabo . Quod Sancti cum Christo regnantes in cœlo debeant honore religioso coli , & sacra solemnitare , & vacatione certis diebus ab operibus servilibus , extructis etiam templis in eorum memoriam , hoc à Christo Domino absque dubio traditum fuit Apostolis , & vicissim ab his transmissum ad successores . Quod verò templum quod vocamus Pantheon dedicatum cultui impuro omnium Deorum, fuerit expurgatum , & constitu-

tum honorandę memorię omnium Sanctorum,
 per quos nomen Christianum celebratum fuit,
 hoc factum est prudentia sacra, non vana su-
 perstitutione, vt criminantur heretici. Eiusmodi
 verò prudentiam antiquissimorum Antistitum
 Christianę Ecclesię velit nolit, laudat ipse Ca-
 saubonus, & commendat exemplo S. Pauli.
 Cęterum de toto argumento pię, & eruditę dif-
 feruit aduersus hereticorum profana cauilla.
 Illustrissimus Cardinalis Baronius, cuius verba
 hic non possum non adscribere; sic itaque ille
 tom. 1. ad annum Christi 58. *Cęterum*, inquit,
quis prohibet profana per verbum Dei sanctifi-
cata in sacrum transferri vsum? Nonne constat
ex Aegyptiorum auro, & argento Dei iussu sacra
vasa ad diuinum Dei cultum esse conflatata? Mul-
ta quidem ex superstitione Gentilitia in Christia-
nam Religionem laudabiliter esse translata plu-
ribus exemplis superius, Patrumq. autoritate
sunt demonstrata. Sed quoad lampades, ac ce-
reos, de quibus est sermo spectare videtur, quis
iure calumniatur, si quę olim Idolis (vt ait Hie-
ronymus) eodem modo Martyribus offerantur?
Si quę etiam diebus Sabbathi lucernę accende-
rentur in templis, non quòd (vt inquit Seneca)
dij egerent lumine, sed pietatis ergo, eadem in
Dei Genitricis honorem fuerint permutati? Quid
inquam,

inquam mirum, si inolitas apud Gentiles consuetudines, à quibus eos, quamvis Christiani effecti essent, penitus posse diuelli impossibile videretur, eosdem in veri Dei cultum transferre sanctissimi Episcopi concesserunt. Mirificum illum Gregorium Thaumaturgum id præstitisse, Gregorius Nyſenus testatur, idque alios factitasse, & communi Ecclesie usu receptum fuisse Theodoretus affirmat. Huculque Baronius.

Baptismus instrumentum est diuinæ gratiæ, non tantum signum. Cap. I L.

Z Vingliani, & Calvinistę vix honorificentius sentiunt, & loquuntur de vi Baptismi, quàm faciant stolidissimi Anabaptistę, qui Baptismum definiunt esse vicem tessere militum Christi, signumque, quo dignoscantur Christiani à Gentilibus, Hebręis, Mahumeranisq; negant per eum conferri remissionem peccatorum, disertèque non pauci Calviniani pronuntiant esse tantum signum diuinę gratię, remissionis q. peccatorum. Scio Calvinianos aliter etiam, & magis honorificè de sacramento isto loqui, sed exposui in quam sententiam potissimum

mun propendeant. Longè autem alia tradiderunt nobis veteres SS. Patres de efficacia tanti Sacramenti, vt etiam annotant ipsi Nouatores. Conrad. Ritterschufius p. 1. cap. 34. num. 3. in Nouell. Iustiniani : *Premitto, inquit, laudes Baptismi ex Optato libro 5. p. 236. & seqq. Quis scdelium nesciat singulare Baptisma virtutum esse vitam, criminum mortem, natiuitatem immortalem, cœlestis regni comparationem, innocentiae portum, peccatorum naufragium. Ecce quod Optato est virtutum vita, criminum mors, natiuitas immortalis, &c. id Calvinistis est signum tantum diuinæ gratiæ. Paræus de iustific. aduersus Illustriss. Cardinalem Bellarminum non inficiatur dixisse S. Augustinum in Baptismo omnia peccata remitti. M. Antonius de Dominis lib. 2. cap. 4. de Republ. Ecclesiast. num. 40. Refertur à Sozomeno cuiusdam Martyrij dictum ad Nectarium. Tu, inquit, ò beate baptizatus recens, & purificatus, & mox insuper sacerdotio auctus es, vtraque autem peccatorum expiatoria esse Deus constituit. Martyrius, inquit, Spalatensis, peccatorum expiatorium facit Baptismum. Quod facit per modum sacramenti, & est proximus, & proprius ipsius effectus.*

Refu-

Refutantur Calviniani, qui negant baptizari infantes, vt in ipsis deleatur peccatum originale. Cap. L.

Pelagius ne omnino videretur tollere sacramentum baptismatis, concedebat infantes baptizandos esse, negabat tamen in eum finem baptizandos esse, vt remissionem peccati originalis consequerentur. Eiusmodi nãq; peccatorum non admittebat esse. Calviniani partim sentiunt cum Pelagio, partim ab eo dissentiunt. Et quidem dissentiunt, dum docent infantes concipi in peccato originali: cum Pelagio sentiunt, dum aiunt non esse necessarium baptismum infantibus vt æternam salutem consequantur. Bezae verba sunt in Coll. Mompelg. p. 434. *Salutem nostram hætenus à baptismo suspendimus, vt nec ipsius salutis fundamentum ab ea inchoemus, neque eius carentia, sed contemptu hominis à salute excludi arbitremur.* Cæterum Ecclesia Catholica semper cõtra Pelagianos, & Calvinianos sedit. Iustellus ad p. 190. Cod. Canonum Ecclesiæ Africanæ, vbi referuntur octo Canones statuti in Cõcilio Carthaginensi contra

tra Pelagianos, notat his verbis: *Oſto Canones qui ſequuntur contra Pelagianos in Concilio Carthaginenſi ſub anathemate ſtatutos teſtatur etiã Epitome Canonum ab Hadriano P. E. Carolo M. Imp. data ann. 773. tom. 3. Concil. Secundus autem inter illos ita habet: Itẽ placuit, ut quicunque paruulos recentes ab uteris matrum baptizandos negat, aut dicit in remiſſionem quidem peccatorum eos baptizari, ſed nihil ex Adam trahere originalis peccati, quod lauacro regenerationis expietur, unde ſit conſequens, ut in eis forma baptiſmatis in remiſſionem peccatorum, non vera, ſed falſa intelligatur, anathema ſit: quoniam non aliter intelligendum eſt, quod ait Apoſtolus, per unum hominem peccatum intrauit in mundum, & per peccatum mors, & ita in omnes homines pertransijt, in quo omnes peccauerunt: niſi quemadmodum Eccleſia Catholica ubique diſfuſa ſẽper intellexit: propter hanc enim regulam fidei, etiam paruuli, qui nihil peccatorum in ſeipſis adhuc committere potuerunt, ideo in peccatorum remiſſionem veraciter baptizantur: ut in eis regeneratione mundetur, quod generatione traxerant. Iã ſuprà adductus Iuſtellus ad idem Concil. Carthaginenſe notat ex cap. 52. biblioth. Photij: Synodus aduerſus Pelagium, & Cœleſtinum Carthagine in magna Eccleſia*

*clesia Fauſti habita Honorij Occidentis imperij
clauum tenente , præſedit in ea Aurelius Episco-
pus , & Donatianus Teleptenſis primæ Sedis By-
zacenæ prouinciæ : Quibus adfuerunt varijs è
prouincijs ſacerdotio præſtantes viri numero
CCXXV. damnat hæc Synodus anathemate eos ,
qui aſſererent Adamum mortalẽ eſſe editum, non
autem præuaricationis cauſa, morte mulctatum,
Similiter & eos, qui recens natos infantes mini-
mè indigere Baptiſmo dicerent. Videmus hic ex-
plodi, & tanquam hæreticam damnari ſenten-
tiam eorum, qui aiunt infantes minimè indige-
re baptiſmo, vt faciunt Caluiniani. Nam quod
Pelagiani negarent neceſſitatem baptiſmi ex
eo, quod non admitterent peccatum originale,
Caluiniani verò quia putant infantes licet con-
ceptos in peccato originali , ſanctificari in vte-
ris matrum antequam naſcantur; hoc non tollit
quò minus tam hi , quàm illi reiſciantur tam-
quam hæretici à Synodo Africana . Con-
ueniunt namque in neganda ne-
ceſſitate baptiſmi ad deletio-
nem peccati origi-
nalis .*

Cur recens baptizati induerentur
vestibus candidis.

Cap. LI.

N^{ΕΟΦΩΤΙΣΟΙ} recens illuminati dicebantur in
veteri Ecclesia illi, qui recens suscepe-
rant baptismum, & Euangelio gloriæ Christi
illustrati fuerant. Frequentissimum erat vocare
baptismum φωτισμόν illuminationem. Ad He-
bræos sexto scribit S. Paulus, impossibile esse
eum, qui semel illuminatus fuerit, si exciderit,
posse denuò renouari. Id plerique interpretes
explicant de Baptismo, qui iterari, & secun-
dum suscipi non potest. Quia autem in baptis-
mo homo illuminabatur, vnde νεοφώτισοι voca-
batur, vt alibi docui ex verbis Fr. Iunij Calui-
nistæ, ideò ad eiusmodi illuminationem, & il-
lustrationem significandam duo in primis ad-
hibebantur in administratione tanti sacramen-
ti. Primum quidem accendebantur luminaria.
Deinde recens baptizati induebantur candidis
vestimentis. Id etiam erat signum lucis per Ba-
ptismum acceptæ. S. Dionysius Arcopagita
meminit eiusmodi vestium, eas appellant com-
posito nomine φωτεινός, & λαμπρύνεσθαι. Iobius
apud Photium λαμπροφροεῖν, licet possit accipi de
lumi-

luminaribus. Istud namque λαμπροφειν frequentissimum est apud Scriptores Græcos, dum res Ecclesiasticas describunt. ἱδὴτα λαμπρά interpres apud S. Lucam vertunt, splendidam vestem id propriè græca vox significat: magis tamen ex usu latinè loquentium dixissent candidam. M. Tullius fascias Pompeij cretatas appellat, quas vult intelligi λαμπράς à fullone candentes. Vetus interpres dixit albam, bene. Etsi namque propriè aliud λευκόν, aliud λαμπρόν, sæpe tamen eæ voces de eodem usurpantur. hæc annotat Casaubonus in suis exercitationibus, quæ adscripsi aduersus ipsius socios, qui pios ritus in Baptismi administratione à Catholicis adhiberi solitos irridere solent. Cæterum ad rem ipsam quod attinet, & hodie Romæ in usu sunt vestes candidæ in Baptismo. Quotannis namq; nulli ex Synagoga Hebræorum amplectuntur fidem Catholicam. Eos summus Pontifex, aut alij principes Ecclesiastici, aut etiam sæculares suscipiunt magna humanitate, & fouent liberaliter, induunt verò sericis vestibus candidis, quas aliquandiu gestant ad significandam lætitiā illam, quam perciperunt ex susceptione Baptismi, & lumen, quod per verbum suum, & sacramentum Baptismi in ipsis accendit Deus.

Ex-

Explicantur verba Chrysoſtomi de ſacrificio Miſſæ.

Cap. LII.

SI Miſſæ ſacrificium (inquiunt hæretici) poſſet homini peccatori propitiare Deū, iā ceſſaſſet offerri, propterea quod homo ſemel à peccato mundatus nullā amplius haberet conſcientiā peccati, non ceſſat autē auferri, ergo non poteſt Deum homini propitiare. Reſpondeo hanc obiectionem ſibi facere omnes Commentatores orthodoxos, Chryſoſtomum, Theophylaſtum, Oecumenium, & eum qui gerit titulum Ambroſij, ac cæteros Latinos, qui hos ſecuti ſunt: qua ex re intelligere licet neque nouum, neque improuiſum eſſe hoc hæreticorum argumentum, ſed ex Catholicis aſſumptum tanquam illuſtre antiquitatis teſtimonium, vel hoc ipſo refellens hæreſin. Caſaubonus in Epiſtola ad Cardinalem Perronium, vt impugnet ſacrificium Miſſæ adducit verba Chryſoſtomi, in quibus continetur hæc obiectio, cui ipſe Magnus interpres ſatisfacit. Conatur probare Caſaubonus ex verbis Chryſoſtomi in Nouo Teſtamento in peratione Sacramenti Corporis & ſanguinis Domini, ſacrificium non eſſe propriè dictum, neq;
offerri

offerri aliquid Deo, sed tantum fieri commemor-
 rationem sacrificij à Christo oblato in ara cru-
 cis. Vrget enim particulam aduersatiuam *ἀλλὰ*
sed, in verbis Chrysostomi Casaubonus. Offer-
 rimus quidem *προσφέρομεν μὲν*, ecce primum ait
 nos offerre, id est peragere sacrificium, sed cor-
 rigit seipsum statim, dum subdit: *ἀλλὰ ἀνάμνησιν*
ποιέμεθα, sed memoriam mortis eius reuocamus
 in memoriam. Supponit verò Casaubonus tan-
 quam verum, quod tamen falsissimum est, com-
 memoratiuum sacrificium non esse sacrificium
 propriè dictum. Quasi verò hæc simul non pos-
 sint concurrere in eadem actione, vt nimirum
 simul aliquid tamquam hostia in honorem Dei
 offeratur, & simul celebretur, & in memoriam
 hominum reuocetur actio aliqua præterita. .
 Certè sacrificium erat illud, quo offerebatur, &
 mactabatur agnus Paschalis, at illa mactatione
 solemniter replebatur memoria beneficij ma-
 ximi accepti à Deo, liberationis nempe è subie-
 ctione Aegyptiaca. Diuus igitur Chrysostomus
 ait primum & quærit: Quid verò non ne quo-
 tidie offerimus? vbi vides eum loqui de pro-
 pria oblatione. Soluere enim vult difficilem
 quæstionem, qua quis scire cuperet, quomodo
 quotidie sacrificium corporis & sanguinis Do-
 mini peragatur, cum semel à Christo scribente

S. Paulo, oblatum fuerit in cruce. Respondet igitur quærenti quomodo offerimus quotidie, & dicit offerimus; quasi dicat habemus nos, & quotidie peragimus sacrificium, & hostiam proponimus in honorem Dei. Vt verò indicet differentiam sacrificij in cruce peracti, & illius, quod quotidie in Ecclesia à Sacerdotibus peragitur, sed peragimus memoriã inquit. Quo nō corrigit seipsum, non negat quod dixerat, sed extendit, & explicat id quod peculiare est in hoc sacrificio, vt nimirum verum cum sit, non minus quàm illud Christi in Cruce, in eo reuocetur in memoriã mors Christi. Præstat verò audire ipsa diuini, & eloquentissimi Interpretis verba orat. 17. in epist. ad Hebræos: *Quid verò vel non quotidie offerimus? offerimus quidem, sed eius mortem reuocamus in memoriã, & ipsa vna est non multæ. Quomodo vna est non multæ? quoniam semel fuit oblata: illa illata fuit in Sancta Sanctorum. Hoc figura est illius, & ipsa illius. Eundem enim semper offerimus, non nunc quidem aliũ, sed semper eundem. Quamobrem vnum est sacrificium propter hanc rationem. Quoniam multis in locis offertur, multi ne sunt Christi? Nequaquam sed vnus vbiq; Christus: qui & hic est plenus, & illic plenus, vnum corpus. Quomodo ergo multis in la-*

cis

cis oblatum unum est corpus, & non multa corpora; ita etiam unum est sacrificium. Pontifex noster ille est, qui illam obtulit hostiam, quæ nos mundat: illam nunc quoque offerimus, quæ tunc fuit oblata, quæ non potest consumi. Hoc fit in recordationem eius quod tunc factum est. Hoc enim facite, inquit, in mei recordationem. Non aliam hostiam sicut Pontifex, sed eandem semper facimus, vel potius hostiæ, seu sacrificij facimus recordationem. Græcè conclusio ita habet: μάλλον δὲ ἀνάμνησιν ἐργαζόμεθα θυσίας. Aduersatiuam particulam μάλλον addidit, ne quis audiens nos eandem, sicut Pontificem, Christum nempe offerre hostiam, existimaret nos eodem etiam modo sacrificare, cruento nimirum, quod tamen secus fieri sensus ipse animaduertit. Quare addit: Magis autem, &c. Quasi diceret: Ne quis existimet ex eo quod dixi vnā & eandem esse hostiam tam in sacrificio oblato à Christo in ara Crucis, quam in illo, quod adhuc Ecclesia offert per vniuersum orbem, existimet inquam nos eadem ratione sacrificare, qua Christus seipsum obtulit moriens. Iam enim veram quidem hostiam, corpus scilicet Christi offerimus, sed ita vt non amplius corpus illud occidatur, sanguis à venis separetur, anima corpus relinquat. Eadem namque manente


substantia hostiæ sacrificio hoc corporis & sanguinis Domini non moritur amplius Christus, sed viuente ipso, & gloriosè regnante peragitur memoria mortis ipsius. Hic sensus est D. Chrysostomi, qui facile à quolibet colligi potest ex verbis iam adductis.

Sacrificium Missæ esse propitiatorium. Cap. LIII.

CVM sacrificiorum alia sint Eucharistica, quibus scilicet Deo aguntur gratiæ pro acceptis beneficijs, alia propitiatoria, quæ offeruntur Deo, vt is nobis ob peccata infensus denuo propitius fiat, & reconcilietur; Nouatores hostes SS. Sacrificij Missæ, & negant esse Sacrificium propriè sic dictum, & præfractè contendunt totam illam actionem S. Eucharistiæ vtcunque & abusiue posse vocari sacrificium, quia scilicet in eo fit commemoratio mortis Christi, & gratiæ pro eiusmodi beneficio redemptionis peraguntur Deo. Quæ quidem repugnant sacræ Christianæ Antiquitati, de qua ipsi Aduersarij Romanæ Ecclesiæ testantur. Ieremias Patriarcha Constantinop. cap. 13. Censuræ suæ ad Confessionem Augustanam, cum

Luthe-

Lutherani dixissent *usum* diuinorum mysterio-
rum, non solum eò comparatum esse, ut sint sym-
bola & characteres, atque notæ, quibus populus
Christianus, ab his qui foris sunt, distinguantur,
sed multò etiam magis, ut signa sint, & testimo-
nia amoris, & beneuolentiæ erga nos diuinæ; sic
scribit ad hæc: Christus sacram Hierarchiam
nobis reliquit, si igitur, inquit, magnus ille in-
diuinis Dionysius ipsorum Sanctorum preces, vel
in hac etiam vita fidelibus iuuandis efficaces
sunt, quanto longè maiorem ipsa sacra mysteria,
sacraque sacrificia nobis adferunt utilitatem, &
Quanta enim ex omni sacrificio promanet utili-
tas, quantumque tremenda hæc arcana, atque
sacrificia ad placandum Deum valeant, &c.
Deus ab initio mundi demonstrauit, Noe ut pla-
catum redderet Deum (vnde pulchrè magnus ih-
eam rem explicat Cyrillus) ubi pri-
mum de arca egressus est, sacri-
ficiu obtulit
Deo.



Cœremoniæ antiquissimæ adhiberi solitæ in Episcoporum ordinatione. Cap. LIV.

IN modo conferendi aliquibus Ministerium admodum variant hæretici. Aliubi solo iussu secularis Magistratus, Theologiæ Calvinianæ studiosus aliquis adit parœciam, incipitque more recepto concionari, sicque Minister fit nullo prævio examine, nulla ordinatione, nulla cœremonia præeunte; aliubi Candidati eiusmodi Ministerij Calviniani examinantur ab alijs Ministris, & accipiunt facultatem concionandi, cœteraque peragendi per manus impositionem. Alij aliter se gerunt in eiusmodi deputatione, quod superuacaneum iudico enarrare. Hoc sufficiat dixisse Nouatores plerosque omnes ritus in Episcoporum, Presbyterorum, aliorumque Ecclesiasticorum ordinatione ab antiquissimis temporibus adhiberi solitas aboleuisse. Quod certè, molestè etiam tulit hostis alioqui infensissimus Romanæ Ecclesiæ M. Antonius de Dominis, etsi enim cum cuderet libros de Republica Ecclesiastica cogitaret aliquando transire ad hostes, inter quos ne vestigium quidem superest consecrationis & ordi-

ordinationis Ecclesiasticæ, non potuit tamen non enumerare eiusmodi sacrum apparatus Ecclesiasticarum ordinationum. vbi obiter notes velim prodigiosam hominis dementiam? eo namque ipso tempore, quo apostasiam meditabatur, & aduersus Catholicos bellum, adque Nouatores omnium piarum cœremoniarum expertes, antiquarumque destructores transitum, illo ipso inquam tempore, aduersus seipsum corde hæreticum, & contemptorem antiquitatis disputabat. Dicit aliquis scribebat ista de antiquis ritibus, vt aliquando transiens ad hostes Ecclesiæ Romanæ persuaderet ipsis, vt reuocarent in vsum abolitos illos mores, in alijs verò plurimis decertarent contra Catholicos. Respondeo, potest fieri, vt id animi tunc haberet, sed hoc ipsum erat hominis nimium confidentis sibi, quasi futurus esset tantæ apud hæreticos, homines & ipsos superbissimos, authoritatis, vt rationibus istis moti restituerent abolitos mores. Quicquid verò de hac re sit, audiamus iam ipsum M. Antonium loquentem: *Hanc*, inquit lib. 2. cap. 2. num. 52. & seqq. *Episcoporum deputationem ab Apostolis primum, deinde & à successione ipsorum perpetuis temporibus in Ecclesia per consecrationem, & cœremonias externas, præsertim*

manuum impositionem fieri solitam facile est ostendere. Canone 1. Apostolorum Episcopus à duobus: aut tribus Episcopis ordinetur. Idem habent Constitutiones Apostolicæ Clementis, quæ cum sint valdè antiquæ antiquos profectò ritus Ecclesiæ continebunt. Ad sunt ibi cæremonie de Euangelij super caput ordinati imponendis, & aliæ. addit actionem capitis Anacletus, quæ est antiquissima. Nam & Basilius Magnus à Gregorio Nazianzeno seniore in Episcopum Cæsariensem unctione sacra etiam adhibita est ordinatus, de qua sic Nazianzeni filius: Nam ad eum ungendum viros pietate claras, ac zela flagrantes ab exteris regionibus excitavit &c. à manuum impositione, & unctione; addo etiam & ab illius qui ungebatur capite roboratus. Et de sua consecratione orat. 5. Me Pontificem ungi dignum, &c. Arcopagita quoque Dionysio tributum opusculum unctionem ponit expressè, qui & alias cæremonias recenset. Sic Pontifex quidem qui ad perfectionem, virtutemque Pontifice dignam euehitur utroque genu flexo ante altare, supra caput habet libros à Deo traditos, manumque Pontificis. Concilia antiqua plena sunt decretis circa Episcoporum consecrationem etiam cum cæremonijs, & ritibus externis. Carthaginense magnæ in Ecclesia authoritatis, & cui Augusti-

gustinus interfuit quartum, canone 2. Episcopus cum ordinatur duo Episcopi ponant, & teneant Euangeliorum codicem super caput, & cervicem eius, & uno super eum fundente benedictionem, reliqui omnes, qui adsunt Episcopi, manibus suis caput eius tangant, omitto, inquit Spalatensis, innumerabilia testimonia antiquitatis de Episcoporum consecratione, & ordinatione num. 54: concludit his verbis: Indubitatum itaque maneat, & manuum impositionem, & alias sacras cœremonias de Apostolis, & Apostolicis viris ab ipso nascentis Ecclesie exordio in deputatione Episcoporum fuisse adhibitas, & à nobis Ecclesie sanctæ consuetudine esse adhibendas. Reprehendit deinde M. Antonius Calvinum his verbis: Miror, inquit, Calvinum dixisse præter manuum impositionem, nihil præterea cœremoniarum adhibitum se legere.

Alias enim legi, & inueniri in usu antiquissimas cœremonias iam ostendi.

Hactenus Spalatensis.

Sacra

Sacra ordinatio proprij nominis
Sacramentum est.

Cap. L V.

Sacrum ordinem, quo Episcopi presbyteri &c. initiantur, è numero Sacramentorum excludunt hæretici, nuperque adeò prolixè Nouatorum errorem, hæresimq. grauissimam, conatus est adstruere M. Antonius de Dominis lib. 2. cap. 4. de Republ. Eccles. Adducit, detorquetque plurima Sanctorum Patrum testimonia, vt fucum faciat imperitis. Homines verò vanitatem sufficiet hic detegere pro nostri instituti ratione aliorum Nouatorum testimonio. Calvinus licet plerisque locis duo tantū agnoscat sacramenta, Baptismum scilicet, & Cœnam, tamen & Scripturæ, & Sanctorum Patrum testimonijs manus dare coactus, sacram ordinationem in sacramentorum numero reponit, ac priorem de duobus sacramentis doctrinam excusat. Quod illis locis sacramenta tantummodo spectasset, ac tradidisset, quæ omnibus fidelibus essent communia. vide l. 4. Inst. cap. 14. §. 20. & cap. 19. §. 31. Casaubonus etiam fateatur ingenuè sacrum ordinem ab antiqua Ecclesia inter sacramenta relatum. Sic autem scribit

p. 562. exercitat. aduersus Baronium : Ordinationem Episcoporum, & Presbyterorum inter sacramenta vetus Ecclesia posuit, propter impositionem manuum, & Spiritus sancti inuocationem, & acceptionem; quare huius etiam formulas clam habuit, & solis fidelibus notas esse voluit, citatq. Chrysost. hom. 18. Qui in sacrum ordinem coaptaturus est aliquem, fidelium preces illo tempore exigit; atque illi assensu suo quaeruntur comprobant, & acclamant illa, quae nota habent initiati: Nam apud eos, qui initiati non sunt, omnia retegere fas non est. Dionys. sub finem Hierarch. Eccles. Inuocationes, inquit, quae fiunt in ordinationibus, Scriptura explicare nefas; neque vim mysticam, quae illis inest; neque etiam fas est ex occulto in communem lucem proferre virtutes, quas Deus per illas operatur. ibid. Exposuimus τὰς τελεσικὰς ἐπιμυσίας, id est, inuocationes, quae fiunt in ordinationibus; poteramus accipere generalius de precibus, quae in omnibus initiationibus, & omnibus Sacramentis fiunt; sed Maximum, & Pachymerem interpretes secuti sumus, qui restringunt generalem vocem ad ordinationes, & interpretantur, τὰς ἐπὶ τῇ χειροτονίᾳ εὐχὰς. Præter illa, quae ad Sacramenta pertinebant, fuerunt & alia, quorum cognitio non initiatis non patebat.

Hæ-

Hæretici huius temporis non habent legitimam vocationem.

Cap. LVI.

Scripsit Antonius Sadeel Calvinista librum de vocatione Ministrorum, in quo dolet multos esse, qui approbent dogmata Caluini, qui tamen nolint obedire Ministris, negentque penes eos esse Ecclesiam, cum Ministri nullam habeant legitimam vocationem, nullam auctoritatem quicquam agendi in Ecclesia. Et sanè inextricabilis est error, quo circumducuntur Calvinistæ, dum conātur adstruere vocationem suam, quæ nisi legitima sit, totū opus, quod susceperunt aduersus Ecclesiam Romanam vanissimum est. Dicimus igitur Calvinistas destitui vera Ecclesia, cum non habeant Episcopos, aliosq. ab Ecclesia legitimè vocatos. Cui namq. successit Lutherus, cui Calvinus, cui ceteri? Quomodo etiam Lutherus cum esset solum presbyter potuit presbyteros constituere? Inauditum certè hætenus in Ecclesia presbyteros à presbytero constitui; proprium enim est Episcoporum presbyteros ordinare. Confugiunt miserabiles Nouatores ad nescio quem Apostolatū quem Deus in extremo sæculorum constituerit

tuerit in Luthero. Sed nihil profectò proficiunt, quin magis ac magis dementiam suam manifestam reddunt. Quibus omiſſis alijs ſufficiat respondere verbis Marci Antonij de Dominis Spalatensis, quę nituntur authoritate Veterum Doctorum Ecclesię; sic itaque ille lib. 2. cap. 2. num. 52. docet Cyprianus Nouatianum, ipsiusq. sectam esse penitus extra Ecclesiam, primum quia in sua ordinatione successionem non habet ab Apostolis, cum non sit ordinatus ab ijs, qui Apostolis succedentes potestatem etiam habeant ministros alios ordinandi. Optatus tractat egregie hoc argumentum, & ex defectu Cathedrę Donatistas ab Ecclesia excludit, quia nimirum Cathedram, hoc est, potestatem Ecclesiasticam per legitimas successiones ab Apostolis traditam Episcopis, neque acceperant, neque habebant. Verba ex S. Cypriano citat ibidem epist. 6. Nouatianus, inquit, in Ecclesia non est, nec Episcopus computari potest, qui Euangelica, & Apostolica traditione contempta, nemini succedens à seipſo ordinatus est. Habere namque, aut tenere Ecclesiam nullo modo potest, qui ordinatus in Ecclesia non est.

De more benedicendi aquam, eaq.
aspergendi seipsum, quàm
sit antiquus.

Cap. L V 1 1.

I Oh. Calvinus l. 4. Inst. cap. 10. §. 20. ait lustralis aquę institutionem nullo modo à spiritu proficisci potuisse, quandoquidem nihil aliud sit, quàm Baptismi profanatio, & quasi repetitio, & cap. 15. §. 19. incantationem eam vocat. Antiquam verò esse Centuriatores affirmant, dum eam adscribunt Alexandro primo centur. 2. cap. 2. fol. 121. Marc. Ant. de Dominis de Constitutionibus Apostolicis Clementis loquens ait esse antiquas, adeoque antiquos continere ritus. In illis verò lib. 7. cap. 44. ita legitur: *Postea venit ad aquam, & benedicit, & laudat Deum omnipotentem, patrem unigeniti Dei, &c. & nunc deprecetur sacerdos, &c.* Dicent fortè in hoc loco benedicti aquam in usum Baptismi, quod nō impugnēt ipsi: legant igitur alium locum lib. 8. cap. 29. *Si Episcopus non aderit, benedicat presbyter presente diacono: Dicat autem in hunc modum: Domine Sabaoth, Deus virtutum, qui dedisti aquam ad bibendum, & oleum*

oleum ad exhilarandum faciem in exultationem
 lætitiæ: ipse etiam nunc sanctifica per Christum
 hanc aquam, & oleum ex nomine eius, qui obtu-
 lit, & tribue ei vim sanandi, & depellendi mor-
 bum, fugandi dæmones, expellendi insidias per
 Christum spem nostram. S. Epiphanius ex trans-
 latione Cornarij hæretici heres. 30. sic scribit
 de Iosepho Christiano: Commotus vir & zelo
 domini correptus, extra urbem currit, & ubi
 aquã in vase afferri iussisset, accepto vase aquæ,
 coram omnibus magna voce crucis signaculum
 proprio suo digito vasi imposuit, & inuocato no-
 mine Iesu sic dixit: In nomine Iesu Nazareni,
 quem crucifixerunt patres mei, & omnium ho-
 rum circumstantium fiat virtus in hac aqua ad
 reprobationem omnis incantationis, & magiæ,
 quam hi fecerunt, & ad efficaciam potentie
 ignis ad perficiendam domum domini: & sic ac-
 cepit aquam in manum, & de aqua singulos for-
 naces insperfit. & dissoluta sunt incantamenta,
 & ignis coram omnibus emerfit. Turba verò quæ
 erant præsentibus clamore edito: Vnus Deus, qui
 Christianis auxiliatur, secesserunt.

Sit sanè, inquit aduersarij, vetustus mos
 benedicendi aquam, illaq. aspergendi seipsum,
 aliaque, superstitiosus tamen est. Respondeo. vt
 probemus morem eum laudabilem esse, pium,

atque

atque vtilem sufficit nobis probare apud Veteres Christianos in usu fuisse. Nemo enim nisi à pietate alienus, & rerum sacrarum imperitus audebit veterem Ecclesiâ superstitionis insimulare. Cùm Angli audiunt sibi à Geneuensibus exprobrari quod retineant crucis consignationem, cantum Ecclesiasticum, vestes clericales, aliaque, quæ appellantur Papismi Reliquiæ à Puritanis, nihil aliud potissimum respondent, quàm illud. *Vetusta sunt*. Idem nos facimus cum Caluinistæ damnant aquam lustralem. Iterum dicent, hac ratione quæ à vetustate desumitur Gentiles solitos sua defendere aduersus Christianos, impugnasseq. Religionem nostram eò quod esset noua. Respondeo. Rerum Christianarum bonum fuit initium à Deo, à Dei viris per miracula euidentia, illaque fuerunt semper conseruata absque errore in Ecclesia Catholica. meritò igitur reiicimus nouorum hominum figmenta, quia aduersantur ijs, quæ tot abhinc sæculis fuerunt à Deo instituta summa, cum ratione. Itaque non probamus nostra à simplici & nuda vetustate, sed ab ea, quæ cum summa rectitudine coniuncta est, diuina nempe: immeritò verò Gentiles iactabant antiquitatem, cum anilis ipsorum superstitio pessimum habuisset initium, à dæmonibus, ab impostoribus,

ribus, à fabularum conditoribus, à leuibus Poetis, quod dici de dogmatibus, moribusque Ecclesiæ, nonnisi cum summa impudentia, maximaque impietate potest.

Sine gratia Christi neminem salutem posse consequi.

Cap. LVIII.

HVldricus Zuinglius sensit, & scripsit etiã Gentiles vt Herculem Thescum, Numam Pompilium salutem æternam consecutos, cum Christo in cœlis degere. Paradoxum hoc ausus est paucis ab hinc annis in Batauia repone, & denuò defendere Adolphus Venator minister Alcmarianus in sua declaratione, vbi ad asserendam suam sententiam adducit testimonium Zuinglij, necnon Erasmi Roterodami. Repugnat hoc paradoxum Sanctis Patribus veteribus, vt fatetur Casaubonus exercit. 1. nu. 1. ad apparatus Annalium Baronij p. 1. *Verissimum est, inquit, quod initio Apparatus sui scribit Illustrissimus Cardinalis Cæsar Baronius, ex omnibus mortalibus, qui inde ab exordio mundi fuerunt, neminem æternam salutem esse consecutum, nisi à Christo, & per Christum;* ad hoc

K con-

confirmandum adducit testimonia S. Augustini p. 3. *Credendum sanè, inquit Casaub. etiam ante natum è B. Virgine Dominum, alios quoque salutis factos esse participes, paucos qui vel apparent in scripturis, vel in genere humano latent, ut ait B. Augustinus in epistola 99. ad Euodium Episcopum, sed illud quoque simul credendum, neminem ulla unquam etate ad spiritualem Ierusalem pertinuisse, nisi cui diuinitus reuelatus fuerit vnus Mediator Dei & hominum, homo Iesus Christus, qui venturus in carne, sic antiquis Sanctis prænuntiabatur, quemadmodum nobis venisse nuntiatus est, ait idem Augustinus de Ciuit. Dei lib. 8. cap. 47. & in epist. 28. ad Hieronymum verba illius sunt: Certus sum non esse animam ullam in genere humano, cui non sit necessarius ad liberationem mediator Dei & hominum homo Iesus Christus. Quia verò Nouatores quidam ad paradoxum Zuinglij tuendum abutuntur nonnullis locis D. Chrysostomi, cum summa iniuria illi affingentes tam absurdam sententiam; S. Doctoris verba vindicat Casaubonus. At qui, inquit, Chrysostomus cum ita loquebatur (quando scilicet aiebat ante aduentum Christi etiam sine confessione Christi potuisse aliquem seruari) loquebatur de clara & perspicua, atque, ut Scholastici loquuntur*
expli-

*explicita Christi notitia , non de obscura ,
 anigmatica , & figuris inuoluta , probatque
 ex alijs locis viri sanctissimi hanc fuisse ipsius
 mentem : deprauant nempe aduersarij nonnul-
 la loca sanctorum Patrum , quodque illi dixe-
 runt non necessariam fuisse explicitam notitiam
 Christi ad salutem eternam consequendam , hoc
 trahunt eò ac si dixissent non fuisse necessa-
 riam gratiam Christi ad eundem finem . Hæc
 enim valdè differunt . Gratia namque om-
 nibus , qui seruari volunt , necessaria est , & ne-
 cessaria fuit ijs , qui vixerunt ante aduentum
 Christi , at non item ijsdem necessaria fuit no-
 titia explicita Christi , vt constat ex plurimis
 locis eorundem sanctorum Patrum . Quod au-
 tem Herculem , Numam Pompilium in cœlo
 collocat Zuinglius refutatur , etiam ex eo , quod
 illi Idololatræ fuerunt , neque quicquam de
 ipsorum poenitentia constat . Itaq; D. Chrysost.
 ait , vt adducitur à Casaub. homil. 28. in Matth.
*Fruentur , inquit , omnibus vite eterne bonis ,
 etiam illi , qui Christum ante ipsius incarnatio-
 nem non norunt (explicitè nempe) sed ab
 Idololatria se abstinerunt ,*
 hæc Chrysosto-
 mus.*

Caluinistæ oppugnant libertatem
arbitrij, cum Manichæis.

Cap. LIX.

Contendebant Manichæi peccata nnn posse
se vlllo modo vitari; proficisci ea namque
ex mala mente. Duas in homine dicebant esse
mentes, vnam quam asseriebant esse malam,
& à malo principio, eam, quam nos vo-
camus concupiscentiam carnis. Alteram verò
aiebant esse bonam, quam nos appellamus ani-
mam rationalem; peccata, quę in homine
fiunt, à mala anima procedere, & ea non posse
per liberum arbitrium impediri. Borboritæ aie-
bant Deum quosdam selectos creare, ita sibi
acceptos, vt licet omnis generis peccatorum
sordibus inuoluerentur, nunquam tamen exci-
derent gratia, quinimò diuina beneuolentia
semper eos amplecti in quocunque statu
peccatorum. Conabantur suum paradoxum
explicare similitudine quadam sumpta ab au-
rò. Aurum enim, aiebant, idem semper est,
eodem colore præditum, eiusdem valoris, &
pręstantię, siue in capsula aliqua munda asser-
uetur, siue cœno, & luto inuoluatur. Eodem
modo se habere paucos illos selectos à Deo. A
præ-

prædicta autem similitudine de cœno inuoluen-
te aurum vocati sunt Borboritę , *βόρβορος* nan-
que cœnum est . Profectò si verum fateri vo-
lunt Calvinistę , non negent necesse est se senti-
re cum Manichęis , & Borboritis , dum docent
penes homines non esse peccata vitare , adigi
eos ad male agendum , imposita ipsis cœlitus
necessitate , cui resisti non possit , quicquid
operis ab ipsis proficiscatur , hoc debere tran-
scribi voluntati diuinę , quasi quę impellat
creaturam ad scelera . electis & prædestinatis
non obesse peccata , eos antequam nascantur
ita esse constitutos , vt quæcunque demum per-
petrauerint etiam enormia crimina aduersus
legē Dei , perseuerent tamen semper in Dei be-
neuolentia , & charitate . Hęc & alia , quę pas-
sim leguntur in scriptis rigidorum Calvinista-
rum ita offenderunt Remonstrantes , siue Mol-
liores in Hollandia , quorum antesignanus fuit
Arminius , vt palam eos postulent Manichęis-
mi , & Borborismi , damnentque grauissimę in
Deum optimum blasphemię . Facit hoc P. Ber-
tius in suis libris aduersus Gommaristas , qui
tandem animaduersis tot grauissimis socio-
rum suorum erroribus transiit ad Catholicos .
Hęc recitavi , vt viderent rigidi asseclæ Cal-
uini se , dum impugnant libertatem arbitrij hu-

mani, asseruntque hominem semel iustificatum numquam posse excidere gratia Dei dissentire à veteri Ecclesia, & ab ea tanquam hereticos in Manichæis, & Borboritis fuisse damnatos.

De causa peccati ex homilia D. Basilij. Cap. LX.

Quam periculosè, imò impiè loquantur Aduersarij, vbi agunt de Dei prouidentia, & causa peccati alibi indicati, & tum notum est, vt non opus sit verba ipsorum prolixè adducere. Cæterum non desunt inter ipsos, quibus doctrina illa magnopere improbatur, multis de causis, è quibus magni momenti est illa, quod huiusmodi doctrina Caluini repugnat sensui Antiquorum Ecclesiæ Doctorum. Remittunt igitur nos quidam ex Aduersarijs ad Veteres scriptores. Dan. Heinsius notis in Maximum Tyrium p. 107. postquam nonnulla obseruauit ad celeberrimam quæstionem philosophorum, qua disputant, cum Deus bona operetur, vnde nam sint mala, censet videndam Magni Basilij Homiliam, *Quod Deus non est causa malorum*. In qua quidam disputatione ita versatur vt causam peccati

ti non Dei voluntati, vt faciunt rigidiores Caluinkani, seu libero hominis arbitrio adscribat. *Principium*, inquit, *namque ac radix peccati*, in nobis, & in nostra potestate, quibus si à malo abstinuiffemus, nihil omninò graue pati licebat, &c. Malum itaque natura ex nobis oritur iniustitia, impetus, inconsiderantia, timiditas, inuidia, cædes, veneficia, astutia, fallacia, & reliqua omnia, quæ animam ad Dei imaginem factam sunt apta inquinare, & ipsius pulchritudinem aliquo modo inficere. ibidem addit: Sic item Ciuitatum interitus ex nimia peccantium peruersitate originem habentes Deum ab omni querelæ causa soluunt. Abctantur Caluinistæ verbis D. Pauli Rom. 9. vbi ait, Deum præparare quædam vasa in interitum, inferuntq. Deum creare hominem ad perditionem, & eum ipsum impellere ad peccandum. At D. Basilius ita exponit locum illum vt nihil faciat ad stabiliendum sensum Caluinistarum. *Vbicunque*, inquit, *audiueris vasa intellige quod nostrum*, quilibet ad aliquem factus est vsum. Quemadmodum in magna domo vas est aureum, argenteum, testaceum, ligneum; huiuscemodi ergo materiæ electio cuiusque cõparatur, etiam vas aureum is est, qui mente, moribusq. simplex, ac sine dolo est. Argenteum item non diuersis mul-

tum ab illo sententia, moribusq. fuerit. Testaceum ac figulinum, qui terrestria sapit, & frangi, conteriq. sit aptus. Ligneum qui per peccatum facile sordet, & igni externo materiam præbet: Sic Deus omnipotens, iræ vas veluti sordidum separat, & ob inhærentem ex corruptione foetorem visibus adhibere minimè valens, ut inutile, & interitu dignum abolet. Ecce quod aliquis sit vas iræ, & perditioni deputetur, adscribit causam S. Basilius non Deo, sed homini sponte ruenti per peccatum in interitum. Ex obduratione cordis, cuius meminit Scriptura, etiam praua quædam in suam sententiam colligunt iidem hæretici. Sed de ea aliter loquitur S. Basilius eadem homilia: Obduravit, inquit, Deus Pharaonem longanimitate, ac pænæ dilatione ipsius ferens vitium, ut ad extremum eius iniquitate ad summum gliscente iustius super eum Dei iudicium ostenderetur. Et paulò post infert; Parce diuinam incusare providentiam, nec Deum mali auctorem dixeris.

Diui-

Diuina prædestinatio non tollit libertatem humanæ voluntatis.

Cap. LXI.

Nesciunt Calviniani præscientiam Dei, & prædestinationem, siue præordinationem cum libertate voluntatis humanæ conciliare, hinc adeo fit, vt contra quam Ciceroni euenit, dum illam adstruere, & tueri satagunt, hanc imprudentes euertant, quod ipsis non, contingeret, si veteres Scriptores Ecclesiæ hac in re consulere, cumque ijs sentire vellent. Ita verò illi quæstionem tractant, vt neque præscientiam Dei, quam Græci προγνωσιν, & προορισιν vocant, neque liberum arbitrium hominis tollant. De S. Augustini sententia scribit Daniel Heinſius notis ad Maximum Tyrium, p. 32. *Hanc quæstionem, inquit, nobilissimam lib. de Ciuitate Dei cap. 9. tractauit D. Augustinus, qui ita concludit: Quapropter & voluntates nostræ tantum valent, quantum Deus eas valere voluit, atque præsciuit; & ideo quicquid valent, certissime valent, & quod facturæ sunt, ipsæ omninò facturæ sunt, quia valituras, atque facturæ ille præsciuit, cuius præscientia falli non potest.*

Verbo

Verbo, Iustificari, quid significetur in Scripturis. Cap. LXII.

Verbo, Iustificari, duas solùm significationes ex Scripturis assignant hæretici, vt sternant, & parent sibi viam ad primarium, & grauißimum errorem de Iustificatione hominis. Primum aiunt iustificare verbo illo significari esse idem ac iustum censere. Secundo Iustum declarare. Ex huiusmodi significato dictum illud D. Pauli Rom. 3. quo pronuntiat Deum iustificare impium, ita explicant, vt dicant D. Paulum voluisse docere Deum, etsi probè videat hominis alicuius impietatem, impuritatem, etsi eum norit omnibus vitijs inuolutum, nihilominus non alio loco quàm sancti, puri, iusti, & ab omni vitio & peccato alieni habere, talemq. pronuntiare, & declarare dignum amicitia sua, & perpetua gloria. Secundum significatum asciuerunt verbo Iustificare, vt scilicet eò facilius negare possent hominem iustificari bonis operibus, quod tamen disertis verbis affirmat S. Iacobus cap. 2. dum ait: *Videtis igitur hominem iustificari operibus, & non tantum fide*, quod ipsi exponunt de manifestatione iustitiæ, quæ fiat per bona opera.

Negant

Negant autem mordicus significationem Catholicam, qua verbum iustificare, idem est ac iustum facere, vt dicatur Deus iustificare impium, ex impio, & iniusto, pium & iustum, facere. Caussantur hæretici eiusmodi significatum non posse admitti, cum nusquam ex probatis linguæ latinæ authoribus, Cicerone nempe, Terentio, Sallustio, alijsq. confirmari possit. Quasi verò eò adigantur angustiarum, Theologi, vt verborum sacrorum, & ecclesiasticorum germanam vim debeant metiri profanis scriptis Gentilium, qui de diuina iustificatione nihil planè norant. Adeundi nobis potius sunt Scriptores Ecclesiæ, & rerum Theologicarum antiqui tractatores, quorum scripta cum consuluerint ipsi Nouatores super huiusmodi significatu, dicant sanè ipsi, quis fuerit tantorum virorum sensus. M. Chemnitius igitur in p.5. Examinis sic loquitur: *Non mouemus litem quomodo Iustificationem accipiant Patres*, Non vult mouere litem, quia satis nouit Patres longè aliter explicasse verbum iustificare, quam ipse faciat cum suis Nouatoribus. paulò post ita scribit: *Non ignoro Patres aliter loqui*. Idem audacter inuehitur in sacrosanctos Magistros, quia scilicet noluerunt verbum, Iustificare, Lutheranum in morem explicare: *Patres* inquit

confirmandum adducit testimonia S. Augustini p. 3. *Credendum sanè, inquit Casaub. etiam ante natum è B. Virgine Dominum, alios quoque salutis factos esse participes, paucos qui vel apparent in scripturis, vel in genere humano latent, ut ait B. Augustinus in epistola 99. ad Euodium Episcopum, sed illud quoque simul credendum, neminem ulla unquam etate ad spiritualem Ierusalem pertinuisse, nisi cui diuinitus reuelatus fuerit vnus Mediator Dei & hominum, homo Iesus Christus, qui venturus in carne, sic antiquis Sanctis prænuntiabatur, quemadmodum nobis venisse nuntiatus est, ait idem Augustinus de Ciuit. Dei lib. 8. cap. 47. & in epist. 28. ad Hieronymum verba illius sunt: Certus sum non esse animam vllam in genere humano, cui non sit necessarius ad liberationem mediator Dei & hominum homo Iesus Christus. Quia verò Nouatores quidam ad paradoxum Zuinglij tuendum abutuntur nonnullis locis D. Chrysostomi, cum summa iniuria illi affingentes tam absurdam sententiam; S. Doctoris verba vindicat Casaubonus. At qui, inquit, Chrysostomus cum ita loquebatur (quando scilicet aiebat ante aduentum Christi etiam sine confessione Christi potuisse aliquem seruari) loquebatur de clara & perspicua, atque, ut Scholastici loquuntur expli-*

*explicita Christi notitia , non de obscura ,
 anigmatica , & figuris inuoluta , probatque
 ex alijs locis viri sanctissimi hanc fuisse ipsius
 mentem : deprauant nempe aduersarij nonnul-
 la loca sanctorum Patrum , quodque illi dixe-
 runt non necessariam fuisse explicitam notitiam
 Christi ad salutem eternam consequendam , hoc
 trahunt eò ac si dixissent non fuisse necessa-
 riam gratiam Christi ad eundem finem . Hæc
 enim valdè differunt . Gratia namque om-
 nibus , qui seruari volunt , necessaria est , & ne-
 cessaria fuit ijs , qui vixerunt ante aduentum
 Christi , at non item ijsdem necessaria fuit no-
 titia explicita Christi , vt constat ex plurimis
 locis eorundem sanctorum Patrum . Quod au-
 tem Herculem , Numam Pompilium in cœlo
 collocat Zuinglius refutatur , etiam ex eo , quod
 illi Idololatræ fuerunt , neque quicquam de
 ipsorum poenitentia constat . Itaq; D. Chryso-
 st. ait , vt adducitur à Casaub. homil. 28. in Matth.
*Fruentur , inquit , omnibus vite eterne bonis ,
 etiam illi , qui Christum ante ipsius incarnatio-
 nem non norunt (explicitè nempe) sed ab
 Idololatria se abstinuerunt ,*
 hæc Chryso-
 st. mus.*

Caluinistæ oppugnant libertatem
arbitrij, cum Manichæis.

Cap. LIX.

Contendebant Manichæi peccata nnn posse
se vlllo modo vitari; proficisci ea namque
ex mala mente. Duas in homine dicebant esse
mentes, vnam quam asseriebant esse malam, &
à malo principio, eam, quam nos vocamus
concupiscentiam carnis. Alteram verò
aiebant esse bonam, quam nos appellamus ani-
mam rationalem; peccata, quæ in homine
fiunt, à mala anima procedere, & ea non posse
per liberum arbitrium impediri. Borboritæ aie-
bant Deum quosdam selectos creare, ita sibi
acceptos, vt licet omnis generis peccatorum
sordibus inuoluerentur, nunquam tamen exci-
derent gratia, quinimò diuina beneuolentia
semper eos amplecti in quocunque statu
peccatorum. Conabantur suum paradoxum
explicare similitudine quadam sumpta ab au-
ro. Aurum enim, aiebant, idem semper est,
eodem colore præditum, eiusdem valoris, &
præstantiæ, siue in capsula aliqua munda asser-
uetur, siue cœno, & luto inuoluatur. Eodem
modo se habere paucos illos selectos à Deo. A
præ-

prædicta autem similitudine de cœno inuoluen-
te aurum vocati sunt Borboritę, *Βόρβορος* nan-
que cœnum est. Profectò si verum fateri vo-
lunt Calvinistę, non negent necesse est se senti-
re cum Manicheis, & Borboritis, dum docent
penes homines non esse peccata vitare, adigi
eos ad male agendum, imposita ipsis cœlitus
necessitate, cui resisti non possit, quicquid
operis ab ipsis proficiscatur, hoc debere tran-
scribi voluntati diuinę, quasi quę impellat
creaturam ad scelera. electis & prædestinatis
non obesse peccata, eos antequam nascantur
ita esse constitutos, vt quæcunque demum per-
petrauerint etiam enormia crimina aduersus
legē Dei, perseverent tamen semper in Dei be-
neuolentia, & charitate. Hęc & alia, quę pas-
sim leguntur in scriptis rigidorum Calvinista-
rum ita offenderunt Remonstrantes, siue Mol-
liores in Hollandia, quorum antesignanus fuit
Arminius, vt palam eos postulent Manicheis-
mi, & Borborismi, damnentque grauissimę in
Deum optimum blasphemię. Facit hoc P. Ber-
tius in suis libris aduersus Gommaristas, qui
tandem animaduersis tot grauissimis socio-
rum suorum erroribus transiit ad Catholicos.
Hęc recitavi, vt viderent rigidi asseclæ Cal-
uini se, dum impugnant libertatem arbitrij hu-

mani, asseruntque hominem semel iustificatum numquam posse excidere gratia Dei dissentire à veteri Ecclesia, & ab ea tanquam hereticos in Manichæis, & Borboritis fuisse damnatos.

De causa peccati ex homilia D. Basilij. Cap. LX.

QUàm periculosè, imò impiè loquantur Aduersarij, vbi agunt de Dei prouidentia, & causa peccati alibi indicati, & tum notum est, vt non opus sit verba ipsorum prolixè adducere. Cæterum non desunt inter ipsos, quibus doctrina illa magnopere improbatur, multis de causis, è quibus magni momenti est illa, quod huiusmodi doctrina Caluini repugnat sensui Antiquorum Ecclesiæ Doctorum. Remittunt igitur nos quidam ex Aduersarijs ad Veteres scriptores. Dan. Heinsius notis in Maximum Tyrium p. 107. postquam nonnulla obseruauit ad celeberrimam quæstionem philosophorum, qua disputant, cum Deus bona operetur, vnde nam sint mala, censet videndam Magni Basilij Homiliam, *Quod Deus non est causa malorum*. In qua quidem disputatione ita versatur vt causam peccati

ti non Dei voluntati, vt faciunt rigidiores Calviniani, seu libero hominis arbitrio adscribat. *Principium*, inquit, *namque ac radix peccati*, in nobis, & in nostra potestate, quibus si à malo abstinuissimus, nihil omnino graue pati licebat, &c. Malum itaque natura ex nobis oritur iniustitia, impetus, inconsiderantia, timiditas, inuidia, cædes, veneficia, astutia, fallacia, & reliqua omnia, quæ animam ad Dei imaginem factam sunt apta inquinare, & ipsius pulchritudinem aliquo modo inficere. ibidem addit: Sit item Ciuitatum interitus ex nimia peccantium peruersitate originem habentes Deum ab omni querelæ causa soluunt. Abstantur Calvinistæ verbis D. Pauli Rom. 9. vbi ait, Deum præparare quædam vasa in interitum, inferuntq. Deum creare hominem ad perditionem, & eum ipsum impellere ad peccandum. At D. Basiliius ita exponit locum illum vt nihil faciat ad stabiliendum sensum Calvinistarum. *Vbicunque*, inquit, *audiueris vasa intellige quod nostrum*, quilibet ad aliquem factus est vsus. Quemadmodum in magna domo vas est aureum, argenteum, testaceum, ligneum; huiuscemodi ergo materie electio cuiusque cõparatur, etiam vas aureum is est, qui mente, moribusq. simplex, ac sine dolo est. Argenteum item non diuersis mul-

tum ab illo sententia, moribusq. fuerit. Testaceum ac figulinum, qui terrestria sapit, & frangi, conteriq. sit aptus. Ligneum qui per peccatum facile sordet, & igni externo materiam præbet: Sic Deus omnipotens, iræ vas veluti sordidum separat, & ob in hærentem ex corruptione foetorem visibus adhibere minime valens, ut inutile, & interitu dignum abolet. Ecce quod aliquis sit vas iræ, & perditioni deputetur, adscribit causam S. Basilius non Deo, sed homini sponte ruenti per peccatum in interitum. Ex obduratione cordis, cuius meminit Scriptura, etiam praua quædam in suam sententiam colligunt iidem hæretici. Sed de ealiter loquitur S. Basilius eadem homilia: Obduravit, inquit, Deus Pharaonem longanimitate, ac pænæ dilatione ipsius ferens vitium, ut ad extremum eius iniquitate vel summum gliscente iustius super eum Dei iudicium ostenderetur. Et paulò post infert; Parce diuinam incusare providentiam, nec Deum mali auctorem dixeris.

Diui-

Diuina prædestinatio non tollit libertatem humanæ voluntatis.

Cap. LXI.

Nesciunt Caluiniani præscientiam Dei, & prædestinationem, siue præordinationem cum libertate voluntatis humanæ conciliare, hinc adeo fit, vt contra quam Ciceroni euenit, dum illam adstruere, & tueri satagunt, hanc imprudentes euertant, quod ipsis non, contingeret, si veteres Scriptores Ecclesiæ hac in re consulere, cumque ijs sentire vellent. Ita verò illi quæstionem tractant, vt neque præscientiam Dei, quam Græci προγνωσιν, & προορισιν vocant, neque liberum arbitrium hominis tollant. De S. Augustini sententia scribit Daniel Heinſius notis ad Maximum Tyrium, p. 32. *Hanc quæstionem, inquit, nobilissimam lib. de Ciuitate Dei cap. 9. tractauit D. Augustinus, qui ita concludit: Quapropter & voluntates nostræ tantum valent, quantum Deus eas valere voluit, atque præsciuit; & ideo quicquid valent, certissime valent, & quod facturæ sunt, ipse omnino facturæ sunt, quia valituras, atque facturæ ille præsciuit, cuius præscientia falli non potest.*

Verbo

Verbo, Iustificari, quid significetur in Scripturis. Cap. LXII.

Verbo, Iustificari, duas solùm significationes ex Scripturis assignant hæretici, vt sternant, & parent sibi viam ad primarium, & grauissimum errorem de Iustificatione hominis. Primum aiunt iustificare verbo illo significari esse idem ac iustum censere. Secundo Iustum declarare. Ex huiusmodi significato dictum illud D. Pauli Rom. 3. quo pronuntiat Deum iustificare impium, ita explicant, vt dicant D. Paulum voluisse docere Deum, etsi probè videat hominis alicuius impietatem, impuritatem, etsi eum norit omnibus vitijs inuolutum, nihilominus non alio loco quàm sancti, puri, iusti, & ab omni vitio & peccato alieni habere, talemq. pronunciare, & declarare dignum amicitia sua, & perpetua gloria. Secundum significatum asciuerunt verbo Iustificare, vt scilicet eò facilius negare possent hominem iustificari bonis operibus, quod tamen disertis verbis affirmat S. Iacobus cap. 2. dum ait: *Videtis igitur hominem iustificari operibus, & non tantum fide*, quod ipsi exponunt de manifestatione iustitiæ, quæ fiat per bona opera.

Negant

Negant autem mordicus significationem Catholicam, qua verbum iustificare, idem est ac iustum facere, vt dicatur Deus iustificare, impium, ex impio, & iniusto, pium & iustum, facere. Caussantur hæretici eiusmodi significatum non posse admitti, cum nusquam ex probatis linguæ latinæ authoribus, Cicerone nempe, Terentio, Sallustio, alijsq. confirmari possit. Quasi verò eò adigantur angustiarum, Theologi, vt verborum sacrorum, & ecclesiasticorum germanam vim debeant metiri profanis scriptis Gentilium, qui de diuina iustificatione nihil planè norant. Adeundi nobis potius sunt Scriptores Ecclesiæ, & rerum Theologicarum antiqui tractatores, quorum scripta cum consuluerint ipsi Nouatores super huiusmodi significatu, dicant sanè ipsi, quis fuerit tantorum virorum sensus. M. Chemnitius igitur in p. 5. Examinis sic loquitur: *Non mouemus litem quomodo Iustificationem accipiant Patres.* Non vult mouere litem, quia satis nouit Patres longè aliter explicasse verbum iustificare, quam ipse faciat cum suis Nouatoribus. paulo post ita scribit: *Non ignoro Patres aliter loqui.* Idem audacter inuehitur in sacrosanctos Magistros, quia scilicet noluerunt verbum, Iustificare, Lutheranum in morem explicare: *Patres,* inquit,

inquit, *discesserunt à propria, Euangelica, & Apostolica significatione vocabulorum, per quæ Spiritus Sanctus doctrinam huius loci (de Iustificatione peccatoris) in Scriptura patefecit, ut sunt Iustificatio, iustitia, iustus*. Hoc maledicus homo effurit in sanctos authores, quia videt ab ipsis non ita explicata testimonia. Scripturę de Iustificatione, ut ea cœpit ante cē- tum annos interpretari Lutherus. Cæterum, ut hoc obiter dicam, operam perdunt hēretici, dum magno labore, & longo ordine corro- dunt ex Scripturis omnia loca, quibus Hebręo- rum *hizdik* reperitur, ut euincant esse verbum forense, & idem esse ac iustum declarare; ut ut enim accipiatur multis in locis eo sensu, non tamen illinc quis collegerit semper ita acci- piendum: Nam si vel vnus locus afferatur ex Scripturis, in quo eo sensu ponatur verbum, quo id accipimus nos Catholici, actum fuerit. de magna illa rapsodia Aduersariorū. Locum verò vnicum adscribam ex Apocalypsi c. 22. *Qui iustus est, iustificetur adhuc*, vbi clarissima est significatio, & nimis facilè obuia, pro iustum fieri. Quod vsque adeò est manifestum, ut hē- retici volentes nolentes id fateantur.

F I N I S.





ROMAE, Typis Francisci Corbelletti.
MDCXXVI.

SVPERIORVM PERMISSV.

